

O LE EKALESIA A IESU KERISO O LE AU PAIA O ASO E GATA AI • TESEMA 2014

# O Le Liahona



**O Le Toe Aumaia  
o Isi i le Faatuatua  
ia Keriso, i. 12**

**O Lesona e Fa mai  
le Vao Paia, i. 24**  
**Iloaina o le Moni o le  
Kerisimasi, i. 36**  
**Mo Mataupu Aoaoina  
a le Autalavou: O Auala e  
Mafai ona E Fesoasoani ai i  
Tagata Fou Liliu Mai, i. 50**



*"O lenei ituaiga o  
lotofaafetai e mafai  
ona i ai i soo se taimi  
e tusa lava po o le a le  
mea o tupu i o tatou  
talaane. E sili atu i lo  
le ita, lotovaivai, ma  
le faanoanoa. E fuga  
pea ma le matagofie  
i taimi e sou ai le tai  
faapena foi ma le  
taimi e malū ai."*

Peresitene Dieter F. Uchtdorf,  
Fesoasoani Lua i le Au  
Peresitene Sili, "la Lotofaafetai  
i Soo Se Tulaga," *Liahona*, Me  
2014, 75.



12

## SAVALI

- 4 Savali a le Au Peresitene Sili: Faatumulia le Lalolagi i le Alofa o Keriso**  
Saunia e Peresitene Dieter F. Uchtdorf
- 7 Savali a Faiaoga Asiasi: O Le Misiona Paia a Iesu Keriso: Alii o le Filemu**

## TALA FAAALIA

- 12 Fesoasoani Atu i Isi ia Maua le Faatuatua ia Keriso**  
Saunia e Elder L. Tom Perry  
*E mafai ona e faamalosia lou faatuatua i le taimi nei ma fesoasoani atu i isi ina ia toe foi i se faavae mautu o le faatuatua i le Faaola.*

## I LE FAAVAA

Luma: Ata na tusia e Matthew Reier. I totonu o le faavaa pito i luma: Ata o le puletaofia Johnér/offset.com.

- 18 O Paonia i Atunuuma: O Le Ekalesia i Suetena—Tuputupu Ae, Malaga Atu, ma le Malosi**  
Saunia e Inger Höglund  
*E ui i faafitauli, ae ua faanatinati e le Alii Lana galuega i lenei atunuuma matagofie.*

- 24 O Lesona mai le Vao Paia**  
Saunia e Elder Marlin K. Jensen  
*E ala i le matauina o mamanu o le tuputupu ae o laau, e mafai ona tatou aaoa ai le auala tatou te mauaa ai i upumoni e faavavau.*

- 30 O Tausaga e 500 na Ma'umau: Mai ia Malaki e oo atu ia Ioane le Papatiso**  
Saunia e S. Kent Brown  
ma Richard Neitzel Holzapfel  
*O le a se mea na tupu i tausaga i le va o le Feagaiga Tuai ma le Feagaiga Fou?*

- 36 O Le Tulaga Moni o le Kerisimasi**  
Saunia e Bishop Gary E. Stevenson  
*Ia tatou iloa o le pepe na fanau i Peteleema o le Togiola moni lava lea.*

## MATAGALUEGA

- 8 O Le Mea Ua Tatou Talitonu I Ai: O Le Sefuluai e Fesoasoani i le Fausiaina o le Malo o le Atua**
- 10 Ataata: O Se Vavega o le Kerisimasi**  
Saunia e Lindsay Alder
- 11 O Perofeta o le Feagaiga Tuai: Malaki**
- 40 O Leo o le Au Paia o Aso e Gata Ai**
- 80 Seia Tatou Toe Feiloai: Ou Te iloa o Loo Soifua o la**  
Saunia e Elder Melvin J. Ballard  
*O Iesu o lo tatou Alii toetu, ma ua ia valaaulia i tatou uma e o mai ia te Ia.*



44

**44 O Le Tali i Fesili Faigata Uma**

Saunia e R. Val Johnson

*Afai e amata ona oo ifo ni masalosologa i lou loto, ia manatua mataupu faavae nei e lima.*



*Vaai pe mafai ona e mauaina le Liahona o loo natia i le lomiga lenei. Faaitete: E mafai faapefea e manu ona aoao mai i tatou e uiga i le usiusitai?*

**48 O Le Faaola ma le Faamanatuga**

Saunia e David L. Beck

*"Tou te faia le mea nei e fai ma faamanatuga ia te au," o le fetalaiga lea a le Faaola a o Ia faavaeina le faamanatuga.*

**50 E Faape'i le Avea ai ma se Tagata Fou Faato'a Liliu Mai?**

Saunia e Joshua J. Perkey

*Aoao le auala e mafai ai ona e fesoasoani i tagata fou liliu mai e fetiuuai i le auai i le Ekalesia.*

**54 Fesili ma Tali**

*O le a se mea e tatau ona ou faia pe a tauemuina a'u i le aoga ona o le mulimuli i tulaga faatonuina o le Ekalesia?*

**56 Mai le Misiona: Leai ni Agelu e Manaomiaina**

Saunia e Jeniann Jensen Nielsen

**57 Pepa Lautele o le Savali: Ia Fai se Avanoa****58 O Fea o Ou I Ai? O Le Auala e Illoa ai ma Atiina Ae Au Meaalofa Faaleagaga ma Taleni**

Saunia e Elder Mervyn B. Arnold

*O le a se mea e mafai ona faia e le tuagane o lo'u tina i se fasi uamea tuai?*

**62 O Le Auala e Saunia ai mo le Afio Mai Faalua**

Saunia e Elder Dallin H. Oaks

*O le a se mea o le a e faia pe afai e te iloa o le a e feiloai i le Alii a taeao?*

**63 O La'u Meaalofa o le Kerisimasi**

Saunia e Dustin Ward

*E ui lava sa ou papatiso ina ua valu ou tausaga, ae ou te le'i alu lava i le lotu—seia oo ina suia e se mea lo'u olaga e faavavau.*

**64 Saunia e Agai i Luma**

Saunia e Richard M. Romney ma Mickey Shimomiya

*Na ta'u atu e talavou tai 12 tausaga le matutua e toafitu ia lagona o le siitia mai le Peraimeri i Alii Talavou po o Tamaitai Talavou.*



74

**67 Molimau Faapitoa: Pe Moni Ea na Maliu ma Toetu Mai lesu?**

Saunia e Elder D. Todd Christofferson

**68 Aumaia o le Peraimeri i le Fale:**

**Tatou Te Manatua ma Tapuai i Lo Tatou Faaola, o lesu Keriso**

Saunia e Erin Sanderson ma Jean Bingham

**70 Yancy**

Saunia e Elder Brent H. Nielson

*Pe ana usiusitai la matou solofanua, semanu e ola o ia i se olaga fiafia.*

**71 O La Tatou Itulau****72 O Uo mai le salafa o le Lalolagi: O A'u o Minna mai Suetena**

Saunia e Amie Jane Leavitt

**74 O Le Kerisimasi Muamua**

Saunia e Jenn Wilks

*Ia manatua le soifua mai o Iesu a o e faatinoina lenei tala.*

**76 Vaai i Totonu!**

Saunia e Sophia C.

**77 Tagata o Tusitusiga Paia o le Feagaiga Tuai: Tavita ma Koliata****78 Mo Tamaiti Laiti: O Sina Vaega o le Kerisimasi i Aso Uma**

Saunia e Kate Strongin

O Le Lomiga Faamaonia Faa-Samoa a le Ekalesia a Iesu Keriso o le Au Paia o Aso e Gata Ai

**Susuga a le Au Peresitene Sili:** Thomas S. Monson, Henry B. Eyring, Dieter F. Uchtdorf

**O Le Korama a Apostolo e Toasefululuua:**

Boyd K. Packer, L. Tom Perry, Russell M. Nelson, Dallin H. Oaks, M. Russell Ballard, Richard G. Scott, Robert D. Hales, Jeffrey R. Holland, David A. Bednar, Quentin L. Cook, D. Todd Christofferson, Neil L. Andersen

**Faatonu:** Craig A. Cardon

**Fautua:** Mervyn B. Arnold, Christoffel Golden, Larry R. Lawrence, James B. Martino, Joseph W. Sitati

**Pule Faatonusili:** David T. Warner

**Faatonusili o le Lagolago mo Aiga ma**

**Tagata o le Ekalesia:** Vincent A. Vaughn

**Faatonusili o Mekasini a le Ekalesia:** Allan R. Loyborg

**Pule o Mea Tau Pisini:** Garff Cannon

**Pule Faatonutonu:** R. Val Johnson

**Pule Faatonutonu Lagolago:** Ryan Carr

**Lagolago o Lomiga:** Lisa C. López

**Au Tusitusi ma Faatonutonu:** Brittany Beattie, David Dickson, David A. Edwards, Matthew D. Flitton, Lori Fuller, Garrett H. Garff, LaRene Porter Gaunt, Mindy Anne Leavitt, Michael R. Morris, Sally Johnson Odekirk, Joshua J. Perkey, Jan Pinborough, Richard M. Romney, Paul VanDenBergh, Marissa Widdison

**Pule Faatonusili Tusiata:** J. Scott Knudsen

**Faatonusili Tusiata:** Tadd R. Peterson

**Au Mamanu:** Jeanette Andrews, Fay P. Andrus, Mandie M. Bentley, C. Kimball Bott, Tom Child, Nate Gines, Colleen Hinckley, Eric P. Johnsen, Susan Lofgren, Scott M. Mooy, Mark W. Robison, Brad Teare, K. Nicole Walkenhorst

**Faatonu o le Puletaofia ma Fatufatuga:**

Collette Nebeker Aune

**Pule i le Gaosiga:** Jane Ann Peters

**Au Gaosi:** Kevin C. Banks, Connie Bowthorpe Bridge, Julie Burdett, Bryan W. Gygi, Denise Kirby, Ginny J. Nilson, Gayle Tate Rafferty

**Tailolomi:** Jeff L. Martin

**Faatonusili Lolumiga:** Craig K. Sedgwick

**Faatonusili o le Tufatufaga:** Stephen R. Christiansen

Mo le okaina o mekasini, alu i le store.lds.org po o le Faletusi Tutotonu i Pesega. Telefoni 64127. Totogi o le Mekasini: \$0.55 (Samoa) i le kopu. Totogi mo le Tausaga Atua \$6.60 (Samoa).

**Auina atu tusitusiga ma faafesili i luga o le initoneti i le liahona.lds.org:** pe meli mai i le Liahona, Rm. 2420, 50 E. North Temple, Salt Lake City, UT 84150-0024, USA; po o le i-meli: liahona@ldschurch.org.

*O Le Liahona* (o lona uiga i le Tusi a Mamona o le "tapasa" po o se "faatonuala") e lomia i le faa-Alepania, Aminia (Sasae), Pisilama, Palekeria, Kemupotia, Sepuanu, Saina, Kalaotia, Siekisolvakia, Tenimaka, Take, Igilisi, Eritonia, Fiti, Finelani, Farani, Siamani, Eleni, Hanikeri, Initu, Iselani, Indonisia, Italia, Japani, Kiripati, Korea, Lativia, Litunia, Malakasa, Maselai, Monokolia, Nouei, Polani, Potukale, Romania, Rusia, Samoa, Saina (ua faafagofeina), Silovenia, Sipaniloa, Suetena, Swahili Tagaloka, Tahiti, Tai, Toga, Iukureini, Urutu, ma Viatename. (E eseese lava gagana.)

© 2014 Puletaofia e le Intellectual Reserve, Inc. Ua taofia aia tatau uma. Lomia i le lounata Setete o le Ama.

E mafai ona kopu tala ma ata o le Liahona mo le toe faaaogaina i lotu po o le aiga ae ia le faia ai ni pisinisi. E le tatau ona kopu ni tala po o ni ata po afai o faasa mai i le laina o loo ta'au ai le e ona lea faatufugaga. Auina atu fesili e uiga i le puletaofia i le Intellectual Property Office, 50 East North Temple Street, Salt Lake City, UT 84150, USA; i-meli: cor-intellectualproperty@ldschurch.org.

**For Readers in the United States and Canada:**

December 2014 Vol. 38 No. 12. O LE LIAHONA (USPS 311) Samoa (ISSN 1045-0947) is published monthly by The Church of Jesus Christ of Latter-day Saints, 50 East North Temple, Salt Lake City, UT 84150. USA subscription price is \$10.00 per year; Canada, \$12.00 plus applicable taxes. Periodicals Postage Paid at Salt Lake City, Utah. Sixty days' notice required for change of address. Include address label from a recent issue; old and new address must be included. Send USA and Canadian subscriptions to Salt Lake Distribution Center at address below. Subscription help line: 1-800-537-5971. Credit card orders (Visa, MasterCard, American Express) may be taken by phone. (Canada Poste Information: Publication Agreement #40017431)

POSTMASTER: Send all UAA to CFS (see DMM 707.4.12.5). NONPOSTAL AND MILITARY FACILITIES: Send address changes to Distribution Services, Church Magazines, P.O. Box 26368, Salt Lake City, UT 84126-0368, USA.

# Manatu Mo Afiafi Faaleaiga

*O lenei lomiga o loo i ai tusiga ma gaoioiga e mafai ona faaaoga mo afiafi faaleaiga. O manatu nei e lua.*



## "E Faape'i le Avea ai ma se Tagata Fou

**Faato'a Liliu Mai?"** itulau e 50: Mafau-fau e fai se talanoaga faatasi ma lou aiga e uiga i tala o le liuaina na faasoa mai e tagata o le ekalesia i le tusiga lenei. E mafai foi ona e faiatua le lisi o luitau e 10 ia na feagai ma tagata liliu mai (o loo aofia i le tusiga). I le avea ai ma se aiga, ia faailoa mai ni tagata fou i la outou uarota po o le paranesi po o tagata o e ua amata ona toe faatoaagaina mai i le Lotu. Ona galulue faatasi lea e fatu se fuafuaga e faauo atu ai i na tagata o le ekalesia ma lagolagoina i latou a o latou taumafai e saili le malosiaga e fetuunai ai i tulaga faaleagafesootai ma faaleaganuu ma ia tuputupu ae ai faaleagaga.

## "Tatou Te Manatua ma Tapuai Atu i Lo

**Tatou Faaola, o Iesu Keriso,"** itulau 68, ma le "**O Le Kerisimasi Muamua,"** itulau e 74: Faamanatu le soifua mai o le Faaola i se tasi o le tele o manatu mo gaoioiga e faaautuina i le Kerisimasi o i lenei lomiga. Mo se faataitaiga, e mafai ona e oti ese ia pusa o i le itulau e 69 ma filifili faatasi o se aiga pe o le a faapefea ona outou faaali atu lo outou alolofa mo le Faaola i le vaitau o lenei Kerisimasi faapea ai ma le tausaga atoa. Atonu e mafai foi ona outou mafaufau e faaaoga ia tusiga o i le itulau e 74 e avea o se taiala e fesoasoani ai i lou aiga e faatino le ata o le soifua mai o lesu. E ono fesoasoani nei gaoioiga uma e lua e aoao ai lau fanau i le auala e taulai atu ai o latou mafaufauga i le Faaola i le vaitaimi o le Kerisimasi.

## I LAU GAGANA

O loo maua le Liahona ma isi tusi a le Ekalesia i le tele o gagana i languages.lds.org.

## AUTU I LENEI LOMIGA

*E ta'u mai e numera le itulau muamua o le tusiga.*

**Afio Mai Faalua,** 62

**Aiga,** 10, 40, 42

**Alofa,** 4, 40, 50

**Auauna atu,** 4, 10, 12, 41, 43, 56, 78

**Faamanatuga,** 48

**Faatuatua,** 12, 24, 44, 80

**Faauoga,** 50

**Faigata,** 24, 54

**Feagaiga Tuai,** 11, 30

**Filemu,** 7

**Galuega faafafeatalai,**

12, 18, 50, 56, 76

**Iesu Keriso,** 4, 7, 12, 36,

48, 57, 67, 68, 74, 80

**Kerisimasi,** 4, 10, 36, 40,

42, 43, 57, 63, 74, 76, 78

**Liliuese,** 30

**Liua,** 42, 50, 63

**Loto faafetai,** 10

**Maliu,** 40

**Masalosaloga,** 44

**Meaalofa faaleagaga,** 58

**Molimau,** 44

**Paionia,** 18

**Sefuluai,** 8

**Suetena,** 18, 72

**Toefuataiga,** 24

**Toetu,** 67

**Tusitusiga Paia,** 30

**Usiusitai,** 30, 54, 70



**Saunia e Peresitene  
Dieter F. Uchtdorf**

Fesoasoani Lua i le  
Au Peresitene Sili

# FAATUMULIA LE LALOLAGI I LE ALOFA O KERISO

**P**e a tatou mafaufau i le Kerisimasi, e tele lava ina tatou mafaufau i le foai atu ma le mauaina o mealoa. O meaalofa e mafai ona avea ma se vaega o se tu masani faapelepele, ae e mafai foi ona aveesea maia le mamalu faigofie o le vaitau ma faalavelave ai ia i tatou mai le faamanatuina o le soifua mai o lo tatou Faaola i se ala anoa.

Ou te iloa mai aafiaga faaletagata lava ia o Kerisimasi e sili ona manatuaina, o Kerisimasi ia e sili ona faatauvaa. O meaalofa o i le vaitaimi o ou tamaitiiti e mautinoa lava le faatauvaa e faatusatusa i tulaga o nei vaitaimi. O nisi taimi sa ou maua ai se ofutino fonofono po o se pea totigilima po o ni totini. Ou te manatua se tasi o Kerisimasi faapi-toa lea na aumai ai e lou uso ia te au se naifi laau na ia vaneina.

E le manaomia ni meaalofa taugata ina ia anoa ai Kerisimasi. Ua toe faamanatu mai ia te au se tala na faamataina e Elder Glen L. Rudd, o le sa auauna atu o se uso o le Au Fitugafulu mai le 1987 i le 1992. I se tasi aso a o lei oo i le Kerisimasi i le tele o tausaga ua mavae, a o ia pule-aina se faleteuoloa a epikopo, sa ia iloa mai se taitai faale-lotu se aiga lē tagolima lea faatoa masii mai i le aai. Ina ua ia alu e asiasi i lo latou tamai falemautotogi, sa ia iloa ai se tina talavou nofofua ma sana fanau e toafa e i lalo ifo o le 10 tausaga.

Na matuai lē tagolima lava le aiga ma sa le mafai e le tina ona faatau ni meaai mama po o ni meaalofa mo lana fanau mo lena Kerisimasi—na le mafai foi ona ia faataua se laau. Sa talanoa Uso Rudd ma le aiga ma iloa ai e matuai fiafia lava teineiti e toatolu i se pepe meataalo po o se

manu e faatumu i momi. Ina ua ia fesili atu i le atalii e ono tausaga le matua po o le a se mea e manao ai, na tali mai le tamaitiiti fiaai, “Ou te fia manao i se ipu polesi.”

Na folafola atu e Uso Rudd i le tamaitiiti se polesi ma atonu ma se isi mea. Ona ia alu lea i le faleteuoloa a epikopo ma ao mai ni meaai ma isi sapalai e tali ai manaoga vave o le aiga.

O lena lava taeao na tuu atu ai ia te ia e se tagata o le Au Paia o Aso e Gata Ai limafoai se 50 tala “mo se tasi o mafatia.” O le faaaogaina o lena foai, na faatopetope atu ai e Uso Rudd le toatolu o lana lava fanau ma o e fai le faatau o le Kerisimasi—na filifili e lana fanau ni meataalo mo tamaiti lē tagolima.

Ina ua uma ona utaina i le taavale meaai, lavalava, mealoa, o se laau Kerisimasi, ma nisi o mea teuteu, na agai atu le taavale a le au Rudds i le falemautotogi a le aiga. O iina sa latou fesoasoani ai i le tina ma lana fanau e faatu le laau. Ona latou tuuina lea o meaalofa i lalo o le [laau] ma avatu i le tamaitiiti laitiiti se pepa polesi telē.

Sa tagi le tina, sa olioli le fanau, ma sa latou usuina uma se pese o le Kerisimasi. I lena po a o faapotopoto le aiga o Rudd mo le ‘aiga o le afiafi, na latou avatu le faafetai na mafai ona latou aumaia sina fiafia o le Kerisimasi i se isi aiga ma fesoasoani i se tamaitiiti laitiiti e maua se ipu polesi.<sup>1</sup>

## O Keriso ma le Agaga o le Foai Atu

Mafaufau i le auala faigofie ae mamalu na filifili e lo tatou Tama Faalelagi e faamamalu ai le soifua mai o Lona Alo. I lena po paia, na lei faaali mai ai agelu i tagata mauoa ae i leoleo mamoe. Sa lei soifua mai le pepe o Keriso i se



maota tautupu ae i se faatanoa vao. Sa aui o Ia i se ie ae le o se ie silika.

O le faigofie o lena uluai Kerisimasi na muai faailoa mai ai le soifuaga o le Faaola. E ui na Ia foafoaina le lalolagi, savalia malo o le malualii ma le mamalu, ma tu i le itu taumatau o le Tama, ae sa Ia afio mai i le lalolagi o se tamaitiiti tuulafoaiina. O Lona soifuaga o se faatusa o le tamalii tauagafau, ma sa Ia savali faatasi ma e matitiva, mamai, faanoanoa, ma mafatia i avega.

E ui o Ia o se tupu, ae sa Ia lei popole mo mamalu po o oa a tagata. O Lona soifuaga, o Ana fetalaiga, ma Ana galuega i aso uma o ni faamanatu o le mamalu faigofie ma o'oo'o.

O Iesu le Keriso, o le na silafia atoatoa le auala e foai atu ai, na faatulagaina mo i tatou le mamanu mo le foai atu. Mo i latou ua mafatia o latou

loto i le tuuatoatasi ma le faanoanoa, Na te aumaia le agaalofa ma le faamafanafanaga. Mo i latou o o latou tino ma mafaufau ua mafatia i ma'i ma puapuaga, Na te aumaia le alofa ma

le faamalologa. Mo i latou o o latou agaga ua mamafatua i le agasala, Na te ofoina mai le faamoemoe, faamalogaga, ma le togiola.

Pe ana i ai le Faaola ma i tatou i le taimi nei, semanu tatou te mauaina o Ia i le mea sa i ai o Ia i taimi uma—o auauna atu i e agamalu, faanoanoa, lotomaualalo, atuatuvale, ma e loto maualalo. I le taimi o lenei vaitau o le Kerisimasi ma aso uma, tau ina ia tatou foai atu ia te Ia e ala i le alofa atu e pei ona Ia alofa mai. Tau ina ia tatou manatua le mamalu faamaualalo o Lona soifua mai, o mealofa, ma le soifuaga. Ma tau ina ia tatou faatumulia le lalolagi i le malamalamo o Lona alofa ma le mana faamalolo e ala i faatinoga faigofie o le agalelei, alofa mama, ma le agaalofa. ■

#### FAAMATALAGA

1. Tagai i le Glen L. Rudd, *Pure Religion: The Story of Church Welfare since 1930* (1995), 352–53; tagai foi Glen L. Rudd, “A Bowl of Oatmeal,” *Church News*, Dec. 2, 2006, 16.

#### AOAO ATU MAI LENEI SAVALI

**U**a aoao mai e Peresitene Uchtdorf e tatau ona tatou mulimuli i le mamanu a le Faaola o le foai atu. Mafaufau e fesili atu i tagata o loo e asia e auaua'i e tau mai se mealofa na tuuina atu e le Faaola ia i latou, ma talanoa i le auala e mafai ona latou faaaoga ai lena mealofa e auauna atu ai i isi. Mo se faataitaiga, afai sa faamanuiaina se tagata i se aoaoga faamusika, e mafai ona ia alu e usu ni pese i nisi o tuaoi. E mafai ona e ofo atu e tootutuli faatasi ma i latou o loo e asia e tatalo, ole atu mo se musumusuga po o a ni mealofa e faasoa atu, le auala e faasoa atu ai, ma po o ai foi e faasoa atu i ai. Toe tulitatao soo se musumusuga e te mauaina.

Mo ni manatu i le aoaoina atu o lenei savali i le autalavou ma tamaiti, tagai i le itulau e 6.

## AUTALAVOU

### Aoao mai i Aafiaga o Isi

**U**a saunoa Peresitene Uchtdorf mai i aafiaga faaleta-gata lava ia ina ua ia aoao mai "o le Kerisimasi sili ona manatuaina, o Kerisimasi ia e sili ona faatauvaa." E mafai ona tatou aoaoina ni mea se tele mai le tupulaga matutua atu; e toatele tagata matutua ua soifua i taimi o taua, o le leiai o se galuega, faama'i, po o isi tofotofoga. Fesili atu i

tagata matutua o lau uarota po o le paranesi e faamatala atu ia te oe e uiga i a latou Kerisimasi aupito sili ona anoa. E mafai ona e tusia i lalo a latou tala. Taumafai e aoao mai i a latou faataitaiga e ala i le taulai atili atu i lenei Kerisimasi e tuuina atu se auauanga faamaoni ma le manatuaina o le Faaola.

## TAMAITI

### O Meaalofa mai ia lesu Keriso

**O**nisi tagata e faaaogaina se laau Kerisimasi e faamanatu ai le soifua mai o lesu Keriso. O nisi taimi e tuu e tagata ni meaalofa mo isi i lalo o le laau. O a meaalofa ua tuuina atu e le Faaola ia te oe? Faitau mau taitasi o loo i lalo ma valivali le meaalofa. E mafai ona e toe avatua ni meaalofa ia lesu e ala i le sailia o ni auala e fesoasoani ai i isi.



*Ia suesue ma le agaga tatalo lenei savali ma saili ia iloa mea e faasoaa atu. O le a mafai faapefesa e le malamalama i le soifuaga ma le matafaioi a le Faaola ona faateleina lou faatuatua ia te ia ma faamanuiaina ai i latou o loo e tausia e ala i le faiaoga asiasi? Mo nisi faamatalaga, alu i le reliefsoociety.lds.org.*

## O Le Misiona Paia a Iesu Keriso: Alii o le Filemu

*O se vaega lenei o se faasologa o Savali a Faiaoga Asiasi e faaauatu i vaega o le misiona a le Faaola.*

**O**le Faaola o le punavai o le filemu moni,” o le saunoaga lea a Elder Quentin L. Cook o le Korama a Apostolo e Toasefululu. “E ui lava foi i tofotofoga o le olaga, ae ona o le Togiola a le Faaola ma Lona alofa tunoa, o le a tauia ai i latou o e ola amiontonu i le filemu o le tagata lava ia.”<sup>1</sup> O le malamalama o Iesu Keriso o le Alii o le Filemu e mafai ai ona fesoasoani ia i tatou e maua le filemu i le loto ma faateleina ai lo tatou faatuatua ia te Ia.

Ua fetalai atu Iesu Keriso: “Ua ou fai atu nei mea ia te outou, ina ia outou maua le manuia ia te au. E maua foi outou e le puapuaga i le lalolagi: a ia outou loto tetele; ua ou manumalo i le lalolagi” (Ioane 16:33). I le faasoaina atu o le molimau e uiga i lena upumoni, ua saunoa ai Linda S. Reeves, fesoasoani lua i le au



peresitene aoao o le Aualofa e faapea: “Sa alofa mutimutivale le Alii ia te au ma sa fesoasoani e faamamaina au avega. Sa ia fesoasoani ia ou lagolina se filemu sili.”<sup>2</sup>

Na aoao mai Elder Richard G. Scott o le Korama a Apostolo e Toasefululu: “O le nofoaga lelei lava mo . . . le toofilemu o totonu lava o puipui o o tatou lava fale, lea tatou te faia ai mea uma tatou te mafaia e faatotonugalemu ai le Alii o Iesu Keriso.”<sup>3</sup>

### Mau Faaopoopo

Isaia 9:6; Luka 2:14; Ioane 14:27;  
1 Nifae 13:37; Mataupu Faavae ma Feagaiga 59:23

### Mafaufau i le Mea Lenei

O a ni auala e aumaia ai e le Faaola le filemu i lou olaga?

### FAAMATALAGA

- Quentin L. Cook, “Filemu o le Tagata Lava Ia: O Le Taui lea o le Amiontonu,” *Liahona*, Me 2013, 35.
- Linda S. Reeves, “Avatu Faamanuiaaga o a Outou Feagaiga,” *Liahona*, Nov. 2013, 120.
- Richard G. Scott, “Mo Le Filemu i le Aiga,” *Liahona*, Me 2013, 29.

Faatuatua, Aiga,  
Toomaga



### Mai Tusitusiga Paia

Na valoia e Isaia le soifua mai o Iesu Keriso, le Alii o le Filemu (tagai Isaia 9:6). I laueleele o Amerika, na ta’u atu e Samuelu le sa Lamana faailoga o le a oo mai faatasi ma le soifua mai o Keriso i le lima tausaga mulimuli ane (tagai Helamana 14:3, 5). A o latalata mai le aso na valoaina, na faamata'uina e tagata le talitonu le faaumatiaina o Kerisiano uma pe afai e le tutupu nei faailoga. O le perofeta o Nifae na “tagi faatauanau atu o ia i le Alii i lena aso atoa; ma faauta, sa oo mai le siufogaga o le Alii ia te ia, ua fetalai mai: . . . O taeao ou te alu ai i le lalolagi” (3 Nifae 1:12–13). Na faaali mai faailoga, ma faatasi ai ma le soifua mai o Keriso, na “amata ona toe maua ai e tagata le filemu i le lauelele” (fuaiupu 23).

I Peteleema, “ua fanau [ai e Maria] lana tama ulumatua, ua ia aui ia te ia i le ie, ma faataoto ia te ia i le fale povi” (Luka 2:7).

# O LE SEFULUAI E FESOASOANI I LE FAUSIAINA O LE MALO O LE ATUA

Tatou te talitonu i le tuuina atu o le tasi-vaesefulu o a tatou tupe maua i le Alii e fesoasoani ai e fausia Lona malo. O le tulafono o le sefuluai e manaomia ai lo tatou ositaulagaina o nisi o a tatou meatotino ina ia mafai ai ona olioli i faamanuiaga faaleagaga sili atu.

O le mataupu faavae o le sefuluai na faatinoina lava talu ona muai aoaoina le talalelei i le lalolagi. O Aperaamo, mo se faataitaiga, sa ia totogi atu sefuluai i le fataulaga sili o Mekisateko (tagai Kenese 14:18–20). Sa poloaiina e le Alii Mose e aoao atu tagata e uiga i le sefuluai (tagai Levitiko 27:30–34). Mulimuli ane, ina ua asiiasi atu le Faaola ia sa Nifaē, na Ia tuuina atu ia i latou le tulafono o le sefuluai (tagai 3 Nifae 24). Ma i o

tatou aso, na Ia toefuataiina mai lenei poloaiga e ala i le Perofeta o Iosefa Samita (tagai MF&F 119).

Ina ia faataunuuina lenei poloaiga, tatou te tuuina atu le tasi-vaesefulu o a tatou tupe maua i le Alii e ala i taitai perisitua i le lotoifale. E auina atu tupe i le laumua o le Ekalesia, lea e fuafua ai e se aufono e aofia ai le Au Peresitene Sili, o le Korama a Apostolo e Toasefululua, ma le Au Epikopo Pulefaamalumalu ia auala e faaaoga ai tupe paia (tagai MF&F 120).

O sefuluai e mafai ai e le Ekalesia ona fausia ma tausia malumalu ma falelotu, e lagolago ai seminare ma inisitituti, e tuuina atu ai meatotino mo tagata o le Ekalesia, ma lagolago ai le galuega faafafeautalai, malumalu ma talafaasolopito o aiga.

Tatou te talitonu i le totogiina o sefuluai ma le loto i ai, “aua e alofa le Atua i le ua foai ma le loto malie” (2 Korinito 9:7). O le totogiina o sefuluai o se auala lea e mafai ai ona tatou fesoasoani e fausia le malo o le Atua i le lalolagi ma faaali atu le agaga faafetai i le Tama Faalelagi mo le faamanuiaina o i tatou i mea uma ua tatou maua. Ae o le totogiina o sefuluai e aumaia ai faamanuiaga sili atu i o tatou olaga. E pei ona aoao mai Malaki: “Ina aumai ia mea e sefuluai a'i a outou mea uma lava i le fale e tuu ai mea; ina ia i ai mea e ‘ai i lo'u fale; ma ia outou tofotofo mai ia te a'u i lenei mea, ua fetalai mai ai Ieova o ‘au; pe ou te le toina pupuni o le lagimmo outou, ma sasaatatu le manuia mo outou, ina seja silisili ona tele (Malaki 3:10). E mafai ona oo mai faamanuiaga faaletino ma faaleagaga ia i latou uma o e totogiina se sefuluai faamaoni, e tusa lava pe afai e itiiti le tupe. ■

*Mo nisi faamatatalaga, tagai i le Kenese 28:20–22; Malaki 3:8–11; ma le mataupu 12 i le Aoaoga a Peresitene o le Ekalesia: Lorenzo Snow (2012).*

## FAAMANUIAGA O LE TOTOGIINA O LE SEFULUAI




“E atiina ae ma tofotofina e le sefuluai lo tatou faatuatua. E ala i le ositaulagaina mo le Alii o mea tatou te manatu tatou te manaomia pe mananao foi i ai mo i tatou lava, tatou te aoao ai e faalagolago atu ia te la. O lo tatou faatuatua ia te la e mafai ai ona tatou tausia feagaiga faalemalumalu, ma mauaina faamanuiaga e faavavau o le malumalu. . . .

“Ua aoaoina foi i tatou e le sefuluai ia puleaina o tatou manaoga ma tuinanau mo mea o lenei lalolagi. O le totogiina o le sefuluai e uunaia ai i tatou ina ia faamaoni i a tatou fegaleaiga ma o tatou uso a tagata. Tatou te aoao e faatuatuaina mea ua tuuina mai ia te i tatou, e ala mai i faamanuiaga a le Alii ma a tatou lava taumafaiga filiga, ua lava lea mo mea tatou te manaomia. . . .

“O i latou e tausia ma le faatuatua ma le faamaoni le tulafono o le

sefuluai, ua folafola mai e le Alii i ai le anoanoai o faamanuiaga. O nisi o nei faamanuiaga e faaletino, e pei lava foi ona faaletino le sefuluai. Peitai, e faapei foi o sauniga faaletino o le papatisoga ma le faamanatuga, o le poloaiga e totogi le sefuluai e manaomia ai le ositaulagafaatino, ae o le iuga e aumaia ai faamanuiaga sili faaleagaga.”

*Elder Robert D. Hales o le Korama a Apostolo e Toasefululua, “O Le Sefuluai: O Se Tofotofoga o le Faatuatua ma Faamanuiaga e Faavavau,” Liahona, Nov. 2002, 27.*




O sefuluai ma isi foai e tuuina atu i le Alii e ala i se tasi o le au epikopo po o le au peresitene o le paranesi.



E totogi e le sefuluai le tau mo le fausiaina ma le tausiaina o malumalu ma falelotu.



E totogi e le sefuluai le faaliliuga ma le lolomiina o tusitusiga paia ma punaoa mo lesona.



E fesoasoani le sefuluai e totogi le aoga a le autalavou i aoga a le Eklesia, seminare ma inisitituti o mataupu faalelotu.

E auina atu tupe o le sefuluai mai le uarota ma paranesi i le laumua o le Eklesia, lea e filifili ai e se aufono e aofia ai le Au Peresitene Sili ia auala o le a faaaogaina ai nei tupe paia.

# O SE VAVEGA O LE KERISIMASI

Saunia e Lindsay Alder

*Sa tata pea lava lona fatu. E le o lelei tele e pei ona sa i ai muamua a o lei oso le mai fatu. Ae o loo tata pea.*



Lagona le mafanafana o lou loto i le po nei. E moni lava na nutimomoia, uno'oa, ma saeia. Ae ua matagofie le faamafanafanaina. Ua matua ou lagonaina lava le agaga faafetai—le agaga faafetai ua matua loloto ma siomiaina e foliga mai o se āva fou ua tatalaina i lo'u agaga ia maua ai se avanoa, le agaga faafetai ua matua faatumulia ma patino ua le mafai ai ona taofia le tafe ifo i lalo i ou alafau o loimata o le filemu. O loo manava lo'u toalua. E mafai ona ou faalogo i ai, e loloto ma mālū.

I nai itula ua mavae, sa ou a'e ai i luga o lona moega i le falemai, ma lē amanaiaina ia kiki lemu mai i la ma pepe e toeitiiti fanau mai, ma maua ai sina vaimea i totonus uaea uma na faapipii i lona fatafata lea na mafai ona taoto ai lo'u ulu. O le faalogo-logo i lona fatu o tata i lou taliga o se aafiaga o le a ou manatua pea e faavavau.

O loo tata pea lava lona fatu. E le o lelei tele e pei ona sa i ai muamua a o le i oso le ma'i fatu. Ae o loo tata pea.

O le mafanafana o moli mai laina o moli Kerisimasi lea na tautau solo i le potu na ou lagona ai le mafanafana i le tele o auala i lenei po. O lo latou susulu vaivai ua fatu ai se siosiomaga mafanafana, ae o le mafanafana moni ua oo mai i uo moni na loto e tuu a latou lava fuafuaga o le Po e sosoo ma le Kerisimasi ae o mai e teuteu [le potu] ina ua siitia ese Brian mai le potu tigaina. O le laau Kerisimasi e tolu futu (1 m) o loo tu i le faamalama o se faatusa lea o lo latou alofa.

E mafai faapefea ona ou faafetai i a ma uo? Pe o le a latou iloaina ea le tele o lou manaomaiaina o i latou ma lou faafetai tele? A o liliu atu o'u manatu i lo'u toalua nai lo se isi mea, sa o latou alolofa i la'u fanau, faamamaina o lo'u fare, toe faatumu la'u pusa aisa, fai a'u tagamea, afifi a matou meaalofa o le Kerisimasi, ma aumaia le alofa ia te au e ala i ni opo, taumafataga i afiafi, kata o meaalofa, tupe, valaau i telefoni, feau tusitusia, imeli, savali, ato o laau paina ua sasala i manogi sinamoni, ma se atopa'u e tumu i mea teuteu. Sa o latou fetagisi faatasi ma au ma tatalo ma anapopogi. Ma o le faia o nei mea uma, sa o latou aumaia ia te au le meaalofa aupito sili ona taua e mafai ona latou tuuina mai: o o latou taimi. Oka sou alofa ia i latou uma!

Ou te manatu o le a ou moe lelei i le po nei, aua ua faatumulia a'u i le lotofaafetai e le muta mo i latou uma.

Ae e sili ai lou lagonaina o le agaga faafetai i le Alii mo le ola a lo'u toalua—o lona manava loloto, o lona fatu o loo pamuina le toto, o lona tino ma le agaga ola. O lona ola o la'u vavega lea o le Kerisimasi. ■

*E alala le tusitala i Karolaina i Matu, ISA.*

# MALAKI

*"Ua poloaiina e [lesu] i latou e tatau ona latou tusia upu ia na tuuina atu e le Tama ia Malaki" (3 Nifae 24:1).*

Olou igoa o lona uiga o "la'u avefeau," ma i lena matafaioi ua ou tauina atu le "avega o le afioga a Ieova ia Israaelu."<sup>1</sup> I lo'u vaitaimi, e tusa ma le 450 tausaga a o lumanai le soifua mai o Keriso,<sup>2</sup> o le toatele o tagata Iutaia na amata ona lotovaivai, ma ua le o toe ola amiontonu.<sup>3</sup> Na aoaiina i latou e le Alii e ala i au aoaoga.

O fataulaga Iutaia mai le ituaiga o Levi na masani lava ona tuuto atu i le tauina atu o sauniga, ae sa piopio sa Levi i lo'u vaitaimi. Sa le loto faafetai i latou, sa mumusu e ava i le Atua, ma ofoina mai taulaga o areto leaga ma manu le mamai.<sup>4</sup> Ua latou solia le feagaiga o le perisitua na faia e le Atua ma Levi.

Sa—le na o ositaulaga—na leaga, sa faapena foi tagata. Sa latou faaipoipo i fafo atu o le feagaiga, tete'a ma ava na faaipoipo i ai a o talavou, ma mumusu e totogi a latou sefuluai ma taulaga.<sup>5</sup>

Ae a o fetalai mai le Alii i nei faiga faatiapolo, sa naunau o Ia e faamagalo atu ona

e alofa i Lona nuu: "Foi mai ia te au, ona ou foi atu lea ia te outou."<sup>6</sup> O se tasi o auala e toe foi atu ai i le Alii o le aumaia lea o "sefuluai a'i [o] a outou mea uma lava i le fale e tuu ai mea."<sup>7</sup>

Na muimui tagata, "E le aoga ona auauna atu i le Atua: . . . ua atiina ae foi e ua fai amio leaga [manuia],"<sup>8</sup> ae sa ou aoaoina o igoa o i latou o e "matatau i le Alii . . . ma mafafau i lona suafa" na tusia ai i se "tusi faamanatu."<sup>9</sup>

Ou te vavalou atu foi i le Afio Mai Faalua o le Alii, o e amioleaga "e pei o tagutugutu o saito" ae o i latou o e

matatau i Lona suafa "e alu ae ia te outou le La o le amiontonu ma malolo ai ona apaau."<sup>10</sup>

Ou te vavalou atu a o lei oo i le Afio Mai Faalua, o le a oo mai le perofeta o Elia e toefuatai mai ki o le perisitua o le a "liliu atu [ai] loto o tama i fanau, ma loto o fanau i o latou tama."<sup>11</sup>

E ala i a'u aoaoga, ua tatou iloa ai e manatua e le Alii Lona nuu ma tausia Ana folafolaga i Ana fanau faamaoni. E finagalo o Ia ia tatou maua le faatuatua i nei folafolaga, ma, e ala i le salamo, e toe foi atu ai ia te Ia.<sup>12</sup> ■

## FAAMATALAGA

1. Malaki 1:1.
2. Tagai i le Taiala i Tusitusiga Paia, "Malaki," 116.
3. Tagai i le Taiala o le Feagaiga Tuai a Tamaiti Aoga o le Seminare (2002), 193.
4. Tagai i le Malaki 1:2, 6–14; tagai foi i le Taiala o le Feagaiga Tuai a le Faiaoga, o Mataupu Faalelotu 301–2 (1994), 109–110.
5. Tagai Malaki 2:11, 14–16; 3:8.
6. Malaki 3:7.
7. Malaki 3:10; tagai foi LeGrand Richards, "The Second Coming of Christ, *Ensign*, May 1978, 75.
8. Malaki 3:14–15.
9. Malaki 3:16.
10. Malaki 4:1–2.
11. Malaki 4:6; tagai foi Mataupu Faavae ma Feagaiga 110.
12. Tagai i le Punaoa a le Faiaoga o le Feagaiga Tuai (2003), 215.





Saunia e Elder

L. Tom Perry

O Le Korama

a Aposetolo e

Toasefululua

# FESOASOANI ATU I ISII MAUA LE Faatuatua ia Keriso

*Ou te luiina outou e fesoasoani i fanau a le Atua ia toe  
foi mai i lo latou faatuatuaga faa-Kerisiano ma le faavae  
faalelotu malosi lea e matuai taua lava mo le filemu  
o le mafaufau ma le fiafia moni.*

**S**a faanoanoa ia Pope Benedict XVI, i le faavaivaia o lotu Kerisiano i Europa, Ausetalia, ma le Iunaite Setete, e faapea, “E le o toe i ai se faamaoniga mo se manaomia o le Atua, e oo lava foi ia Keriso.” Na ia faaopoopo mai, “E foliga mai ua mate atu lotu ia na ta’ua o ekalesia faavae.”<sup>1</sup>

Ua tatou o ese mai tapuaiga na masani ai. Ua toatele atu tagata ua fai mai o latou e faaleagaga nai lo le faalelotu. Afai e talafeagai se aoaoga ma lo latou ituaiga olaga, latou te taliaina ma avea ai o se vaega o lo latou faatuatua. Afai e leai, latou te atiaeina lo latou lava faatuatua e fai e le tagata lava ia. O le faatuatua ma le faaleagaga ua tagai nei i ai o ni fua e faaaoga e tagata. Ua pulea e mea faalelalolagi ma ua suitulaga i le Atua.

I le avea ai ma Au Paia o Aso e Gata Ai, e tatau ona lagona o tatou leo e tetee atu i nei faiga matautia ua mamanuina e faaumatia ai le faatuatua o tagata. O loo lapataia pea i tatou e le Tusi a Mamona e uiga i le suitulaga o la tatou faalagolago i le Atua i mea e le tumau. I le faamatalaina o se taimi na o ese ai sa Nifae mai lo latou faatuatua, na ta’ua ai e Mamona: “Ua latou tuputupu ae i le faamaualuluga, i le faafefeteina o o latou loto, ona o a latou oa e sili ona tele; o lea sa faateleina ai lo latou mauoa i o latou lava mata, ma le fia uai atu i upu [a perofeta], ia savavali ma le tonu i luma o le Atua” (Alema 45:24).

***O le mea moni  
sili ua faamau-  
mauina i le  
talafaasolopito  
uma o le tala o le  
soifua mai ma le  
misiona a le Alii  
o Iesu Keriso i le  
lalolagi.***





**O taulaga na amataina i le lalolagi e avea ma se sauniga o le talalelei, ina ia faatinoina ma faia i le pule o le perisitua, e fai ma faatusa o le taulaga o le a oo mai a le Atalii o le tagata, o lē o le a tuu atu Lona soifua mo agasala a le lalolagi.**

A o e vaaia le faavaivaia o le faatuatuaga faa-Kerisiano i le lalolagi, e tatau ona sili atu ona mausali ma mautinoa lou lava faatuatua. Ua tautino mai Helamana: “Ia manatua o luga lava o le papa o lo tatou Togiola, o le Keriso lea, le Alo o le Atua, e ao ina oulua atiinae ai lo ouluva faavae; ina ia pe a auina mai e le tiapolo ana matagi malolosi, ioe, ana ufanafana i le asiosio, ioe, pe a pesi mai ia te oulua na uatoa uma ma lana afa malosi, o le a leai sona mana i luga o ouluva e toso ifo ai oulua i lalo i le to o le pagatia ma le malaia e le gata, ona o le papa lea ua ouluva atiinae ai i luga, o le faavae mautinoa lea, o se faavae lea afai e atiae ai tagata e le mafai

lava ona pauu i latou” (Helamana 5:12).

Ua faamanatu mai e Nifae ia i tatou:

“Ua matou tautalatala e uiga ia Keriso, ua matou olioli ia Keriso, ua matou talai atu Keriso, ua matou vavalō e uiga ia Keriso, ma ua matou tusitusi foi e tusa ma a matou valoaga, ina ia mafai ona iloa e a matou fanau po o le a le puna e mafai ona latou tepa taulai i ai mo se faamagaloga o a latou agasala . . . [ma] lena olaga ua ia Keriso. . . .

“. . . Ona o le ala sa’o o le talitonu lea ia Keriso” (2 Nifae 25:26–28).

Pe o i ai sa tatou faavae e lagolago ai sea manatu?

## O Faatusa o le Taulaga a Keriso

O le mea moni sili ua faamaumaunina i le talafaasolopito atoa, o le tala o le soifua mai ma le misiona a le Alii o Iesu Keriso i le lalolagi. Na valoia Lana misiona mai le aso o o tatou uluai matua. I le tusi a Mose tatou te faitau ai:

“Ma o Atamu ma Eva, lana ava, sa valaau atu i le suafa o le Alii, ma sa laua faalogoina le siufogofa o le Alii mai le ala agai i le Faatoaga o Etena, ua fetalai mai ia i laua, ae sa laua le vaai atu ia te ia; aua sa punitia ese i laua mai ona luma.

“Ma sa tuu mai e ia ia i laua poloaiga, ia la ifo atu i le Alii lo laua Atua, ma avatu uluai manu o a laua lafu, mo se taulaga i le Alii. Ma sa usiusitai Atamu i poloaiga a le Alii.

“Ma ina ua mavae aso e tele, sa oo mai se agelu a le Alii ia Atamu, ua fetalai mai: Aisea ua e osi atu ai taulaga i le Alii? Ma sa fai atu Atamu ia te ia: Ou te lē iloa, ae na poloaina ai a'u e le Alii.

“Ma ona fetalai mai lea o le agelu, ua faapea mai: O lenei mea o se faatusa lea o le taulaga a le Toatasi na Fanaua e le Tama, o le ua tumu i le alofa tunoa ma le upumoni.

“O le mea lea, ia e faia mea uma e te faia i le suafa o le Alo, ma ia e salamo ma valaau atu i le Atua i le suafa o le Alo e faavavau” (Mose 5:4–8).

O lea, na faavae ai taulaga i le lalolagi e avea ma sauniga o le talalelei, ina ia faatinoina ma faia i le pule o le perisitua, e fai ma faatusa o le taulaga o le a oo mai a le Atalii o le Tagata, o lē o le a tuu atu Lona soifua mo agasala a le lalolagi.

O le faatusa o le sauniga na faatulagaina ia faailoa ai ia manatu patino o le taulaga a le Alii pe a Ia afio mai i le taulotoaiga o taimi. O le taulaga mulimuli o le Paseka, mo se faataitaiga, na manaomia ai se tamai mamoe po'a o le tausaga muamua, e aunoa ma se ila po o se pona, e filifilia e avea ma taulaga. Na masaa le toto, ma sa faaeteete ina ne'i i ai se ivi e gau—o faatusa uma ia o le ala o le maliu o le Faaola.

E ofooftogia le tuuina atu o taulaga sa faaauauina i tupulaga uma mai ia Atamu seia oo lava i le taimi o le Faaola. E ui lava sa feagai le fanauga a Israelu ma le tele o vaitau o le liliuese, ae o le faamoemoe o le a togiola e le Alo e Toatasi Na Fanaua ia agasala a tagata, ma o Lona toto togiola o le a maua ai le tino ola pea sa tumau pea i loto o tagata e toatele.

O le tuuina atu o taulaga na faamutaina lona faatinoga aoao o se tu masani ina ua mavae le Togiola a le Faaola. Na faavae le faamanatuga e faamanatu mai ai i Ona soo na i ai o Ia i le lalolagi ma sa faatinoina Lana misiona i le lalolagi. Tatou te faitau i le Luka:

“Ona tago ai lea o ia i le areto, ua faafetai, ua tofitofi ma avatu ia te i latou, ua faapea atu, O lo'u tino lenei, ua foaiina atu mo outou: tou te faia le mea nei e fai ma faamanatuga ia te a'u.

“Sa faapea foi ona tago i le ipu, ina ua uma ona talisua, ua faapea atu, O lenei ipu o le feagaiga fou lea i lo'u toto, ua faamaligiina mo outou.” (Luka 22:19–20).

Ua ou toe maofa ai foi ona o lenei faamanatu, e oo lava i le vaitau o le pogisa o le liliuese, ae sa faatinoina lava i le tele o ituaiga faiga ma auala i augatupulaga o na taimi seia oo i le taimi o le Toefuataiga o le talalelei a Iesu Keriso, ina ua toe fuatai mai le mana o le perisitua i le lalolagi e faatino ai lenei sauniga faaola paia.

I vaitau uma o le talafaasolopito faamaumaunina, tatou te maua ai le faamanatu faifai pea o le misiona a lo tatou Faaola. Na afio mai o Ia i le lalolagi o sē e itulua ona tagatantuū—o le tasi o le Atua, a o le tasi o le tagata. O lenei mea na mafai ai e Ia ona faatino Lana taulaga sili faaeaina mo i tatou uma e ala i Lana Togiola. Mata o i ai i soo se faamaloniga malosi atu o Iesu o le Keriso, o le Faaola o le lalolagi, nai lo le suesue ma ola ai i Ana aoaoga faavae faaola, lea ua Ia faaalia mai ia i tatou Lana talalelei e taialaina ai ma faatonutonu i tatou i lo tatou nonofo lē tumau ai i le lalolagi.

## O Le Talalelei O Le Tali Lea

Na saunoa Peresitene Tavita O. MaKei (1873–1970) e faapea:

“O le tiutetauave o le faaali atu i le lalolagi e faapea, o le talalelei a Iesu Keriso o le a foiaina ona faafitauli, ua i ai lea i tagata ua faia le tautinoga. . . . Ou te talitonu foi e mafai ona *fōia faafitauli uma o le lalolagi e ala i le usiusitai i mataupu faavae o le talalelei a Iesu Keriso*.

“O le tali i faafitauli fita o le lalolagi o loo maua iinei i le Ekalesia a Iesu Keriso. Ua lava ala ua saunia e le gata mo manaoga o tagata taitoatas, ae faapea foi mo le malo ma faalapotopotoga o malo. . . . Ou te ioe atonu e foliga mai ua tatou taunapa faapea ua sili lo tatou poto, ae e leai. O

lenei tautinoga o le faatinoga o le fuafuaga a le Atua e foia ai faafitauli o le lalolagi. O outou o loo umia le perisitua, ua i ai se tiutetauave sili atu i aso nei, ona ua outou soifua nei i lenei taimi fatufatua'i i le talafaasolopito o le lalolagi, e sili atu i lo se isi lava taimi muamua i le Ekalesia. Ou te toe faapea atu. Afai tatou te faia le tautinoga e taofimau i le upumoni, ona tatau ai lea i tagata uma o le Au Paia o Aso e Gata Ai, ona ola ai i le upumoni, ina ia o mai tagata o le lalolagi e tali mai i le valaaau, ma tofo i fua o le laau, o le a latou iloa ai e atoatoa ma lelei.”<sup>2</sup>

O le savali sili tatou te avatu i le lalolagi o le talalelei lea a lo tatou Alii ma le Faaola ua toefuatai mai i le lalolagi. Ua toe i ai Lana Ekalesia i le fogaeleele faatasi ai ma le mana ma le mamalu o le perisitua paia.

Ua tuuina atu ia i latou ua faauuina i le mana e galulue ai mo Ia e avea ma Ona sui e aumaia aoaoga faavae, o sau-niga, mataupu faavae, ma mana e fusifusia ai i le lalolagi e faapei ona faia i le lagi. O le Ekalesia lenei a le Faaola. Na te taitaia mataupu o Lana Ekalesia e ala i Ana perofeta filifilia. Ona aoao atu lea e perofeta le talalelei i isi ma molimau atu o Iesu o lo tatou Faaola ma le Togiola. O le vaitau lenei o le tisipenisione o le atoaga o taimi, lea na tulei saunoa i ai perofeta mai lava i le amataga o taimi. O le taimi o le faataunuina o mea uma na fetalaina e perofeta a le Alii ma faamaumauina i tusitusiga paia. O le Ekalesia a Iesu Keriso o le Au Paia o Aso e Gata Ai e le o se ekalesia fou, ae o le Ekalesia toefuataiina i le lalolagi i aso nei ma le vaitau lenei.

O outou o le tupulaga sa faasaoina e le Alii mo le taimi nei. Sa outou o a'e mai le vai o le papatisoga faatasi ma se feagaiga ma se folafolaga i le Alii, e fai ma sui o Ia e fesoasoani atu ai i tagata e tia'i ese o latou ala faalelalolagi ae foi mai i faamanuiaga ua folafola mai mo i tatou, pe afai tatou te mulimuli ia te Ia ma ola ai i Lana talalelei. E mafai ona outou fesoasoani i fanau a lo outou Tama Faalelagi e toe foi mai i lo latou faatuatuaga FaaKerisiano, ma atina ae se faatuatua ia te Ia ma toe foi mai i Ona ala.

## O Mea e Mafai Ona E Faia

E mafai ona e fesili atu, “O le a se mea e mafai ona ou faia?” I ni nai masina ua mavae na fautua mai ai lo matou peresitene o le siteki, a o lauga i le sauniga faamanatuga,

i ni mea se fa e mafai ona tatou faia e toe faafoi mai ai isi i lo latou faatuatuaga FaaKerisiano:

### 1. *Tatalo i aso taitasi.*

Na saunoa mai Peresitene Thomas S. Monson: “Ia i latou o loo faafogaga mai i lo'u leo, o e o tauivi ma luitau ma faigata, pe tetele pe laiti, o le tatalo e maua ai le malosi faaleagaga. . . . O le tatalo o le auala lea tatou te faalatalata atu ai i le Tama i le Lagi, o lē e alofa ia i tatou. Talanoa atu ia te Ia i le tatalo ona e faalogo lea mo le tali. E tutupu mai vavega e ala i le tatalo. . . . Manatua e tatalo faatauanau.”<sup>3</sup>

Ia faia au tatalo i aso taitasi ma fesoasoani i isi e toe foi mai i lo latou faatuatuaga FaaKerisiano e ala i le faamalosiauinā o i latou e tootutuli i o latou tulivae ma tatalo i le Atua.

### 2. *Suesue i tusitusiga paia i aso taitasi.*

Mata e i ai se isi molimau e malosi atu e uiga ia Iesu Keriso nai lo molimau ua tatou maua i le Tusi a Mamona? Mai le 239 o ona mataupu, e 233 o loo ta'ua ai le Faaola.<sup>4</sup> Pe le ofoofogia ea lena mea?

Ia mautinoa e fai au oe lava duesuega o tusitusiga paia i aso taitasi. Ona e fesoasoani lea i isi e toe foi mai i lo latou faatuatuaga FaaKerisiano e ala i le faamalosiauinā o i latou e duesue foi i tusitusiga paia i aso taitasi.

### 3. *Ia agavaa e auai i le malumalu.*

E i ai nisi o outou ua o i le malumalu, a o isi e le'i o. E lelei ona malamalamā i mea e manaomia ina ia maua ai se pepa faataga o le malumalu. Ua tatou malamalamā lelei i le faagasologa, lea tatou te o ai i se faamasino o Isaraelu ma faamautinoa atu ia te ia lo tatou agavaa e umia se pepa faataga o le malumalu, ona ola ai lea i tulaga faatonuina e manaomia i le umiaina o lena pepa faataga.

Ia ola i se ala o le a faaali atu ai e lau faataitaiga amiontonu le auala e agavaa ai mo faamanuiaga o le malumalu.

### 4. *Tuu atu i aso taitasi galuega auauna atu.*

Manatua upu a le Tupu o Peniamina: “Ma faauta, ua ou ta'u atu nei mea ia te outou ina ia mafai ona outou aoaoina le poto; ina ia mafai ona outou aoaoina, pe a outou auauna atu i o outou uso a tagata, ua nao lo outou auauna atu lava lea i lo outou Atua” (Mosaea 2:17). E tali moni mai lava le Alii i a tatou tatalo e ala i auaunaga tatou te tuuina atu i isi.

Ia avea ma se faataitaiga o auaunaga Faa-Keriso, ma fesoasoani i isi ia toe foi mai i lo latou faatuatuaga



Faa-Kerisiano e ala i le uunaia o i latou e auauna atu i isi.

### Tulai Atu i se Lagona Fou o le Tautinoga

Ou te iloa o loo soifua le Atua. Ou te iloa o i tatou uma o Ana fanau ma e alofa o Ia ia te i tatou. Ou te iloa na Ia auina mai Lona Alo i le lalolagi e avea ma taulaga togiola mo tagata uma. Ou te iloa o i latou o e talia Lana talalelei ma mulimuli ia te Ia o le a olioli i le ola e faavavau, o le meaalofa sili o meaalofa uma a le Atua. Ou te iloa na taitaia e le Faaola le Toefuataiga o le talalelei i le lalolagi e ala i le galuega a le Perofeta o Iosefa Samita. Ou te iloa e na o le pau le olioli ma le fiafia tumau o le a tatou mauaina i lo tatou aafiauga i la le tino nei, o le a oo mai e ala i le mulimuli ia Iesu Keriso, usiusitai i Lana tulafono, ma taus i Ana poloaiga.

Ou te luiina outou ia tutulai atu i se lagona fou o le tautinoga. Ou te luiina outou e

fesoasoani i fanau a le Atua ia toe foi mai i lo latou faatuatuaga Faa-Kerisiano ma le faavae faalelotu malosi lea e matuai taua lava mo le filemu o le mafaufau ma le fiafia moni i lenei vaitau o le olaga faataitai.

Ia faamanuia outou e le Atua i le lototele, lototoa, naunautai ma le manao e toe-fuatai le faatuatua i le talalelei a lo tatou Alii ma le Faaola. ■

*Mai se lauga o le faeasaite a le Ofisa o Aoga a le Ekalesia, "We Were the Greatest Generation," na tuuina atu i le Iunivesite o Polika Iaga i le aso 6 o Mati, 2011. Mo le saunoaga atoa, alu i le cesdevotionals.lds.org.*

### FAAMATALAGA

1. Pope Benedict le XVI, i le Noelle Knox, "Religious Takes a Back Seat in Western Europe," *USA Today*, Aug. 10, 2005; [usatoday.com/news/world/2005-08-10-europe-religion-cover\\_x.htm](http://usatoday.com/news/world/2005-08-10-europe-religion-cover_x.htm).
2. David O. McKay, *Gospel Ideals* (1953), 5; faamamafa i le uluai kopi.
3. Thomas S. Monson, "Ia Avea Ma Tagata Sili e Mafai Ona Avea Ai Oe," *Liahona*, Me 2009, 68, 69.
4. Tagai Robert J. Matthews, i le *The Book of Mormon: The Keystone Scripture*, ed. Paul R. Cheesman ma isi (1988), 33.

**Mata e i ai se isi  
molimau e malosi  
atu e uiga ia lesu  
Keriso nai lo molimau ua tatou maua  
i le Tusi a Mamona?  
Mai le 239 o ona  
mataupu, e 233  
o loo ta'ua ai le  
Faaola.**



# O LE EKALESIA Suetena

## TUPUTUPU AE, MALAGA ATU, MA LE MALOSI

*O le Eklesia i Suetena na onosaia faigata o le malaga atu o tagata faamaoni o le eklesia, o lipoti le lelei o ala o faasalalauga, ma se siosiomaga faateleina o le le taupulea, ae o loo faanatinatiina e le Alii Lana galuega i lenei laueleele filifilia.*

Saunia e Inger Höglund

**I**le 1849, sa valaauna ai e Peresitene Polika Iaga se vaega toaitiiti o tagata e malaga atu i vaega eseese o le lalolagi e talai atu le talalelei. O se tagata Suetena sa avea muamua ma seila, o John Forsgren, o le na auai i le Eklesia i Massachusetts, ISA, ma sa malaga atu i le Vanu o Sate Leki, sa talosaga atu ia Peresitene Iaga e auina atu o ia i Suetena o se faifeautalai. Sa valaauna o ia e auauna atu ma na taunu i Suetena ia Iuni 1850.

Na muai asia e Elder Forsgren ona tei laiti i Gävle. Sa ma'i lona uso o Peter, ma sa fai mai fomai e le toe manuia o ia. Na faamalamalama e Elder Forsgren le faamoemoega o lana misiona i ona uso ma tuafafine, ona faauuina ma faamanuiaina lea o Peter, lea na toefuatai mai ma le atoatoa lona malosi. I le aso 19 o Iulai, 1850, na papatisoina ai e Elder Forsgren lona uso, lea na avea ma uluai tagata liliu mai i Suetena.

O le tuafafine o Elder Forsgren, o Erika, sa i ai sona aa-fiaga uiga ese na saunia ai o ia ma Peter e talia le talalelei. I ni nai masina a o lei taunu atu lona tuagane, sa auai atu o ia i le lotu, e pei ona sa masani ai. I le taimi a o usuina se pese, sa ia vaaia ai se tagata o tu i ona luma ma faapea mai,

"I le aso lona lima o Iulai o le a sau se tagata ia te outou ma tusi e tolu ma o i latou uma o e e talitonu i mea ua tusia i na tusi o le a faaolaina." Ina ua taunu atu lona tuagane ma le tusi Paia, le Tusi a Mamona, ma le Mataupu Faavae ma Feagaiga, sa ia talitonu i le molimau a lona tuagane e aunoa ma se fesili.<sup>1</sup>


Ae paga lea, e ao ona tuua e Elder Forsgren le atunuui le mavae ai o le tolu masina. I totonusi o ni nai tausaga na auina atu ai isi faifeautalai i Suetena. Na latou mauaina tagata i Skönabäck, i le itumalo o Skåne, sa taliaina le talalelei. Sa toatele na liliu mai lea sa faatu ai le uluai paranesi iina i le 1853 i tagata e 36. O se tasi o uluai taitai i Skåne o Carl Capson, sa valaauna e avea ma peresitene o le paranesi i Lund. Pe tusa ma le 100 tagata o le eklesia na auai i le uluai konafesi a le Eklesia i le fale o manu a Carl, lea na faia i le po ina ia aloese ai mai sauaga.<sup>2</sup>

### Tamaitai o le Faatuatua

O tamaitai o e na mauaina le talalelei na avea ma poutu malosi i Suetena. O se tasi o faataitaiga o Britta Olsdotter Persson, o le tagata muamua na taliaina le talalelei i



*O tagata o le ekalesia i Västerås sa feiloai i lenei fale i le vaitausaga o le 1950.*




*1850: O le uluai faifeautalai, o John Forsgren, ua taunu i Suetena; uluai tagata liliu mai, o Peter ► ma Erika Forsgren, ua papatisoina*

*1853: O le uluai paranesi, Paranesi a Skönabäck, faatuina i tagata e 36*

fai se tatalo, tuuina atu se lauga itiiti, ona faauma lea i se isi pese ma se tatalo.

Pe a i ai ni fuafuaga e malaga atu ai o ia i Stockholm i le nofoaafi, e pasi atu e Sister Munter ni tamai tusi e uiga i le Ekalesia. O loo faaauau pea lana talatuu o le faatuatua: o nisi o e na tupuga mai ia te ia ua toe foi atu i Suetena o ni faifeautalai.<sup>3</sup>

Na asiasi atu foi faifeautalai i Smedjebacken, i le itumalo o Dalarna. Mai isi tagata, na avea ai se aiga o Jansson ma tagata o le Ekalesia i le 1886. O se tasi na tupuga mai lena aiga o Reid Johnson, o se faifeautalai na taunu i Suetena ina ua mavae le Taua Lona Lua a le Lalolagi. Sa ia toe foi atu i nisi o taimi ina ua maea lana misiona—o se peresitene o le misiona, sui risone, ma le peresitene o le malumalu.



*1854: Faatuina le Paranesi a Stockholm*

*◀ 1878: Ua faaliliutina ma lolomiina le Tusi a Mamona i le Faasuetena*

*► 1904: Ua lauiloa i lona tuatusi, Svartensgatan 3, o le uluai fale o le Ekalesia na faatuina i Suetena (faaalila iinei i le 1946)*

Vingåker. I le 1877, ina ia fesoasoani e tausi lona aiga, sa ia malaga atu ai i Stockholm e faatau atu ana lalaga. O iina sa ia feiloai ai i faifeautalai ma iloa ai na latou aoaoina le upumoni ma na papatisoina ai o ia, i le 50 o tausaga.

O lona liuaina ma le galue ma le lototoa e faalauiloa le galuega a le Alii na mulimuli ane taitai atu ai i le tele o isi papatisoga, ma na faatuina ai se paranesi i Vingåker. O loo toaaga pea e na tupuga mai ia te ia i le Ekalesia. Na saunoa mai Laila Krylborn, o le tama teine o le tupulaga lona fa na tupuga mai ia Sister Persson, “E matagofie le vaia o mea o loo tutupu i le tupulaga a a matou fanau ma fanau a fanau. Ua i ai nei i o matou aiga nai [alii] e umia le perisitua ma ni faifeautalai.”

O le isi tamaitai paionia o Lovisa Munter o Uppsala. Sa avea o ia ma se tagata o le ekalesia i le 1886, ma sa faamaoni seja oo i lona maliu i le 91 o ona tausaga. I le tele o Aso Sa, sa ia alu atu i le faletele e fai ai sauniga, ma ki le moli, ma faatalitali mo isi tagata e o atu. E masani ona leai se tasi e alu atu. I le 11:00 i le taeao sa ia faapea ifo ia te ia lava, “E le tatau ona faatali le Atua.” E na te usuina se pese,

Na tupuga mai foi i le aiga o Jansson le ava o se perofeta, o Sister Frances Monson.

### O Le Faatoilaloina o Sauaga

Mo le tele o tausaga, sa ogaoga le sauaina o tagata o le Ekalesia. E toatele faifeautalai na faafalepuipuiina, e aofia ai Mikael Jonsson, o se tagatanuu Suetena. Sa molia o ia i le 1852 ma sa aumai o ia i filifili i le 480 maila (770 km) i Malmö, lea sa lafoina ai o ia i le falepuipui o le maota, ua matua vaivai mai le fia aai ma le faasaina o mea uma. Na asia o ia e se faifeau, o le na iloa o Elder Jonsson o se tagata atamai i nisi o aoaoga. Na tautino mai le faifeau ua loto o ia e fesoasoani ia te ia, ma na folafola atu foi ia te ia nisi o aoaoga—pe afai lea na te auai atu i le faatuatuaaga Luteru ma faafitia le “Faa-Mamona.” E le i faafitia e Elder Jonsson lona faatuatuaaga, o lea sa toe faafoi faamalosi atu ai o ia i lona atunuu.<sup>4</sup>

O le isi faifeautalai faamaoni o Carl A. Carlquist, na fanau e latalata ane i Vänersborg i le 1857. I le 17 o ona tausaga, sa ia lagona ai se naunautaiga malosi e talai atu le talalelei

ma na valauina e tufatufa atu tamai tusi o le Ekalesia i Jönköping. Sa mativa o ia, o lea na tuuina atu ai e tagata o lana paranesi, o fafine e toafitua oti a latou tane ma a latou fanau, se suti ma ni seevae mo ia. Sa lei anaina e Carl se peleue talaloa pe a oo mai le vaitau o le taumalulu, ae sa faatagaina o ia e nono mai se peleue se tasi mo ni nai itula i aso uma mai nisi o tagata o le ekalesia pe afai sa latou le manaomiaina i lena aso.<sup>5</sup>

Na mulimuli ane malaga atu Carl i Iuta ma faaipoipo ai ia Hulda Östergren, o se tagata fai mai i Suetena. Sa ia toe foi atu i Suetena mo isi taimi e lua i ni misiona, e aofia ai i le avea ai ma peresitene o le Misiona a Scandinavian. O le tele o lana misiona mulimuli sa faaalu i le faasa'oina o lipotise na lolomiina e uiga i le Ekalesia e Reverend P. E. Åslev,



► 1905:  
Ua faatuina le  
Misiona a  
Suetena



o se faifeau sa nofo i le Aai o Sate Leki ma sa faafaigalue-gaina e faalauiolina lagona faatautee i Mamona i Suetena. Mo se faataitaiga, i le 1912, na tusia ai e Åslev se tusiga i le nusipepa i le *Svenska Dagbladet* lea sa ia faapea mai o Uso Carlquist e tele ana ava.<sup>6</sup> O taumafaiga a Carl na aofia ai le feiloai ma King Gustaf V ma faamaonia ai le sese o tuuaiga a Åslev i fonotaga faitele.<sup>7</sup>

Ina ia fesoasoani e tetee atu i tuuaiga a Åslev, o se tasi o tagata o le ekalesia i le lotoifale, o Einar Johansson, na ofo atu e saunoa mo le Ekalesia. Sa ia amatalia taualumaga faaletulafono talu ai ona sa faapea mai foi Åslev o le ofisa o le misiona a le Ekalesia "o se pisinisi e faapologa ai tagata papae," o se tuuaiga pepelo.<sup>8</sup> Na avea Uso Johansson ma taitai taua ma aoga mo le Ekalesia i Suetena, e aofia ai le avea o ia ma se peresitene o le paranesi i Stockholm.<sup>9</sup>

E ui lava i sauaga i lea vaitaimi, ae na liliu mai le toatele i le talalelei. O le tausaga aupito sili ona faamanuiaina e oo mai i le taimi lenei, o le tausaga e 1862, ina ua papatiso-ina ma faamauina tagata e 640. Peitai, o le toatele o tagata liliu mai, e lei umi ae malaga atu i Iuta. I le taimi lena, sa

fautuina e taitai lenei malaga atu ia faamalosia ai le Ekalesia iina. O taunuuga o lena malaga atu e mafai ona vaiaia i aso nei: e tusa ma le afa o tagata o loo nonofo i Iuta e tupuga mai tuaa Scandinavian.

Peitai, i le 1910, na asiati atu ai Peresitene Iosefa F. Samita i Stockholm ma uunaia tagata o le ekalesia e nonofo ma fausia le Ekalesia i Suetena.

### O Le Ekalesia ina ua mavae le Taua Lona II o le Lalolagi

Ina ua amata le Taua Lona Lua o le Lalolagi, na toe foi uma faifeautalai Amerika i aiga. Ona talosagaina lea o alii Suetena i le lotoifale e auaua atu o ni faifeautalai. Sa valauina C. Fritz Johansson, o le na auai i le Ekalesia i le 1931,

1914: O sui o  
le palemene a  
Suetena na palota  
e tetee atu i se  
fautuaga e faate'a  
"Sui o Mamona"  
mai le atunuu


1926: Ua maua  
e le Ekalesia  
se faatagaga  
faaletulafono  
e faatino ai le  
falelauasiga o  
ona tagata

1952: O le tulafono fou  
ua faamaonia ai le sao-  
lotoga mo aulotu uma e  
le o i lalo o le malo; ua  
maua e le Ekalesia se  
faatagaga faaletulafono  
e faatino ai faaipoipoga  
mo ona tagata

e avea ma peresitene fou o le misiona. E tasi le tausaga a o lei amataina le taua, sa ia faatau atu lana pisinisi faleoloa ae avea ma se faifeautalai ma lana ava ma le fanau e toatolu. Ina ua uma le taua, na valauina Peresitene Johansson ma faifeautalai e toafitua mai Suetena ina ia toe tatala le galuega faafaifeautalai i Finelani, lea na taofia ona o le taua.


Ina ua toe foi atu faifeautalai Amerika i Suetena i le 1946, sa o latou faia ni vasega faaIgilisi o se vaega o la latou galuega faafaifeautalai, ma o le toatele o la latou tamaiti aoga na avea ma tagata o le Ekalesia. Peitai, sa le'i umi le tuputupu ae, ona sa toatele tagata Suetena na malaga atu i Iuta. O le fefefe i o latou fili sa i ai muamua, o le uunaiga a le peresitene o le misiona, ma le avanoa e maua ai sauniga o le malumalu na faaosofia ai tagata malolosi e 250 e tuua Suetena i le va o le 1948 ma le 1950.

O se tasi o nei aiga o Oskar ma Albertina Andersson, o e na avea ma tagata o le Ekalesia i le 1915. Ina ua mavae le Taua Lona II o le Lalolagi, na faia e Oskar, Albertina, ma le la fanau e toafitua o e na faaipoipo atu i tagata o le ekalesia se faaiuga faigata tele e faatau atu mea uma na latou



## O LE EKALESIA I SUETENA

Misiona: 1  
Siteki: 4  
Itu: 1  
Uarota: 24  
Paranesi: 16  
Tagata o le Ekalesia: 9,463



umiaina ma “malaga atu i Siona.” Mai le 1949 i le 1950, na tuua ai e tagata e 29 o le aiga o Andersson ia Suetena. Na tuua e Oskar ma Albertina lo latou aiga, o fanau e toatolu, ma fanau a fanau e toafa, o e o le a le toe vaai lava i ai. Sa latou taunuui i se toafa ma se aai lea na tautatala ai tagata i se gagana sa latou le malamalama i ai. Ae mo nei tagata faamaoni o le ekalesia, o le latalata atu i le malumalu na sili atu ona taua nai lo se isi lava mea.

Talu mai lena taimi o tagata o le aiga o Andersson na auauna atu o ni faifeautalai ma ni taitai o le Ekalesia i vaega uma o le

*1953: O le uluai ulugalii na auai i le ekalesia, o Bengt-Arne Månnhammar ma Kerstin Skog, na faaipoipoina e le peresitene o le misiona o Clarence F. Johnson*

ua fausia se malumalu i Stockholm ma faaipaaina i le 1985. O Berit Vennerholm, o se tagata o le Uarota a Västerhaninge, na faamatalaina le faapaiaga o se “aafiaga mamalu ua leva ona moomoo i ai. O le mea sili na ou manatuaina ina ua matou talotalo atu uma ma a matou solosolo papa’e ma alalaga atu, ‘Osana!’”

O le filifliga o se nofoaga mo le malumalu ua faaalia ai le aao o le Alii i le faagasologa. Ina ua mavae le tele o talanoaga faatasi ai ma ni nai aai i le eria o Stockholm, na maua ai ni nofoaga talafeagai se lua. Na fautuaina mai e se komiti o taitai o le Ekalesia i le lotoifale



◀ 1955: O le vaega muamua o tagata o le ekalesia i Suetena na malaga atu i le malumalu i Bern, Suitiselani

1965: O le uluai falelotu na fausia e le Ekalesia na faaipaaina i Gubbängen, Stockholm

lalolagi, e aofia ai le avea ai ma se Peresitene o le Eria i Aferika ma se peresitene o le malumalu i Suetena.

Ae o isi tagata o le Ekalesia na filifili e nonofo i Suetena ma avea ai ma taitai. O se tasi o i latou o Bo Wennerlund, o se tamā talavou na papatiso i le 1949. Na avea o ia ma se taitai taua o le Ekalesia i Suetena, auauna atu o se peresitene o le misiona, sui risone, ma le peresitene o le malumalu.

### Faamanuiaga o le Malumalu i Suetena

Na taofia le tele o le malaga ina ua faaipaaina se malumalu i Suitiselani i le 1955. Mo le 30 tausaga, na faia ai e tagata o le ekalesia i Suetena ia faigamalaga faiata aso i le malumalu e ala i nofoaafi, e ala i le pasi, e ala i le taavale, e oo lava foi i vaalele—i nisi o taimi ma ni nai taimi i le tausaga e tasi.

Sa lagona e tagata le olioli le faatuaoia ina



*Sa faafafia le Aufaipese a le Tapeneko i le Fale Faafafia a Stockholm i le 1982.*

se tasi o ia nofoaga, ae na tonu i le Peresitene o le Ekalesia e sili atu ona lelei le isi. Na faamaonia le musuia o lenei faaiuga, talu ai o le isi nofoaga na faamaonia mulimuli ane e le talafeagai mo se malumalu.

E ui ina sa tauivi le Ekalesia ina ia maua le gauai lelei atu o ala o faasalalauga a Suetena, ae e tasi se taimi na maua ai o le 1984, ina ua manumalo auso talavou o le aiga o Herrey i le tauvaga pese aupito tele i Europa. O o la foliga vaaia i luga o televisi ma nusipepa na tauleleia ai le Ekalesia i le va ma tagata lautele, ma sa toatele tagata talavou na auai i le Ekalesia i lea taimi.

I le taufaaiuiuga o le vaitau o le 1980, o se isi tagata na mauaina le taulaiga lelei mai i ala o faasalalauga o Gregory Newell, o le Amepasa i Suetena e 35 tausaga le matua, o lē

Isaraelu e ala i le faataapeapeina o i latou mai o latou lava nuu. O loo i ai moni se faanatinatiina o le galuega i o tatou aso i lenei laueelele filifilia."

Ua faatupulaia foi le Ekalesia i le lotolotoi o tagata o le ekalesia. Ua faatosina mai e konafesi tuufaatasi a siteki le toatele o tagata talavou mai atunu lata ane ma saofagā ai i le fausiaina o aiga fou. O alauni limafoai a le malo mo tamaiti ma le totogiina o livi mo matua fou ua mafai ai e ulugalii ona faia ni aiga se toatele.

I le taimi nei, o le toatele o tagata talavou malolosi o le ekalesia o loo auauna atu i misiona i le lalolagi atoa. O se tasi o faifeatalai ua foi mai le misiona, o David Halldén, o le faifeatalai muamua i Yekaterinburg, Rusia, ua i ai se aiga lelei ma se fanau e toaono i le aso. Ua ia faamatala le

1975: Na faatulagaina le uluai siteki, i Stockholm, i lena taimi e Elder Thomas S. Monson



◀ 1985: Na faa-paiaina e Peresitene Gordon B. Hinckley le Malumalu o Stockholm

1991: Ua o mai uluai tagata o le ekalesia mai Rusia i le Malumalu o Stockholm; o Rusia ma setete o Baltic ua aofia i le itu o le malumalu



◀ 1995: O le Tupu o Carl Gustaf XVI ma le Masiofo o Silivia sa talimalo ai Peresitene Thomas S. Monson i le lotoa o le Malumalu o Stockholm

sa masani ona vaaia i gaoioiga eseese i nofoaga faitele. Sa toe foi o ia ma lona faletua i Suetena i le 2011 e pulefaamalumalu i le Misiona a Suetena Stockholm seja oo ia Iulai 2014.

Na pulefaamalumalu Peresitene Newell i se aofaiga faatupulaia o faifeatalai, mai le 84 i le 205. Talu ai e tau leai ni fale mautotogi ma e taugata foi i Suetena, sa ia faamatalaina ai e faapea "o se vavega lava le mafai ona maua e le misiona o fale mautotogi faaopoopo e 56 mo a matou faifeatalai fou na faatoa taunu mai."

## Tuputupu Ae Moni

I le vaitaimi ina ua maea le taua, na amata ai ona avea Suetena ma atunuua ua faateleina faalelalolagi. Peitai, e toatele lava tagata na malaga atu o loo sailia le Atua. E toatasi mai le toaono o tagata Suetena sa lei fanau i totonu o Suetena. O le toatele o i latou o e auai i le Ekalesia i Suetena o tagata malaga. Na faamatalaina e Peresitene Newell nisi o tagata faatoa liliu mai: "Ua liliu mai uso ma tuafine mai atunuue eseese e 28 i le Ekalesia i Suetena. Ua ou faaali atu lou manatu ua faapotopotoina e le Alii

aulua ua fesoasoani ai le talalelei i lona aiga: "O loo i ai le tele o leo e mafai ona taitai sese ai fanau. E fesoasoani le talalelei ia i tatou ina ia faamalolosia i latou ma maua ai lo latou talitonuga."

E ui lava i le siosiomaga faalelalolagi ma nisi o faalauiloa leaga, ae o loo nonofo pea le toatele o tagata faamaoni ma taitai malolosi o le Ekalesia i Suetena. E talisapaia e tagata o le ekalesia le fesoasoani e tuuina atu e aoaoga a le Ekalesia ma gaoioiga i aiga ma tagata taitoatasi, ma o lo latou moo-mooga tele ia toatele atu [tagata] e mauaina le savali fiafia a Iesu Keriso ma Lana Togiola. ■

*E alala le tusitala i Suetena.*

## FAAMATALAGA

1. Tagai i le *Box Elder Lore of the Nineteenth Century* (1951), 58.
2. Tagai Andrew Jenson, *History of the Scandinavian Mission* (1979), 81.
3. Tagai i le Inger Höglund ma Caj-Aage Johansson, *Steg i tro* (2000), 122.
4. Tagai i le Jenson, *History of the Scandinavian Mission*, 53.
5. Tagai i le Myrtle McDonald, *No Regrets: The Life of Carl A. Carlquist* (1985), 19–21.
6. Tagai i le McDonald, *No Regrets*, 219.
7. Tagai i le Jenson, *History of the Scandinavian Mission*, 331.
8. I le McDonald, *No Regrets*, 239.
9. Tagai i le McDonald, *No Regrets*, 219.



Elder

**Marlin K. Jensen**

Na auauna atu o se  
tasi o Fitugafulu mai  
le 1989 i le 2012

# TOLESONA MAI LE Vao. Paia

**I**le 1993, i le fa o tausaga talu ona maea le valaauina o au o se Fitugafulu, sa faatonuina ai au ma lo'u aiga e auauna atu i le Misiona a Niu Ioka Rochester. O le misiona lena e aofia ai le aai o Palamaira (lea sa nonofo ai Iosefa Samita ma lona aiga i le tele o le vaitau o le 1820) ma Feiete (lea sa faavaeina ai le Ekalesia ia Aperila 1830).

O se laueelele mataina e tumu i mauga folasi; ma vaomatua, vaituloto ma vaitafe manino; ma tagata agalelei ma fiafia. O se nofoaga foi e paia ona o mea na tutupu ai iina.

I se vaomatua o laau uumi o beeches, oaks, maples, ma isi laau e tu pe tusa ma le kuata maila i sisifo o le fale o le aiga o Iosefa ma Lusi Maki Samita e lata i Palamaira, sa vaai ai le taulealea e 14 tausaga le matua o Iosefa Samita i se faaaliga i le Atua le Tama ma Lona Alo, o Iesu Keriso. O lenei faaaliga paia, o le tali i le tatalo a Iosefa i le fia iloa o le mea moni e uiga i mea tau lotu, na amata mai ai le Toefuataiga o le talalelei i lenei tisipenisione mulimuli. Na avea ai foi lena togavao o se nofoaga paia i le talafaasolopito o le Ekalesia—o se nofoaga tatou te faamamaluina i le igoa o le Vao Paia.

Sa matou fiafia ai ma lo'u aiga i lena togavao o laau ma lagona ai lona paia. Sa faatele ona matou o i ai. O masina taitasi e taunuu mai ai faifeatalai fou ma pe a tuua ai foi e i latou o le a maea a latou misiona, matou te aveina i latou iina.

A o ou savali ma le faaaloalo i le Vao Paia pe saofai foi ma mafaufau i luga o nofoa uumi o loo i ai, e masani ona ou tomanatu i le tele o tala faatusipaia e aofia ai laau, lala, aa, fatu, sua, ma le vaomatua. O se tagata e matau ma le totoa e mafai ona aoaoina ni lesona taua mai le olaga faanatura o meaola o loo ola ai iina. Ou te fia faasoa puupuu atu ni lesona se fa o na mau lesona.<sup>1</sup>



*Ou te uunaia  
outou e tutu  
i taimi uma i  
le Vao Paia i o  
outou mafau-  
fau ma loto ma  
ola faamaoni i  
le upumoni lea  
sa amata ona  
faaali mai e le  
Atua iina.*



## **1. O laau e ola ae i taimi uma e agai atu i le malamalama.**

I le Vao Paia, o laau o loo ola i le matavao o le uluai togavao, faapea ma laau o loo tutu i le tele o auala savali i totonu, e tutupu agai i fafo ina ia aloese mai le maluia i uluulu o laau e i luga ae o i latou, ma tutupu i luga ia maua ai le tele o le susulu o le la e mafai ona maua. O o latou ogalaau ma lala pipio ua gata le tutupu e faatusatusa atu i laau tuaoi o loo ola toetoe lava a sasa'o lelei. O laau, e pei lava o le tele o mea ola uma, e manaomia le malamalama ina ia ola ma manuia ai. Latou te faia mea uma i lo latou malosi atoa e mitiia ai le tele o le sulu o le la e faaleleia ai le gaosiga o meaai a le laau—o le faagasologa lea o le liuaina o le malosiaga o le malamalama i le malosiaga tau vailaau.

O le malamalama o se elemene e sili atu foi le taua i le tulaga faaleagaga nai lo le natura. E mafua lenei mea ona o le malamalama e taua i lo tatou tuputupu ae faaleagaga ma le iloaina o o tatou gafatia atoa i le avea ai o ni atalii ma ni afafine o le Atua.

O le pogisa o le faafeagai o le malamalama ma e faatusa i malosiaga o le lalolagi lea o loo saili mai e vavae ese i tatou mai le Atua ma ia faalavefau i Lana fuafuaga paia mo o tatou olaga. E masani lava o le po, po o nofoaga pogisa e faaaoga ai e au a le tiapolo a latou faatosinaga e sili ona malolosi. O le solia o le tulafono o le ola mama, o faatinoga o le gaoi, solia o le Upu o le Poto, ma isi amioga ua faasaina e lo tatou Tama Faalelagi e masani lava ona faia faalilolilo i le pogisa. E tusa lava foi pe tatou te filifili e fai ni mea sese i le matilatila o le ao, e leai se isi mea tatou te lagonaina ua na o lagona o le pogisa.

O le mea e lelei ai, o le Agaga o Keriso “na te tuuina mai le malamalama i tagata taitoatasi e sau i le lalolagi; ma o le Agaga e faamalamalamaina tagata taitoatasi i le lalolagi atoa, o e e faalogo i le siufogoa o le Agaga.

“Ma o tagata uma taitoatasi o e e faalogo i le siufogoa o le Agaga, e o mai i le Atua, le Tamā lava. (MF&F 84:46–47).

O lenei fuitau ua faamatalaina matagofie ai le agai atu i luga o fanau a le Atua, le natura masani ua tuuina mai e le Atua lea tatou te mauaina uma—pe afai tatou te le taomiaina—e agai atu ai i le malamalama ma o le faia o lea mea, e agai atu ai i le Atua ma Lona Alo ma avea atili ai e pei o i Laua. Na fetalai Keriso e uiga ia te Ia lava, “O a'u nei o le malamalama o le lalolagi; o lē mulimuli mai ia te au, e le

savali o ia i le pouliuli, a e ia te ia le malamalama o le ola” (Ioane 8:12).

Ou te uunaia outou ina ia aloese mai le pogisa o le agasala i ona ituaiga amioleaga uma ae ia faatumuina o outou olaga i le Agaga, upumoni, ma le malamalama o lo tatou Faaola, o Iesu Keriso. E mafai ona outou faia lenei mea e ala i le sailia o ni uo tauagafau, musika ma faatufugaga musuia, poto mai tusi e sili ona lelei (aemaise lava o tusitusiga paia), taimi e tatalo faamaoni ai, taimi paganoa i mea o le natura, talanoaga ma gaoioiga lelei, ma se olaga e faaogatotonu ia Keriso ma Ana aoaoga o le alofa ma le auauna atu.



## **2. E manaomia e laau mea faafeagai ina ia ausia ai le fuataga o lo latou foafoaga.**

O ni manatu faaalia eseese e uiga i le puleaina o le vaomatua na tuliloaina lava i le aluga o tausaga i le tausiga o le Vao Paia. Sa i ai se taimi sa filifilia ai se fasi lauelele faataitai mo se faataitaiga sa ta'ua o le *faavalavala le ola [o laau]*. Na faailoa e i latou e vaaia le vaomatua ia laau iti na latou manatu sa sili ona lapopoa ma malolosi, ona latou tatuuina lea ma tetele ia laau e faalēola lelei ma pupuvao sa fealumi faatasi ai. O le talitonuga sa i ai e faapea, o le aveeseina o le tele o le tauvaga mo le suavai, susulu o le la, ma meaai mai le eleele, o laau na filifilia o le a *saoloto* e ola ma tutupu i ni auala sili ona maoae.

Ina ua mavae ni nai tausaga sa manino mai e ese le mea na tupu. O le taimi lava e saoloto ai mai le tauvaga, o laau filifilia ua amata ona faamalieina. Nai lo le tutupu falō i luga i le malamalama, sa tuai lava lo latou tutupu agai i luga, e



*O nisi o laau i le Vao Paia ua faaalia ai o le faafeagai e mafai ona aoga mo lo tatou manuia ma i lo tatou tulaga aupito maualuga e masani lava ona tele ni mea e tatau ona maua mai ai.*



tulioso mai lala maualalo o le a i'u ina leai se aoga pe a maluia, ma oo ai ina lapopoa. E leai ma se laau o le fasi lauelele faataitai e faatusalia le tetele po o le malolosi i laau na tuu e ola i le faiga masani ma na tatau ona tauva ma manumalo i mea faafeagai ina ia ola ma manuia ai.

O se tasi o aoaoga faavae autu o le Tusi a Mamona e faapea, e tatau ona i ai "le faafeagai o mea uma" (2 Nifae 2:11). O se lalolagi e i ai mea faafeagai e tuuina mai ai ni filifiliga i le va o le lelei ma le leaga, ina ia mafai ona faagaoioi ai le faitalia. Peitai, e tutusa lava foi le taua o le matapu faavae e faapea, e tatau lava ona i ai le faafeagai ina ia tupu ai le tuputupu ae faaleagaga. O le malamalamama ma le taliaina o lenei matapu faavae o le ki lea i le taliaina ma le fiafia i le olaga. E taua tele foi i le lagonaina o aafiaga o le tuputupu ae ma le atiina ae patino faaletagata lava ia.

E i ai se taimi, o le a tatou fetaiiai uma ai ma mea faafeagai ma faigata. O nisi o le a oo mai ona o se taunuuga o le i ai iinei i le olaga faitino i se lalolagi agasala. E ono aofia ai malosiaga o le natura, gasegase ma faama'i, faaososoga, tuuatoatasi, po o le le atoatoa faaletino pe faalemafaufau. O nisi taimi e oo mai ai mea faafeagai ma faigata ona o a tatou lava filifiliga e le taijalaina. E tatau ona tatou matua loto faafetai i lo tatou Faaola, e ana le Togiola lea ua saunia ai se ala mo i tatou e faaleleia ai mea uma ua nutimomoia.

Ou te mafanafana tele i fetalaiga a le Alii ia Iosefa Samita i le falepuipui o Liperate i se taimi sa toetoe lava a le mafai ai e Iosefa ona tauaveina ana avega: "Ia e iloa, lo'u atalii e, o nei mea uma e te maua ai le poto masani, ma o le a avea mo ou lelei" (MF&F 122:7).

O nisi o laau i le Vao Paia ua faaalia ai o le faafeagai e mafai ona aoga mo lo tatou manuia ma i lo tatou tulaga aupito maualuga e masani lava ona tele ni mea e tatau ona maua mai ai. O nei laau e ao ona toe faaleleia mai ituaiga eseese o mea faafeagai po o faigata—le emo o se uila, o se matagi malosi

e to faata'uta'u, o se faaputuga mamafa o le kiona po o le aisa, o le solivae ma le faataatala o tagata faatamala, ma o nisi foi taimi o le osofaiga a se laau tuaoi. Mai nei tulaga le manuia ua tutupu mai ai nisi o laau o le togavao e sili ona malolosi ma sili ona mananaia i le vaai.

### **3. E sili atu le ola lelei o laau i vaomatua, ae le o le ola toatasī.**

I le natura o se mea e matua ese lava le vaiai o se laau e tū na o ia. Toetoe o taimi uma e ola ae ai laau i togalaau, ma i le aluga o le taimi, e avea ai togalaau ma ni vaomatua. Ae peitai, o le Vao Paia, e sili atu nai lo na o se vaega o laau. O se siosiomaga faigata tele o meaola faanatura e aofia ai le tele o ituaiga o laauiti ma meaola.

E i ai se fesootaiga manino i ituaiga eseese uma o fugalaau e tuputupu a'e i le vao, pupuvao, pupulaau, laau, pulouaitu, limu, manufelegelei, isumu, lapiti, oti, ma isi lava foafoaga o i ai iina. O nei ituaiga o meaola e fegalegaleai faatasi ma faalagolago le tasi i le isi mo meaai, malutaga, ma se siosiomaga e galulue faatasi ma fegalegaleai ai lea latou te mafai ai uma ona oo i le taamilosaga o o latou olaga.

O le fuafuaga a le Atua mo o tatou olaga ua matauina ai foi se fesootaiga faapena mo i tatou. E tatau ona tatou galulue faatasi mo lo tatou faaolataga, ae le o le fai toatasī. Ua fausia e le Ekalesia ia falelotu, ae le o ni lua o paa.

Mai le amataga o le Toefuataiga, o le poloaga lava mo i tatou ia faapotopoto i nuu, lea





e mafai ai ona tatou aoao ia ola fealofani ma lagolago i e le tasi le isi e ala i le faamamaluna o a tatou feagaiga o le papatisoga (tagai i le Mosaea 18:8–10). I le avea ai ma fanau a le Atua, tatou te le toe manuia na o i tatou e pei o se laau e tū na o ia. O laau malolosi e manaomia se siosiomaga o meaola faanatura; o tagata malolosi e manaomia e le tasi le isi.

O le mea e faafetai ai, o loo i ai ia i tatou uma lava se faamemelo mo fegalegaleaiga, mafutaga, ma ni uo faatuatuaaina. I le avea ai ma nisi o le aiga e faavavau a le Atua, tatou te momoo uma mo le faamalieina ma le saogalemu lea e tuuina mai e mafutaga vavalalata ma tumau. E ui e le masalomia lava le aumaia e saite o upega o agafesootai se ituaiga o fegalegaleaiga, ae e le suitulaga na mea i fesoottaiiga faamaoni, lotomatala, ma faafesaga'i lea e tatau ona tupu ina ia mafai ona faavaeina ai ni mafutaga moni ma tumau.

E mautinoa lava o le faalesu'esu'e muamua ma sili ona lelei mo le aoaoina o le galulue faatasi ma isi, o le aiga. O le aiga tatou te aoao ai lesona o le auauna atu, lē manatu faapito, faamagalo atu, ma le onosai lea e taua i le fausiaina o mafutaga tumau ma isi.

O le mea e faafiafiaina ai, o le faatulagaina musuia o le Ekalesia ua tuuina mai ai foi faatulagaga e mafai ona tatou atiae ai faaleafafesootai. I valaauga, fonotaga, vasega, korama, aufono, gaoioiga a le Ekalesia, ma le tele o isi avanoa mo fegalegaleaiga, tatou te atiina ae ai uiga faaalia ma tomai faaafafesootai lea e fesoasoani e saunia ai i tatou mo faatulagaga faaafafesootai o le a i ai i le lagi.

A o saunoa atu e faatatau i lenei faatulagaga maualuga atu, na saunoa mai le Perofeta o Iosefa Samita, "Ma o lea lava mafutaga ua i ai ia te i tatou iiinei o le a i ai ia te i tatou iiina, ae o le a nao na faatasia ma le mamalu e faavavau, o se mamalu e lē o ia i tatou i le taimi nei" (MF&F 130:2).

#### 4. O laau e maua mai o latou malosiaga mai niuterene (meaai) na fatufatuina e tupulaga o laau na muamua atu.

Sa i ai se vaitaimi sa tonu ai ia i latou sa tausia le Vao Paia e tatau ona teu ma tetele le togavao. Sa oo loa ina faatulagaina galuega fesoasoani e aveese ai laau na pauu ma lala na gaui, pupuvao, faapea foi i ogalaau ma laulaau mamago. O lenei faiga, sa le'i umi ae amata ona mouese ai le lausiusi o le togavao. Sa tuai le tutupu o laau, laiti ni laau fou na tatupu ae, sa amata ona leai nisi o ituaiga o fugalau ma laauiti o le vao, ma sa faaitiitia le numera o manufelei ma meaola taaloa.

Mulimuli ane, e tusa ai ma se fautuaga ia tuu ai pea le togavao i lona tulaga faalenatura i le mafai e gata ai, sa tuua ai laau pauu ma lala gaui e pala ma toe faaoaina ai le eleele. Na tuu ai lava laulaau i le mea na toulu ai. Sa talosagaina tagata asiasi ia tausisi i auala sa faaflogaina ina ia faaitiitia ai le faalavelaveina o le togavao ma faaitiitia ai le solia o le eleele i totonu o le togavao. I totonu o ni nai tausaga, ae amata ona toe uluola ma toe faafouina e le togavao ia lava i se tulaga ofoofogia. O le taimi nei ua lausiusi i se tulaga e toetoe lava a atoatoa, o ona laauiti lanuluava ma le anoano o meaola ma laauiti o le natura.

O lesona e ao ona aoaoina mai lenei aafiaga e pele i lo'u loto. Mo le fitu o tausaga o avea pea ma o'u faamanuiaga le galue o se tusitalafaasolopito ma tusitalafaamaumau o le Ekalesia. Aisea e taua ai le tausia o faamau-mauga ma le aoina mai, faasaosaoina, ma le

*O se tagata e matau ma le totoa e mafai ona aoaoina ni lesona taua mai le siosiomaga faalenatura o meaola lea e ola i le Vao Paia.*

faasoaiina atu o talafaasolopito o le Ekalesia a Iesu Keriso? Aisea e taua tele ai ia te i tatou ona manutaina pea ma utu mai le malosi mai tupulaga ua mavae? (Tagai MF&F 21:1; 69:3, 8.)

Ou te fautua atu e le mafai ona [tatou] ola atoatoa i le taimi nei—e itiiti foi mea e fuafua mo o tatou tau-nuuga i le lumanai—e aunoa ma le faavae o le tuanai. O le malamalama i le sootaga o le tuanai i le taimi nei ma le lumanai e fesoasoani ai tatou te atili talisapaia atoatoa ai le faauigaga a le Alii o le upumoni e pei ona faaali atu ia Iosefa Samita: “Ma o le upumoni o



le iloa lea o mea e pei ona i ai, ma e pei ona sa i ai, ma e pei ona o le a oo mai” (MF&F 93:24).

O le iloa ua tatou maua e uiga i lo tatou tuanai ona o faamaumauga sa tausia ma e uiga i lo tatou lumanai ona o tusitusiga paia ma aoaoga a perofeta soifua ua tatou maua ai le talaaga lea e mafai ai ona faaaoga ma le atamai lo tatou faitalia.

E taua mo i tatou ona iloa lelei le talafaasolopito o la tatou Ekalesia, ae maise lava i ona tala faavae. O nei tala—o le Uluai Faaaliga a Iosefa Samita, o le oo mai o le Tusi a Mamona, o le asiasiga faaagelua Ioane le Papatiso, Peteru, Iakopo, Ioane, Elia, Elaia, ma isi—o loo i ai upumoni faavae ia e faavae ai le Toefuataiga.

O le mea e faanoanoa ai, i lenei tupulaga o tekinolesi lea ua anoanoa’i ai faamatalaga—o nisi o ia faamatalaga e faitioina ai mea na tutupu ma tagata i

le talafaasolopito o le Ekalesia—o nisi Au Paia o Aso e Gata Ai ua maluelue o latou faatuatua ma amata ai ona fesiligia talitonuga ua loa ona i ai. I na tagata le mautonu, e faailoa atu lo’u alofa ma le agaga malamalama ma le mautinoa afai latou te tausia pea mataupu faavae o le talalelei ma tulitulimatagauina pea ma le agaga tatalo a latou suesuega o le talafaasolopito o le Ekalesia—ia matuai lava le suesue ina ia maua ai se malamalamaaga atili nai lo na o se fasi malamalama po o se malamalama le atoatoa—o le a faamautu e le Agaga Paia lo latou faatuatua i mea taua na tutupu i le talafaasolopito o le Ekalesia e ala i le fetalai atu o le filemu i o latou mafaufau. O lenei auala e mafai ai ona latou maua le to’ā i o latou tautinoga e faatatau i le talafaasolopito o le Ekalesia toefuataiina.

### Faaiuga

A o ma auauna atu i le ma misiona e latalata i Palamaira, o nisi taimi ou te alu ai na o a’u i le Vao Paia ma ou tu ai ma le migao i talaane o la’u “laau molimau” e sili ona ou fiafia i ai—o se tasi o laau e tolu sa ola pea i le togalaau i le taimi o le Uluai Faaaliga. Sa masani ona ou vaai faalemafaufau e faapea, ana mafai ona tautala lena laau, na te tauina mai ia te au le mea sa ia molimauina i lena aso o le tautotogo i le 1820. Ae o le mea moni sa ou le manaomiaina lena laau e ta’u maia ia te a’u—ua uma ona ou iloa.

E ala i aafiaga ma lagona faaleagaga mai lava i lo’u talavou ma faaauau ai e oo mai i lenei lava itula, ou te iloa ai o loo soifua le Atua, lo tatou Tama. Ou te iloa foi, o Lona Alo o Iesu Keriso, o le Faaola ma le Togiola o tagata uma. Ou te iloa o nei Tamalii faama-maluina e toalua sa faaali mai ia Iosefa Samita.

O nei upumoni mamalu na amata mai i le Vao Paia. Ou te uunaia outou ia tutu i taimi uma i o outou mafaufau ma i o outou loto i lena nofoaga paia ma ola ai faamaoni i upumoni na amata faaali mai e le Atua iina. ■

*Mai se lauga o le faigalotu a le OAE, “Tu i le Vao Paia,” na tuuina atu i Kalefonia, ISA, i le aso 6 o Me, 2012. Mo le lauga atoa, asiasi i le cesdevotionals.lds.org.*

### FAAMATALAGA

1. Ou te nofo aitalafu ia Robert Parrott, o se tagata atamai e vaaia vaomatua ma le natura na faafagaluegaina e le Ekalesia e nofo i Palamaira, mo le faamatalaina mai o nisi o malamalamaaga e uiga i le Vao Paia sa ou faasoaina atu.

# O TAUSAGA E 500 NA MA'UMAU: MAI IA MALAKI E OO ATU IA IOANE LE PAPATISO

*O le 500 tausaga  
i le va o le Fea-  
gaiga Tuai ma le  
Feagaiga Fou e  
mafai ona aoao  
ai i tatou e uiga i  
tulaga i Palesitina  
anamua a o lei oo  
i le afio mai o Iesu  
Keriso ma fesoas-  
soani ia i tatou e  
faafouina a tatou  
tautinoga e muli-  
muli i le Faaola.*



### Saunia e S. Kent Brown

O le Polofesa Malolo ma le Mamalu  
o Tusitusiga Paia Anamua


### ma Richard Neitzel Holzapfel

Polofesa o le Talafaasolopito o le Ekalesia  
ma Aooga Faavae i le lunivesite o Polika laga

**I**na ua maliu le perofeta o Malaki pe tusa  
ma le 450 T.L.M., e leai se siufogofa moni  
faaperofeta sa toe faalogoina pe a ma  
le 500 tausaga. Ua tatou iloaina lenei vaitau  
o le vaitau o le va o le feagaiga tuai ma le  
feagaiga fou—o le va lea o tisipenisione o le

Feagaiga Tuai ma le Feagaiga Fou. A au-  
noa ma se perofeta, e amata ona fevaevaeai  
tagata i le laueelele i ni faalapotopotoga ma  
vaega, e taitasi ma finauina le aia e faama-  
tala ai tusitusiga paia ma taitai ai tagata. O le  
malamalamo moni ia Ieova na faaitiitia i nei  
vaega. Na mulimuli mai ai se vaitaimi umi  
o le le mautonu, lea na faamutaina ina ua  
auina atu e le Atua se perofeta fou, o Ioane le  
Papatiso, e amatalia se tisipenisione fou. Ae e  
oo lava foi ia Ioane le Papatiso ma le Faaola i  
le aoaoina o tagata, e toatele sa le mafai ona

539 T.L.M.



O TAGATA ELENI 332 T.L.M.

faatoilaloina tu masani ma talitonuga na atiina ae ma faateleina i le vaitau o le va o le feagaiga tuai ma le feagaiga fou. A tatou malamalama i nei tausaga e 500 ma le fenumiai na i ai faatasi ma i latou, e mafai ona tatou malamalama atili e uiga i le galuega a le Faaola ma faafouina ai a tatou tautinoga e mulimuli ia te Ia.

### Faaaunuua ma le Nofopologa: O Le Tau o le Lē Usiusitai

Sa lapatai mai e Perofeta e pei o Isaia ma Ieremia ia tagatanuu o Ierusalem e faapea afai latou te faaaua pe a ona solia a latou feagaiga ma le Alii, o le a faatafunaina le aai ma lo latou malumalu. Na faamaonia le moni o lenei valoaga ina ua muai osofaia e Papelonia ia Iuta pe tusa o le 600 T.L.M., ma faatafunaina ai ona nuu, aai, faoa aai, ma le olaga faalelotu.

Na mulimuli ane pa'u Ierusalem i le 587 T.L.M., ma o tagata Iutaia na faaaunuua na aveesea faamalosi mai lo latou nuu moni ua faatafunaina (tagai i le Salamo: 137:1). Sa tumau nai tagata i totonu ma talaane o Ierusalem—e aofia ai tagata Samaria, o e na iu lava ina fenofoa'i ma tagata e le o ni Israelu (tagai

SA LAPATAIINA E PEROFETA O ISAIA MA IEREMIA LE NUU O IUTA, O LE A PULEA I LATOU E MALO O TAGATA ESE. SA FAAMAONIA LE MONI O A LATOU VALOAGA INA UA FAATOILALOINA LE ITULAGI E SE FAASOLOGA O TUPU MAI MALO ESEEESE: TUPU O NEPUKANESA O PAPELONIA, KURESA LE SILI O PERESIA, TUPU O TARIU O PERESIA, MA ALESANA LE SILI O ELENI. INA UA MALIU ALESANA, NA VAEVAEINA LONA TERITORI I TOTONU O ANA TAITAI AU; O TOLEMI I SA PULEAINA PALESITINA.

Ieremia 40:7, 11–12). Mulimuli ane, na amata ona toe foi ane [tagata] faaunuua i Palesitina, ma toe fausia o latou aiga ma olaga faalelotu (tagai Esera 3). Sa mulimuli ane toe fausia le malumalu i Ierusalem i le 515 T.L.M., ma toe avea ai ma nofoaga autu o le tapuaiga faaIutaia.

Ona sa teena e tagata Iutaia le ofo a tagata Samaria e fesoasoani ina ia toe fausia le malumalu, na fausia ai e tagata Samaria se isi malumalu i le taimi mulimuli o le seneturi lona fa i luga o le Mauga o Gerizim, e tusa ma le 40 maila (64 km) i le itu i matu o Ierusalem. O lea, o le tapuaiga ma le talitonuga ia Ieova na vaeluaina i le va o le malumalu fou i le Mauga o Gerizim ma le malumalu i Ierusalem aua sa o latou faatautava i aia tatau o le pule o le perisitua (tagai Ioane 4:20).

Asa lei umi lenei faiga toe faafou o tapuaiga. Ina ua mavae atu Malaki, e pei ona sa valoia ai e le perofeta o Amosa, na auina mai ai e le Alii se “oge i le laueelele, e le se oge i mea e ‘ai, po o se galala i le fia inu vai, a o le oge i le faalologogo i afioga a Ieova” (Amosa 8:11). O lenei suiga taua na i ai taunuuga tetele a o taumafai tagata ia malamalama ma ola i le tulafono e aunoa ma ni aoaoga ma

O TAGATA SELEUCIDS 198 T.L.M.

O LE FOUVALE 164 T.L.M.

MALO TUTOATASI O IUTAIA 142 T.L.M.



ni faamalamalamaga faatagaina a se perofeta.

### O Tulaga o le Liliuese

O se taunuuga o lenei liliuese, na fevaevaeai ai tagata i ni vaega eseese o matapu faaupufai, faalelotu ma faagafesootai. Sa o latou eseese foi i o latou talitonuga ma tu ma aga masani e uiga i le Mesia. Sa taumafai vaega faalelotu e ola i le tulafono a Mose e pei ona latou malamalama i ai, ae sa faamatalaina e vaega taitasi ia tusitusiga paia mai manatu eseese lea na faateteleina ai le fevaevaeai o le malo o Iuta. O se taunuuga, na faasolo lava ina fenumiai le malamalama moni po o ai le Faaola.

O le taimi lava na le toe lagonaina ai le leo o perofeta, sa avea ai loa fiaitaluga ma o latou uso a faigaluega o le malumalu, le au sa Levi, ma taitai sili ona taua i tagata Iutaia ma uumau ai le aia mo i latou lava e faamatalai tusitusiga paia. Peitai, na faaleagaina le tofi o le fiaitaluga sili aua sa faatau mai ma faatau atu i lea taimi.

Na lagonaina e le toatele o tagata Iutaia e faapea sa le'i faataunuuina e ositaulaga ma sa Levi lo latou tiute-tauave e aoao atu le sa'o o le tulafono (tagai Teuteronomie 33:10), lea sa manu a'e ai se vaega fou o e na saili e aoao atu le tulafono. Sa lauloa o le au tusiupu, sa o latou faataitai i latou ia Esera, o lē na fesoasoani i lona nuu

SA OO INA I AI PALESITINA I  
LALO O LE PULEAGA A TUPU O  
SELEUCID, O SE TASI O I LATOU  
O ANTIOCHUS IV EPIPHANES.  
NA FAAMALOSIA E ANTIOCHUS  
LE AVEA O LE FAAELENI O SE  
TU FAALEAGANUU I LE MALO O  
TAGATA IUTAIA, O NISI TAIMI  
E FASIODIA AI LE TOATELE O  
TAGATA IUTAIA, MA FAASAINA AIA  
TATAU O TAPUAIGA FAALELOTU O  
TAGATA IUTAIA, MA FAALEAGAINA  
LE MALUMALU. NA TAITAI E  
IUTA MACCABEUS, LE TAITAI O  
TAGATA IUTAIA E TETEE I TAGATA  
ELENI, SE FOUVALEGA MA TOE  
FAAPAIAINA LE MALUMALU. SA  
FAAMANATUINA E TAGATA LE  
ULUAI HANUKA.

e lagonaina se naunautai e aoao ma usitaia le tulafono (tagai Esera 7:25; Neemia 8:1–8).

Na faatoilaloina e Alesana le Sili le itulagi i le 332 T.L.M. Ina ua maliu o ia, sa vaevaeina lona malo i ana taitai au. E lei umi, ae pulea Palesitina e taitai Seleucid e tautatala i le faa-Eleni. I le 167 T.L.M., na faatulafonoina e puleaga a Seleucid ia le faatuatuaga faaIutaia, ma faasaina ai le perito-meina ma faaleagaina le malumalu e ala i le osia o taulaga i puua i luga o le fata fiaitaluga. E toatele tagata Iutaia na tetee, na taitaia e se aiga e igoa ia Maccabees po o Hasmoneans. O le osofaiga—ua ta'u o le Taua a Maccabean—na iu lava ina aumaia ai le saolotoga i tagata Iutaia ma faatuina ai se malo o tagata Iutaia mo le taimi muamua talu mai le pa'u o Ierusalem. I le taimi lava e tasi, na faavaeina ai se isi vaega faalelotu ua faaigoaina ia Hasideans, “le paia.” Ua latou faaali atu lo latou tuuto i le Atua e ala i le taumafai e ola i soo se vaega o le tulafono a Mose e pei ona latou malamalama i ai.

O isi foi vaega faalelotu na aliae i le vaitaimi o le va o le Feagaiga Tuai ma le Feagaiga Fou, ua taitasi ma maua le aia faatapulaaina e faamatala ai tusitusiga paia. O le au Faresaio o se vaega faalelotu tutoatasi na faavaeina i le maea ai o le Taua a Maccabean. Sa oo ina tele lo latou aafiaga i le malo o



O TAGATA ROMA 63 T.L.M.



tagata Iutaia e ala i le faailoaina atu o se tauliga pumoomoo e uiga i tulafono o meaai ma le paia o sauniga, o vaega sa mauaa muamua i a latou tu masani faafailauga, ae le o tusitusiga paia. I o latou aiga, sa o latou taumafai e amio lelei e peisea'i o latou nonofa i le malumalu.

O Satukaio i le isi itu, e lei iloa lava lo latou tupuaga, na teenaina soo se talosaga i tu masani faafailauga ae taofimau ma le mausali i tusi e lima a Mose, ma latou lē talaina ia tusitusiga a isi perofeta. Na aofia ai i lenei vaega le toatele o [tagata] mauoa i le malo o Ierusalem. E oo ifo i le taimi na soifua mai ai Iesu, sa latou faalauteina lo latou malosiaga e ala i le puleaina malosi o le malumalu o Jerusalem.

O nei vaega faalelotu taitasi na faasaoina tu masani ma aoaoga faavae sa latou talitonu sa taua i le olaga o le tuuto. Ae ona sa leai so latou taitaiga mai se perofeta moni, na tuua ai i latou i a latou lava faauigaga.

### Faataliga o se Tisipenisione Fou

E ui lava i o latou faatosinaga faalelotu, ae na tulimatai atu pea alii ma tamaitai amiontonu i le afio mai o le Mesia i le vaitau o le va o le Feagaiga Tuai ma le Feagaiga Fou. Sa usuina e fatusolo ni salamo, ma na tatalo tagata masani, talanoa, ma moemiti i Lona taunu mai—o se Tupu o Tavita o lē sa faamoemoe i ai le laveaiina o Lona nuu.

INA UA MAVAE SE VAITAIMI  
PUUPUU O LE TUTOATASI, NA  
PA'U ATU AI IERUSALEMA I LALO  
O LE PULEAGA A ROMA INA UA  
OSOFAIA E POMPEY LE SILI LE  
AAI. NA TUU E TAGATA ROMA  
IA HEROTA LE SILI, O SE TASI NA  
TUPUGA MAI IA ESAU, E AVEA  
MA TUPU O TAGATA I IUTAIA. SA  
IA TOE FAUSIA IERUSALEMA MA  
FAALAUATELEINA LE LOTOA O LE  
MALUMALU. NA FAAMUTAINA E  
KAISARA AOKUSO LE TULAFONO  
FAATEMOKALASI I ROMA MA AVEA  
AI MA TUPU LONA LUA O ROMA I  
LE MAVAE AI O JULIO KAISARA.



O se tasi o vaega na faatalitali mo le Mesia o se vaega o tagata Iutaia e taua o Esenesa, lea sa faavaeina i le taimi o le taua a Maccabean. Sa talitonu le vaega o Iutaia [Esenesa] sa piopio ositaulaga o le malumalu i Ierusalem ma sa manaomia e le malumalu se toefaatulagaga tele. I lo latou manatu, ua latalata mai le afio mai o le Mesia. Sa latou talitonu o le a ia faatasi ma i latou e aveese le avega mamafa o le puleaina e taitai Roma, o ona taitai na faatoilaloina Palestina e tusa ma le 60 tausaga a o lei soifua mai Iesu.

E pei o le Toefaatulagaga lea na muamua atu i le Toefuataiga, o le vaitau o le va o le Feagaiga Tuai ma le Feagaiga Fou na molimauina ai foi mea na tutupu na saunia ai le lalalagi mo le afio mai o Iesu Keriso. O lea taimi sa i ai se faafiafiaga mataina o tusitusiga faalelotu, e aofia ai le faaliliuga o le Tusi Paia FaaEperu i le FaaEleni ma Tusitaai o le amataga o le foaoaga o le Sami Mate ma le Apokarifa. I lea taimi o manatu e uiga i agelu, le toetu, ma manatu faavae e uiga i le lagi ma seoli na amata ona atiae ma faamamaina.

Peitai, a aunoa ma se perofeta e taialaina i latou, na finauina ai e tagata Iutaia le uiga o tusitusiga paia ma po o ai o le a avea ma Mesia. A o faatalitali le toatele o tagata mo se Mesia Tavita (o se tasi e tupuga mai le Tupu

HEROTA LE SILI

KAISARA AOKUSO

PONOTIO PILATO



o Tavita), sa lagolagoina e isi se Mesia o le atalii o Arona—o se Mesia ositau-laga. Ae sa le'i faamoemoe lava isi e afio mai le Mesia.

Na fatufatua'i le anoanoai o mea na faamoemoeina i vaega eseese i le vaitau o le va o le Feagaiga Tuai ma le Feagaiga Fou lea sa le iloa ai e vaega pe faapefeta ona iloa le Mesia moni pe a afio mai o Ia ia i latou. E leai ma se tasi o vaega o le—au tusiupu, au Fare-saio, le au Esenesa, po o Satukaio—na taliaina Ioane le Papatiso o se perofeta po o Iesu o le Mesia. O nisi o tagata o nei vaega na avea ma fili autu o Ioane ma Iesu i le taimi o a laua galuega (tagai Mataio 21:23–46).

Na faaauau pea fefinauaiga i totonu o vaega eseese e uiga i le Mesia. O le perofeta muamua o le tisipenisione fou, o Ioane le Papatiso, na folafolaina mai le afio mai o le Mesia moni, ma faamanino mai le ituaiga o faaolataga o le a Ia saunia. I le faailoaina o Iesu Keriso, sa fai mai ai Ioane, “Faauta i le Tamai Mamoe a le Atua, na te aveesea le agasala a le lalolagi” (Ioane 1:29). E toatele tagata Iutaia na taliaina Ioane a o ia sauniaina tagata mo le afio mai o Keriso.

Ina ua amata e Iesu Keriso Lana misiona, sa Ia aoaoina tagata “o se ua i ai le pule, a e le pei o le au tusi-upu” (Mataio 7:29). Sa ia faia le tele o talanoaga ma taitai faalelotu, i le faamaninoina o aoaoga faavae o le

**I LE TAIMI O LE PULEAGA A KAISARA AOKUSO MA HEROTA LE SILI, NA SOIFUA MAI AI LE FAAOLA O IESU KERISO I PETELEEMA. NA SOIFUA MAI O IA O LE TUPU O TUPU MA LE ALII O ALII (TAGAI ISAIA 44:6).**

faaipoipoga, toetu, o le Aiga Atua, ma Lana matafai i le avea ai ma Faaola. Talu ai o le toatele o taitai faalelotu na teenaina o Ia (tagai Mataio 26:4), na fetalai atu ai Iesu ia i latou: “E lei iloa e outou o a'u, po o lo'u Tama: ana iloa e outou o a'u, po ua iloa foi e outou o lo'u Tama.” Sa Ia faaopoopo mai, “Afai o lo outou Tama le Atua, po ua outou alofa mai ia te au” (Ioane 8:19, 42).

Ona sa latou faamoemoeina se Mesia e matuai ese lava mai ia Iesu, o lea na latou teena ai o Ia. O le mea e faafetai ai, ua tatou ola i se vaitaimi ua fausia ai upumoni o le talalei i luga o aoaoga faavae a perofeta ma aposetolo (tagai Efeso 2:20). E le tatau ona tatou filifili i faatosinaga eseese faaleagaga e feteenai ia e tulai mai e aunoa ma le taitaiga a perofeta ma aposetolo. A tatou mulimuli i o tatou perofeta ma aposetolo o aso e gata ai, o le a oo ina tatou malamalamia i le aoaoga faavae moni a le Faaola o Iesu Keriso, e pei ona sa faaalia mai i le Perofeta o Iosefa Samita:

“Aua sa [ou] vaai ia te ia, i le lima taumatau lava o le Atua; ma sa [ou] faalogo i le leo o molimau mai o ia o le Toatasina Fanaua e le Tama—

“E faapea e mai ia te ia, ma ala mai ia te ia, ma o ia, ua i ai lalolagi ma na foaoaina, ma o e ua nonofo ai o atalii ma afafine fanauina mo le Atua” (MF&F 76:23–24). ■



# O TUSITAAI O LE SAMI MATE O LE FAAMALAMA I LE TUSI PAIA O ASO NEI

Saunia e Donald W. Parry

Polofofa o le Tusi Paia Faa-Eperu i le lunivesite o Polika laga le amataga o le 1947, na sailia ai e ni leoleo mamoe e totolu e auai i le Bedouin Ta'amireh se manu na se ese. Sa togi e se tasi o i latou se ma'a i totonu o se ana ma faalo-goina ai le nuti o se fagu ele. Ina ua latou ulu atu i le ana, sa latou vaaia ai sa i ai ni nai fagu ele lapoloa, o nisi sa i ai ni tusitaa.\* I tausaga na sosoo ai, na maua ai e Bedouin ma saienitisi suesue nisi tusitaae e selau i totonu o ana e 11 i le matafaga i matuisisifo o le Sami Mate.

E talitonu le toatele o tagata atamamai, o Tusitaa o le Sami Mate o mea aupito sili ia na mauaina o le seneturi lona 20. Na maua mai tusitaa se potutusi anamua o le silia ma le 900 tusitusiga, o le tele o ia tusitusiga na tusia i le uluai gagana Eperu o le Feagaiga Tuai. E tusa ma le 225 o tusitaa na i ai kopi pito sili na tuai o le Feagaiga Tuai (sei vagana ai le tusi a Eseta), lea e silia ma le 1,000 tausaga le umi atu nai lo kopi na faaaoga i le taimi o Vaitausaga Faaogatotonu. O le tele o le vaitaimi o tusitaae i le va o le 150 T.L.M. ma le 68 T.A., e ui lava o nisi o vaitaimi o tusitusiga e mamao i tua i le seneturi lona tolu T.L.M.

E faaopoopo atu i tusitusiga anamua faatusipaia, ua aofia ai foi i le Tusitaa o le Sami Mate le Tusitaa o le Malumalu (o loo faamatalaina ai se malumalu e fausia i Ierusalem ma le malo lelei o le feagaiga), o le Tusitaa o Taua (o loo faamatalaina ai le taua i le faaiuga o aso), ma tusitusiga e talitutusa ma tusitusiga o le Tusi Paia (e pei o

le tusi a Enoka, Noa, Mekisateko, ma molimau a Iakopo, Iuta, ma Levi). E itiiti mea ua iloa e uiga ia Enoka i le Tusi Paia, ae i totonu o tusitaa, o Enoka o se tagata taua tele—o se perofeta maoae e i ai ni meaalofa faapitoa.

O le tele o tusitaa ua matua faaleagaina ona o le tuai ma le aafia i elemene, ae ua mafai ona aoina mai e tagata atamamai se oa o faamatalaga e uiga i faiga masani e faatino ai e le au tusiupu a latou tusitusiga. O galuega magafagafa ma le maeaea lelei a le au tusiupu ua faailoa mai ai se tulaga maualuga o tomai ma atamai faalematata a o latou kopiina ma tuufaasolo atu tusitusiga paia mai le tasi tupulaga i le isi. O i tatou o e alolofa ma talisapaia tusitusiga paia ua matuai nofo aitalafu i nei tusiupu mo la latou galuega magafagafa lelei.

Pe a tatou mafaufau i metotia anamua o le tuulima faasolo atu o tusitusiga, ua tatou iloa ai na tuufaasolosolo mai le Tusi Paia i se faagasologa ofoofogia ina ia taunu mai ai i lenei seneturi. Ua tu le Tusitaa o le Sami Mate e avea o se molimau o le Feagaiga Tuai lea na tuufaasolo mai i auga seneturi i se tulaga faaaloalogia o le sa'o atoatoa. Ona o lenei mea, ua tatau ai ona tatou faafetai i perofeta, o au tusiupu, o au lomitusi, ma tagata uma o e sa nafa ma le tuufaasoloina o le Tusi Paia mai lea tupulaga i lea tupulaga. ■

\*O tala i auala na maua ai tusitaae i eseese lava ona sa faalagolago leo-leo mamoe i mea sa latou manatuaina e toe faamatala ai le tala i tausaga mulimuli ane.





Saunia e  
Bishop Gary E.  
Stevenson  
Epikopo  
Pulefaamalumalu

*A aunoa  
ma le soifua  
mai o le  
Faaola ma  
le Togiola,  
semanu e  
leai se tasi e  
Faatoga mo  
i tatou, leai  
se Fautua  
i le Tama,  
ma e leai se  
Puluwaga  
e mafai ai  
ona tatou toe  
foi atu i le  
afioaga o lo  
tatou Tama  
Faalelagi  
alofa ma  
nonofo  
faatasi o  
ni aiga e  
faavavaau.*

# OLE Tulaga Moni OLE KERISIMASI

**A**o tamaitiiti lo'u tamā, sa ola ae o ia i se tamai taulaga i Iuta tutotonu e lata ane i le Vaituloto o Iuta. I aso a o lei i ai ni paionia, sa tulimanu ma fagogota tagata Initia Amerika i lea eria. Na lauiloa nisi o nofoaga faapitoa i autafa o le vaituloto mo i latou na sailia ni uluaū.

I se gaoioiga a tamā ma atalii ina ua lima tausaga o lo'u tama, sa malaga ai lana uarota i le Vaituloto o Iuta e saili ni uluaū. Ina ua mavae le aso sa faaaluina e le vaega e saili ai, sa fesili ai lo'u tamāma tui i lo'u tamā pe sa ia maua ni uluaū.

“Leai, ou te lei maua lava se mea,” na tali mai ai lo'u tama. Ona ia tago lea i lana taga ma faapea mai, “Ae sa ou maua lenei ma'a manaiua ua foliga e pei lava o se laau Kerisimasi.”

Sa maua moni lava e lo'u tama se uluaū, ae na te lei iloaina. Sa ia u'uina le mea moni lea i lona lima, ae na te lei iloaina.

## O Le Iloaina o le Togiola

Mo le toatele o tagata i le taimi nei, o la latou vaai i le tagata e moni ma sili ona taua—o Iesu Keriso, le Faaola o le lalolagi—ua faanenefuina i mea e le moni.

Talu ai nei sa ou vaai ia se polokalama o le televisie e uiga ia Iesu Keriso

lea na fesiliglia ai pe moni lava na soifua mai o Ia i le Taupou o Maria. E oo lava i polofesa maoae mai faalapotopotoga faaloalogiaina o le aoaoina na taumate mate lava pe faamata e moni lenei mea.

I le tali atu i na tagata masalosalo, na saunoa ai Peresitene Ezra Taft Benson e faapea (1899–1994): “O i latou e taua i latou lava o tagata atamamai na saili e faatalitonu i tatou o le soifua paia mai o Keriso e pei ona folafolaina i le Feagaiga Fou sa le'i paia lava ma o Maria sa le o se taupou i le taimi na soifua mai ai Iesu. O le a latou taumafai e faatalitonu i tatou o Iosefa, le tamā fai o Iesu, o Lona tama faaletino, ma o le mea lena ua avea ai Iesu ma tagata soifua i uiga uma ma foliga vaaia. E vaaia lo latou agalelei i a latou viiga ia te Ia pe a latou fai mai o Ia o se faiaoga maoae o le amio mama, masalo o le faiaoga silisiliere. Ae o le faamoemoega moni o a latou taumafaiga o le teenaina lea o le tulaga o le alo paia o Iesu, aua o luga o lena aoaoga faavae ua taoto uma ai isi talitonuga uma faa-Kerisiano.”<sup>1</sup>

Ua ou faasee i luga o se kiona fai, ma ua ou teuteuina ni laau Kerisimasi fai i aisa fai. O nisi taimi e mafai ona faigata ona u'uina se mea moni lava, ae maise lava i taimi ua mafai ai e tekinolosi ona faafoliga moni mai ni mea. E faapefea la ona tatou



iloa po o a mea e moni? E faapefea ona tatou mauaina se molimau o le moni aiai o Iesu Keriso?

Tatou te maua se molimau o mea e moni pe a tatou faitau i afioga a le Atua o loo i totonusi o tusitusiga paia—i aso uma anamua ma aso nei. Tatou te aoao i le moni aiai o le Faaola pe a tatou faalogologo ma faitau i molimau a perofeta ma aposetolo soifua. Tatou te maua le upumoni pe a tatou tatalo “ma le loto faamaoni, ma le manatu moni i ai, ma le faatuatua ia Keriso” (Moronae 10:4). Tatou te iloa “le ala sa’o” pe a tatou “talitonu ia Keriso, ma lē teena o ia” ma pe a tatou “ifo i lalo i ona luma, ma tapuai atu ia te ia ma lo [tatou] manatu atoa, mafaufau atoa, ma le malosi atoa, ma lo [tatou] agaga atoa” (2 Nifae 25:29).

### O Valoaga o le Soifua Mai o Keriso

Ua taatele i tusitusiga paia lena valoaga o le soifua mai o Keriso—the uluai Kerisimasi. Atonu e galo ia i tatou pe a tatou faitau i nei valoaga faaletusitusiga paia, e moni lava o nei mea o *valoaga*. Ua latou ofoina mai ni faamatalaga auiliili sili e uiga i mea o le a tutupu ae sa le i tutupu i lena taimi.

I le valu selau tausaga a o le’i soifua mai Keriso, na faapea mai ai Isaia, “Aua ua fanau mai mo i tatou le tama, ua foaiina mai mo i tatou le atalii: e i lona ua le malo, e igoa foi o ia, o le Silisili Ese, o le Faipule, O le Atua malosi, O le Tama o le Faavavau, O le Alii o le Filemu” (Isaia 9:6).

I le ono selau tausaga a o lei soifua mai le Faaola, na faamatalaina ai e

Nifae se faaaliga na ia maua e uiga i le tina o le Alo o le Atua:

“Ma sa oo ina ou vaai ma iloa atu le . . . aai o Nasareta; ma i totonusi o le aai o Nasareta sa ou vaia ai se tau-pou, ma sa matua silisili ona lalelei ma paepae o ia. . . .

“Ma sa fetalai mai [le agelu] ia te a’u: Faauta, o le taupou ua e vaai atu i ai o le tina lea o le Alo o le Atua. . . .

“Ma sa ou vaai ma toe iloa atu le taupou, ua sapasapaia e ia se tamameamea i ona lima.

“Ma sa fetalai mai le agelu ia te a’u: Faauta i le Tamai Mamoe a le Atua” (1 Nifae 11:13, 18, 20–21).

I le selau luasefulu fa tausaga a o lei soifua mai le Faaola, na faapea mai ai le Tupu o Peniamina:

“Faauta, e oo mai le taimi, ma ua le o toe mamao atu, ma le mana, le Alii Mamana Aoao . . . o le a afio mai ai i lalo mai le lagi i totonusi o le fanauga a tagata, ma o le a mau o ia i se fale apitaga omea, ma o le a afio atu i totonusi o tagata, ma fai vavega tetele. . . .

“Ma o le a ta’ua o ia o Iesu Keriso, o le Alo o le Atua, o le Tama o le lagi ma le lalolagi, o le Foafoa o mea uma mai le amataga; ma o lona tinā o le a ta’ua o Maria” (Mosaea 3:5, 8).

I le valusefulu-tolu tausaga a o lei soifua mai Keriso, na faapea mai ai Alema, “Ma faauta, o le a fanau mai [le Alo o le Atua] ia Maria, i Ierusalem, le lauelele lea o o tatou tua’ā, ona o ia o se taupou, o se ipu pele ma filifilia” (Alema 7:10).

Ma i le toe ono tausaga a o lei oo i le uluai Kerisimasi, na folafola mai ai e Samuelu le sa Lamana e faapea:

### MAUAINA O LE FAAOLA



“O nisi taimi o mea e sili ona faapelepele ma paia o loo i ai tonu lava i o tatou luma, i se vaiga manino, ae ua tatou le mafai ona vaia pe o le a lē vaia. . . .

“Ou te folafola atu afai tatou te faatulaga lelei teisi o tatou olaga ma saili atu ma le faamaoni ma le lotomualalo i le Keriso paia ma agamalu ma o tatou loto [atoa], o le a tatou vāai ia te la, o le a tatou maua o la—i le Kerisimasi, ma le tausaga atoa.”

Peresitene Dieter F. Uchtdorf, *Fesoasoani Lua i le Au Peresitene Sili, “How to See the Christ in Christmas,” New Era*, Dec. 2013, 48.

“Ma faauta, o le mea lenei ou te tuu atu ia te outou mo se failogia i le taimi o lona afio mai; aua faauta, o le a i ai malamalamalama tetele i le lagi, e oo ina leai se pogisa i le po ae lei afio mai o ia. . . .

“Ma faauta, o le a i ai se fetu fou e oso mai, o se ituaiga o fetu tou te lei vaai lava i ai” (Helaman 14:3, 5).

Sa tulimatai atu ma le naunautai tagata Iutaia i lenei mea maoae na tupu. Sa o latou iloa o le a afio mai le Mesia, ma sa latou faamoemoe e afio mai o Ia i le mamalu, faasaoloto i latou faaletino, faatuina se malo



faalelalagi, ma pule e avea ma o latou Tupu.

O ai o le a muai silafia le soifua mai o le Mesia? Pe le o le aufono a Iutaia po o isi o i ai tofiga o le pule ma faatosinaga?

Ua ta'u mai e le Tusi Paia ia i tatou o leoleo mamoe maulalalo e momoe i luga o le eleele lea na folafola atu i ai e se agelu le "tala lelei e olioli tele" (Luka 2:10) ma o le Au Makoi mai se mea mamao na vaaia "lona fetu i sasae, ua [o mai] e ifo ia te ia" (Mataio 2:2). O tagata sa umia le pule ma faatosinaga, o e na faatausoina la latou vaai i manatu o lenei lalolagi, sa le'i i ai faatasi ma le Faaola i Lona soifua mai po o le taimi o Lona galuega. Sa i ai i o latou luma le mea moni ae sa [latou] te le iloaina pe taliaina.

### Ave Atili e Faapei o Keriso

Na saunoa mai Peresitene Benson e faapea o se tasi o mea silisili e uiga i le taimi o le Kerisimasi o le faateleina lea o lo tatou nofouta i mea a le Atua:

"E afua ai ona tatou manatunatu i

lo tatou sootaga ma lo tatou Tama ma le maualuga o lo tatou tuuto atu i le Atua.

"E uunaia i tatou ia sili atu ona alofa mutimutivale ma foai atu, ia sili atu ona manatu i isi, ia sili atu ona limafoai ma faamaoni, ia sili atu ona faatumulia i le faamoemoe ma le alofa mama ma le alofa—o uiga faa-Keriso uma. E leitioa pa'i mai le agaga o le Kerisimasi i loto o tagata i le lalolagi atoa. . . . Ae mo sina taimi itiiti, e liliu atu ai se taulaiga ma se tuuto faateleina i lo tatou Faaola, o Iesu Keriso."<sup>2</sup>

I lenei Kerisimasi, a o faatumulia ai o tatou loto i le agaga o le vaitau, ia tatou faia se mea e faailoa atu ai o tatou lagona i se auala faaletino, ma faaali atu ua tatou malamalama o le pepe na soifua mai i Peteleema o le Togiola moni lava lea. Na tuuina mai e Peresitene Howard W. Hunter (1907–95) ni fautuaga aoga e fesoasoani ai ia tatou faia lena mea:

"I lenei Kerisimasi, ia toefaaaleia ni feeseseaiga. Saili se uo ua galo atu.

Aveese le masalosalo ma ia sui i le faatuatuaina. Tusi se tusi. Tuu atu se tali filemu. Faamalosiau i le autalavou. Faaali atu lo outou faamaoni i upu ma galuega. Ia tausia se folafolaga. Faagalo se taimi na faatiga mai ai se tasi. Faamagalo atu i se fili. Faatoese atu. Taumafai ia malamalama. Iloilo mea e te moomia mai i isi. Mafaufau muamua i se isi tagata. Ia agalelei. Ia agamalu. Ia ata teisi atu. Faailoa atu lou loto faafetai. Talileleia se tagata ese. Faafafia le loto o se tamaitiiti. Ia olioli i le matagofie ma mea ofoofogia o le lalolagi. Ta'u atu lou alofa ma toe saga tau atu pea."<sup>3</sup>

A aunoa ma Keriso, e leai se Kerisimasi. A aunoa ma Keriso, e le mafai ona atoa le olioli. A na leai Lona soifua mai ma Lona Togiola, semanu e leai se Tasi e Faatoga mo i tatou, leai se Fautua i le Tama, ma leai se Pulu-vaga lea ua mafai ai ona tatou toe foi atu i le afioaga o lo tatou Tama Faalelagi alofa ma nonofo faatasi o ni aiga e faavavau.

Ou te faamanatuina faatasi ma outou le matagofie ma le ofoofogia o le moni o le soifua mai ma le misiona a le Alo o le Atua, ma ou te tuuina atu la'u molimau o Iesu Keriso o lo tatou Faaola ma le Togiola—o le Mesia na folafolaina. ■

### FAAMATALAGA

1. *The Teachings of Ezra Taft Benson* (1988), 128.

2. Ezra Taft Benson, i le Larry C. Porter, "Remembering Christmas Past: Presidents of the Church Celebrate the Birth of the Son of Man and Remember His Servant Joseph Smith," *BYU Studies*, vol. 40, no 3. (2001), 108.

3. Howard W. Hunter, "The Gifts of Christmas," *Ensign*, Dec. 2002, 18–19.

# O LE IE SOOSOO O LE KERISIMASI A TINA

**O**se tasi o aafiaga aupito sili ona faigata o lo'u olaga na tupu ina ua faatoa mavae le maliu o lo ma afafine e 10 tausaga le matua mai le kanesa o le faiai. O le faaupuga "E le mafai ona tatou ò ma ave [ni mea pe a tatou feotí]" na oo mai ma le manino a o matou tilotilo solo i lona potu i se tasi o aoauli o le Aso Toonai.

Ua mou ese atu Clarissa, ae o loo i ai pea i lona potu ni toega o mea e faamanatu mai ai pea le taimi a o ola o ia i le lalolagi. Ua i ai nei ia i matou le galuega lofituina o le filifili po o le a le mea o le a fai i ana meatotino. Sa ou iloa o le aveesea o mea taitasi e le faigofie, aemaise lava mo lo'u toalua.

O le taulimaina o le tele o faamatalaga atuuatuvale e faatatau i le falemai, o togafitiga [o le kanesa], ma

masini leisa na itiiti ai le taimi mo i matou e faamama ma faatulaga ai.

Na oo mai ni manatuaga a o matou tapenaina mea sa ia faatulagaina i luga o le ulu o lona moega po o le fatatusi. Sa aofia uma ai se uiga faamomoloto—mai lana palanikeke e fafia i ai, tusi, po o asoa e oo i ana manu momi, tusiaoga, ma le lakapi. Sa tagi masusu lo'u toalua a o matou fesili atu po o le a le mea e fai i mea taitasi.

Sa o matou aoina mai le tele o tusi a Clarissa ma avatu i lana aoga mau-lalo mo isi tamaiti ia fafia ai. Sa matou tuuina atu lana kapoti lavalava i se tuaoi. O nisi o ona lavalava na avatu i ona tausoga. O le taulai atu i isi na fesoasoani e faafaigofie

teisi le tulaga faigata o le aveesea o ana meatotino.

I nai vaiaso mulimuli ane, a o tulalata i le Kerisimasi, sa fesili atu o'u afafine talavou e toalua i lo la tina pe mafai ona la faaaogaina nisi o ofu a Clarissa e fai ai se meaalofa faapitoa o le Kerisimasi. Sa la filifili vaega taitasi o lavalava mo se mea taua e manatua ai le aiga ma 'oti ma le faaeteete ia sikuea e fai ma faatusa o taimi taua i lona olaga.

I ni nai aso a o lei oo i le Kerisimasi, sa o la faaali mai ai ia te au faatasi ai ma lo la taitai o Tamaitai Talavou, o le na fesoasoani ia i laua e mafaufau i le aitia lea, se ie soosoo sa la suui. Sa ou tilotilo atu ma le maofa i sikuea taitasi o le ie,

**O**le a ou manatua pea foliga vaaia o lo'u toalua ina ua ia tatalaina lana meaalofa ma vaaia ai le mea na faia e lana fanau teine mo ia.



lea na faatusaina i se mea na tutupu i le olaga o Clarissa: o se sikuea mai lona toniga lakapi, o se sikuea mai le ofutino sa ma faatauina i se malaga a le aiga, o se sikuea mai le ofuvae moe na ia ofuina i le falemai. O fasi ie taitasi, sa matua taua ma matagofie, na faamanatu mai ai ia te au lo matou taimi faatasi ma ia. Sa ou fai atu i o'u afafine ua matua lelei atoatoa. Sa ou iloaina o le a fiafia i ai lo la tina.

O lena taeao o le Kerisimasi sa ou

vaaia ai se meaalofa na tuuina atu mai le loto. O le a ou manatua pea foliga vaaia o lo'u toalua ina ua ia tatalaina lana meaalofa ma vaaia ai le mea na faia e lana fanau teine mo ia. I po taitasi talu mai lena taimi e na te pulupuluina lona ie soosoo o le Kerisimasi, ma toe mafaufau i manatuaga ma moemiti i le aso o le a toe faatasia ai lo matou aiga—faafetai i le Togiola ma le Toetu o Iesu Keriso. ■

Jed Packer, Iuta, ISA

## NA TE MANAOMIA LA'U AUAUNAGA I LE TAIMI NEI

**O**u te nofo i le laau suisui ma sui faatasi vaega o le ie mamoe. O mamanu e lolomi mo tamaiti i lanu vaivai e teuteu ai ia pito i luga, ma lanu mananaia e fesootai lelei i le pito i tua o palanikeke ou te suiina mo pepe fou faatoa fananau mai.

E tuufaatosi e le Aualofa o le matou uarota ia afifi mo pepe fou faatoa faananaau mai mo nofoaga matitiva ma mafatia. E le o au o se tagata ua atamai tele i le suisui, ae ua ou tuuto e auai. Ou te fiafia e filifili ieie mo le galuega faatino ma oti ese palanikeke faatafafa.

Ou te tuu faatasia itu sa'o o le ie, sui faataamilo ia pito, ma faamatala se pito e le su'i'a e faamafiti ai le palanikeke ia u le itu sa'o i fafo. Ona ou suiina faataamilo lea o pito, faamau ia tulimanu, faamafiti le palanikeke ina ia u i fafo ia itu felanulanuai, ma su'i le pito lea sa faamatala.

Ou te suiina luga o pito [o le palanikeke] e faamalosia ai ia so'oga. Ou te

tuuina ma le faaeteete le ie i totonu o le laau suisui ma amata ona suiina faavavevave. A o ou faatopetope e fauma ina ia mafai ona toe faaauau au feau i le fale, sa taia au i se manatu: "Ae faapefeta pe afai o loo ou suiina lenei palanikeke mo le pepe o Iesu?"

Faatasi ai ma lena manatu, sa ou faifaimalie loa ma matua faautauta e faasa'osa'o ia so'oga. Ae e ui lava i lo'u faautauta, ae sa le sasa'o le suiina.

Ona sosoo ai lea ma lou suiina o se sikuea e 10 inisi (25 cm) i le ogatotonu ina ia faamau faatasi vaega o i le pito i luma ma le pito i tua. Ou te faia se fasi pepa malō, tuu i le ogatotonu o le palanikeke, ma failogia faamāmā faataamilo. Ou te faatulagaina sa'o le ie i le masini, tuu ma le faaeteete i lalo le nila, ma sui ma le faaeteete.

Pe a uma ona ou faia, ou te otiiia ia filo ma toso mai i fafo le palanikeke ua maea ona suiina. E le o se sikuea—ae ua taipei o se faatusa e fa ona itu e tutusa itu faafesagai e lua ae le tutusa le isi itu faafesagai e lua (trapezoid),

faapea ai ma se faatusa e fa ona itu e tutusa uma itu faafesagai ae eseese le tetelē (parallelogram).

Ou te faataatia ese le palanikeke, se'i mai i fafo se ie mamoe fou, ma toe amata—ma tuu i ai se taumafaiga sili ina ia agavaa ai lenei meaalofa mo le Atua. Ae e oo lava i taumafaiga faaopoopo, o taunuuga ua na o sina lelei teisi atu. O palanikeke taitasi ou te suiina e le lelei atoatoa.

Ou te lagona e le mafai ona ou avauta soo se palanikeke i le nofoaga e faaputuputu ai, e le o le tausaga lenei. O le a faaauau pea ona ou aoaoina, ma atonu e i ai se aso ou te mafai ai ona faia se saofaga.

Ona oo mai lea o se isi manatu i lo'u mafaufau: "Afafai e te faatali seia oo ina atoatoa ona lelei lau su'isu'i, o le pepe o Keriso o le a i ai i Aikupito."

Ua ou malamalamama. O le avanoa mo le auaunaga o le a ma'umau. E talia e le Faaola a tatou taulaga pe a tatou faaaogaina a tatou taumafaiga sili ona lelei, e ui ina le atoatoa i latou. Ou te iloa o se pepe faatoa fanau mai, e aui i se palanikeke vaivai, ma mama, o le a le musu e moe ai ona e le o sasa'o lelei tulimanu.

A ou mafaufau loloto pe faamata o le a i ai se aafiafa o au taumafaiga i manaoga o le lalolagi atoa, na oo mai le fautuaga a Keriso i lou mafaufau: "Aua na faia e outou i le tasi o e aupito itiiti o o'u uso nei, o a'u lea na outou faia i ai" (Mataio 25:40).

O lea ou te faaauau ai pea ona suiina ia palanikeke, ma galue i le mea ou te mafaia ina ia matagofie. Ou te iloa o loo i ai se manaoga i le taimi nei, e le o se isi lava taimi le mailoa i le lumanaia e mafai ai ona atoatoa lou suiina o ia [palanikeke]. ■

Jean Hedengren Moultrie, Uosigitone, ISA

# O LA MATOU MEAALOFA SILISILI O LE KERISIMASI

**S**a oo i le Po e sosoo ma le Kerisimasi, ona faapotopoto lea o lo matou aiga e pei ona matou faia i tausaga uma e faamanatu ai. Na valaau faatasi i matou e Tama ina ua toeitiiti ta le sefululua i le vaeluapo, ma faapea mai o loo ia te ia se mea e faaali mai ia i matou.

Faatasi ai ma sauniuniga ma le sagi-sagi fiafia e tutupu i le Po e sosoo ma le Kerisimasi, sa matou le iloaina ai ma o'u uso, ma lo'u tina mea sa saunia e Tama mo lea taimi. I le taimi lava na matou faapotopoto faatasi ai ma le filemu, sa amata ona ia faaali mai nisi o ata faasolo.

I lana ata faasolo, lea na faaali ai se ata vali o le Faaola, o vaaiga o le Kerisimasi, ma upu na faaeteete le mamaruina, na faailoa mai ai e Tama lona alofa mo i matou. O lana polokalama na faamanatu mai foi ia i matou

le uiga moni o le Kerisimasi ma le fiafia ma le agaga faafetai e tatau ona matou lagonaina mo le soifua mai o le Faaola. O se tasi o ata faasolo o se laau Kerisimasi felanulanuai na aofia ai foi ia upu, "O Lenei Kerisimasi o le alofa o Iesu Keriso o le a aumaia ai ia te au se olaga fou."

O le vaega aupito sili ona taua o le polokalama a Tama na mulimuli mai ina ua ia faaaoga se ata faasolo o se ata vali o le Faaola e tuu mai ai ia i matou se tala fiafia. Ae sa le na o soo se tala fiafia; o le tala sili lava lea ona faafiafiaina. I luga ae o le Faaola na faaali mai ai upu nei "Ua ou filifili e papatiso i Le Ekalesia a Iesu Keriso o le Au Paia o Aso e Gata Ai."

Sa iu lava ina filifili lo matou tama e auai i le Ekalesia! O se faaiuga faapena e ono faigofie mo nisi o tagata, ae sa le faigofie mo lo matou tama.

**O**le vaega aupito sili ona taua o le polokalama a Tama na mulimuli mai ina ua ia faaaoga se ata faasolo o se ata vali o le Faaola e tuu mai ai ia i matou le tala aupito sili ona faafiafiaina.

Sa ia suesueina le talalelei ma aoao e uiga i le Ekalesia mo le 25 tausaga. E ui lava i a matou taumafaiga sili ona lelei ma le tele o lesona a faifeautalai, ae sa le'i papatisoina lava o ia. Sa matou le malamalama i le mafuaaga, ae sa matou iloa sa lei saunia o ia.

Ou te tautino atu na i ai ni taimi na ou lagona ai o le a le papatisoina lava lo'u tama. Peitai, i le taele o lo'u loto, ou te lei aveesea lava le faamoemoe, ma sa matou faaauau pea ona tatalo mo ia. I le Po e sosoo ma le Kerisimasi, na tali mai ai le Alii i a matou tatalo.

Ina ua faia e Tama lana faasilasilaga, i le taimi muamua na pau lava le mea na mafai ona matou faia o le fetagisi ona o le olioli. Sa matou lagonaina ni lagona fefiloi—o le fiafia, o le ofo tele, ma le lagona silisili i lagona uma, o se fiafia nua e faigata ona faamatatalaina.

O le faasilasilaga a Tama sa le gata ina suia ai le Po e sosoo ma le Kerisimasi—ae na suia ai foi le olaga mo lo matou aiga atoa. O loo i ai pea mea e ao ona faia e alualu ai i luma le tagata lava ia faapea ma se aiga, ae ou te iloa o le a lelei atu lo matou agai i luma aua o lea ua matou faatasi i le Ekalesia.

Ou te matua faafetai i le Alii mo lenei faamanuiaga. I ni nai masina o le a faamanuina ai i matou o se aiga i le malumalu. O le faasilasilaga a Tama sa mautino lava o se meaalofa aupito silisili lea o le Kerisimasi ua maua. ■

Adriana Nava Navarro, Polivia



# KERISIMASI I LALO O APA UAMEA

Ina ua atofaina a'u e galue i Manila, Filipaina, i le taimi o le Taua Lona II a le Lalolagi, e tele ina ou feiloi atu i se vaega toaitiiti o isi fitafita o le AAG e faia se sauniga faamanatuga. I se tasi o sauniga, na ou matauina ai se tamaitai Filipino i le pito i tua o lo matou fale na faaleagaina e pomu o loo tautilo-tilo mai i se avanoa sa i ai muamua se faitotoa. Sa ou mafaufau pe o a matou pesepesegna na tosina mai ai o ia. A o moeiini o matou mata mo le tatalo faai, sa aluese filemu o ia.

I se tasi o ana asiasiga na sosoo ai, na matou valaaulia ai o ia e faatasi ma i matou. O lona igoa o Aniceta Fajardo, ma sa ia taliaina ma le nau-nautai la matou faauōga. A o faaauau ona auai atu i a matou sauniga, sa ia aoao e uiga i le talalelei toefuataiina a Iesu Keriso.

A o latalata mai le Kerisimasi, na tonu ia i matou e faamanuia Aniceta ma lona aiga i ni meaalofa o le Kerisimasi. Na matou aoina ni apa susu, aano o manu, ma fualaau faisua; ni nai palanikeke; ma se pusa o mea faafomai, e aofia ai vaitui e togafiti ai le atalii o le tama teine a Aniceta o loo ma'i.

I le Po e sosoo ma le Kerisimasi, na matou utaina ai meaalofa ma o atu i le fale o Aniceta. Sa nofo o ia ma lana tama teine ma lana tama i lalo o ni apa uamea o loo faalagolago atu i se puipui piliki—o se toe vaega o se fale na lelea ese. Na matou mafaufau pe na mafai faapefea ona latou ola i sia malutaga ititi i le taimi o timuga mamafa e matua lē mātū lava i lena taimi o le tausaga.

O se tasi o alii na matou o atu sa na fafatiina se lala mai se mago ma sunu'i i le eleele. Na matou maua ni tamai mea na taatitia solo e teuteu ai le lala.

Na matamata mai Aniceta ma lona aiga ma le fafia tele ma le maofa. Ina ua latou vaaia meaalofa na matou avatua, na liua lo latou fafia tele i loi-mata o le fafia ma le talisapaia. Latou te le'i vaaia pe taumamafa i ia ituaiga o meaai mo se taimi umi, ma sa latou fetagisi tele mo se taimi na le mafai ai ona latou gagana mai.

Ona o le Po na sosoo ma le Kerisimasi, na liliu atu ai o matou mafaufau i aiga ma e pele ia i matou. Sa ou mafaufau i le feau faauaealesi na ou mauaina i aso e lua na muamua atu, na faailoa mai ai ia te au ua avea a'u ma se tama. Sa matou faasoa atu o matou lagona, ma faaiuina i a matou molimau o le Faaola ma le talalelei toefuataiina.

Sa matou faamautinoa atu i lenei aiga matagofie le alofa o le Faaola mo

i latou. Sa latou maua le mafanafana i a matou upu, ma sa faamafanafana-inna lena po i lagona o le filemu. Ona matou faatofa lea i a matou uo pele ma faamanuia atu le Kerisimasi ia i latou.

E lei umi ae ou siitia atu i se eria fou, ma ou te le'i toe vaaia ai Aniceta po o lona aiga. Ae i ni tausaga na mulimuli ane, sa ou susueina ai le *Faasinoala a le Ekalesia* i se vaega e faatatau ia Filipaina ma faitau ai ia Aniceta Pabilona Fajardo o le Filipino muamua na auai i le Ekalesia i atumotu.<sup>1</sup> O se faamanuiaga matagofie le mafaufau i fatu na totoina i le taimi o le Kerisimasi i le 1945. ■

Erwin E. Wirkus, Idaho, ISA

## FAAMATALAGA

1. Tagai "Philippines," *Deseret News 1991–1992 Church Almanac*, 157; lomiga talu ai nei o le *Church Almanac* o loo sipelaina ai le igoa muamua o Tuafafine Fajardo o Aneleta.

**S**a matou fafatiina se lala mai se mago ma sunu'i i le eleele. Na matamata mai Aniceta ma lona aiga ma le fafia tele ma le maofa.



O Le Tali  
I FESILI FAIGATA  
Uma



## Pe a feagai ma ni fesili faigata, e na o le tasi le fesili e sili ona taua.

Saunia e R. Val Johnson

Mekasini a le Ekalesia

**O**fesili tatou te feagai ai i le aluga o le olaga e le faigofie ona taliina i taimi uma. O nisi o luitau faaletagata lava ia ua ia i tatou—mo se faataitaiga, o le oti o se tamaitiiti, o le faalataina e se uo, po o se tulaga le manuia o mea tautupe—e masani lava ona le faigofie ona malamalama i ai, ma e tatou te manaomia le lagolago agaalofa a i latou e siomaina i tatou. O nisi taimi o le tauiviga sili ona faigata i nei tulaga o le iloaina e alofa lo tatou Tama Faalelagi ia i tatou ma Na te le o faasalaina i tatou, e ui lava o le mafuaaga o le tofotofoga, pe afai e i ai lava se mafuaaga, o se mea tatou te le malamalama i ai i lenei taimi.

O nisi o fesili e sili ona faigata e oo mai pe a luitauina mea tatou te talitonu e faiga fesuisuiuai faaleaganuu po o faamatalaga fou, o nisi taimi o faamatalaga sese, ia e osofaia ai i tatou e fili o le Ekalesia. I taimi faapena, e ono foliga mai ai ua le mausali lo tatou

faavae o aoaoga faavae po o faavae o talafaasolopito e pei ona tatou mafau-fau ai. Atonu e faaososoina i tatou e fesiligia ia upumoni ua tatou faaleano i ai ma aafiaga faaleagaga na faavae ai lo tatou faatuatua.

O le a le tatou mea e fai pe a ulufale atu le masalosalo i o tatou loto? O i ai moni ea ni tali i na fesili faigata?

Ioe, o loo i ai. O le mea moni, o tali uma—o tali sa'o uma—e faalagolago i le tali o le fesili e tasi lava: pe ou te faatuatua le Atua i lo o se isi lava tagata?

### E Faatauvaa ae Le Faigofie

Mata e faatauvaa tele lena manatu? faigofie tele?

Masalo. E le iloagofie i taimi uma le upumoni, aemaise lava pe a tautava ma suiga ua tuuina mai i se auala faatosina. E masani lava e na o se vaega o le upumoni tatou te malamalama i ai, a o le upumoni atoa e le o malamalama lava i ai. Ma i le aoaoina, tatou te fetaiai ai ma le avanoa le lelei o le lafoa'ia o malamalamaaga le atoatoa ae maua ai le mafanafana seia oo mai i lenei taimi. Ae o le faatuatua o loo i le Atua ia tali uma, e alofa o Ia ia i tatou, ma o le a Ia tali mai i a tatou fesili uma—i Lana ala, i Lana lava taimi—e mafai ona fafaigofie ai la tatou sailiga. Atonu e le faigofie i taimi uma, ae ua na o le faalagolago i fautuaga a le Atua e mafai ai ona fesoasoani ia i tatou ia faatoilaloina lagona o le le mautonu.

I le konafesi aoao a le Ekalesia ia Oketopa 2013, na faia ai e Peresitene Dieter F. Uchtdorf, Fesoasoani Lua i

le Au Peresitene Sili lenei matauga manino lelei:

“O se mea masani le i ai o fesili—o sina fatu itiiti o le fesili faamaoni ua tele ina tupu ae ma avea ma se laau mafalā o le malamalama. O loo i ai ni nai tagata o le Eklesia o e, po o le a lava le taimi, e lei tauivi lava ma ni fesili matuia pe maaleale. O se tasi o faamoemoega o le Eklesia o le faa-failele lea ma atiae le fatu o le faatuatua—e oo lava i nisi o taimi i eleele matutu o le masalosalo ma le le mautonu. O le faatuatua o le faamoemoea lea mo mea e le vaaia ae ua moni.

“O le mea lea, ou uso e ma tuafafine pele—au uo pele—faamolemole, ia muamua e masalosalo i ou masalosologa ae e te lei masalosalo i lou faatuatua. Ia le tatau lava ona tatou faatagaina le masalosalo e faapagotaina i tatou ma taofia ai i tatou mai le alofa paia, filemu, ma mealofo ia e oo mai e ala i le faatuatua i le Alii o Iesu Keriso.”<sup>1</sup>


### O Nisi o Mataupu Faavae Aoga

E faapefea la ona tatou feoai ma le masalosalo faamaoni i o tatou masalosologa? E faapefea ona tatou taulaina lo tatou faatuatua i luga o le papa mautu o faaliga ae le o luga o eleele oneone o malamalamaaga fesuisuiuai pea o tagata? Atonu e fesoasoani e manatuina ai mataupu faavae nei.

### MATAUPU FAAVAE 1: E Sili

#### Atu le Silafia Le Mafuatia o le

**Atua Nai Lo Tatou.** Pe a fetaiai ma ni fesili—pe faaletagata, faaleagafesootai, pe faaleaoaoga faavae—e mafai lava ona tatou faalagolago i le mea moni e faapea e le mafaitaulia mea e silafia e



## O LE LOTOTELE E PUPIUIA AI MATAUPU FAAVAE

"E le mafai ona e tumau faamaoni i ou tulaga faatonuina pe afai o au amioga e faavae lea i fesuaiga faifai pea o manatu ma faamaoniga a isi. . . . O le a tatou feagai uma ma le fefe, aafia i le taufaifai, ma fetaiai ma feteeniga. la maua e i tatou—o i tatou uma—le lototele e tetee atu ai i manatu lautele, le lototele e tutu atu ai mo mataupu faavae."

Peresitene Thomas S. Monson, "Ia Faamiosi ma Loto Tele," *Liahona*, Me 2014, 68–69.

## SUE IA TALI

Ina ia faalautele au suesuega i fesili faigata, alu i le [lds.org/topics](https://www.lds.org/topics) ma le [history.lds.org](https://www.history.lds.org), i totonu o isi punaoa lagolago i le initoneti.

Le Foafoa o le atulaulau nai lo tatou. Afaí Na te fetalai mai i se mataupu (ma o nisi taimi e Na te le faia ai), e mafai lava ona tatou faatuatuaaina Ona manatu e sili atu le manino nai lo o tatou manatu.

"Aua o o'u manatu e le o outou manatu, o o'u ala e le o outou ala, ua fetalai mai ai Ieova.

"Aua e pei ona sili ona maualuga o le lagi i le lalolagi, ua faapea ona sili ona maualuga o o'u ala i o outou ala, ma o'u manatu e sili i o outou manatu" (Isaia 55:8–9).

### MATAUPU FAAVAE 2: Ua Faasoa Mai e le Atua Nisi o Lona Malamalama.

O se taunuuga o le mataupu faavae 1 e faapea e faasoa mai e le Atua ia i tatou le tele o mea Na te silafia pe a tatou saunia e mauaina ma ua Ia saunia e tuuina mai. Pau lava le mea ia tatou saunia i tatou lava e mauaina, ona saili atu lea i ai. E tali e tusitusiga paia le tele o fesili. O se tasi o fiafiaga sili o lenei olaga o le aoaoina lea e le Agaga Paia a o Ia faaaogaina tusitusiga paia e faaali mai ai "lea fuaitau i luga o lea fuaitau, ma lea mataupu i luga o lea mataupu, o sina mea itiiti i i ma sina mea itiiti i o" (2 Nifae 28:30) e avea ma tali i a tatou suesuega ma le maelega.

O nisi o fesili, aemaise lava i le natura faaletalafaasolopito, o loo i ai faamatalaga talafeagai, ma o le tele o faamatalaga faamaoni e faaalia i suseuega, o le manino atili foi lena o la tatou vaai.

Ua faamanuiaina foi i tatou i le i ai o perofeta ma aposetolo soifua e aoao i tatou i lalo o musumusuga o le lagi.



E le manaomia ona tatou "felafoaiina e pei o peau, ma feaveaiina i matagi uma lava o mataupu." E mafai ona tatou faatuatuaaina lo latou taitaiga auaatasi o le a fesoasoani ia "tatou oo atu o i tatou uma lava ma le loto gatas i le faatuatua ma le iloa lelei o le Alo o le Atua." (Tagai Efeso 4:11–15.)

### MATAUPU FAAVAE 3: E Mafai Ona Tatou Faalagolago i le Alofa o le Atua.

E sili atu le alofa o le Atua ia i tatou nai lo mea e mafai ona tatou mafaufauina. O i tatou o Lana fanau, ma Na te finagalo ia tatou toefoi atu i Lona afioaga o ni tagata matutua faamamaluina e mafai ona avea e faapei o Ia (tagai Mose 1:39). O fautuaga uma Na te tuuina mai ia i tatou ua tuuina mai faatasi ma le alofa sili ona loloto ia manuia ai i tatou e faavavau. E mafai ona tatou faalagolago atoa i lena alofa.

"Le Atua e, e maeu lava lou alofa! o le mea lea ua faatuatua ai tagata i le paolo o ou apaau" (Salamo 36:7).

**MATAUPU FAAVAE 4: E**

**Manaomia ona Tatou Saili Atu mo Faamautinoaga Faaleagaga.** Afai o le tele o le atamai o le lalolagi e foliga mai e feteenai ma le [atamai] o le Atua, e le tatau la ona faateia ai i tatou. E ui lava i lea, e tusa ai ma le mamanu paia, ua tatou ola i se lalolagi pa'ū lea ua vavae ese ai i tatou mai le afioaga ma le mafaufau o le Atua. O lea ituaiga o tulaga e mafai ona fafaigata ai le malamalama i mea a le Atua, aua "po o ai foi se tagata ua iloa mea a le tagata, ua na o le agaga o le tagata o loo i totonu ia te ia? e faapea foi ona le iloa e se tasi mea a le Atua, ua na o le Agaga o le Atua. . . .

"A e le talia e le tagata faaletino o mea a le Agaga o le Atua: aua o mea valea ia ia te ia, na te le mafai ona iloa: aua e faamasinoina faaleagaga" (1 Korinito 2:11, 14).

Afai e tatau ona tatou malamalama i mea a le Atua, e le mafai la ona tatou faalagolago tasi i le poto o le tagata e fai ai le galuega. E manaomia ona tatou maua le Agaga o le Atua "ina

ia matou iloa mea ua foafuaina mai e le Atua ia te i matou. . . . e aoaoina mai e le Agaga Paia; o loo faamatalaina mea faaleagaga i upu faaleagaga" (1 Korinito 2:12–13).

Pe a tatou papatiso ma faamauina o ni tagata o le Ekalesia a Keriso, e tuuina mai ia i tatou le meaalofa o le Agaga Paia. Faatasi ai ma lena meaalofa, e mafai ai ona tatou aoao mai le Agaga ma maua Lana faamaoniga mafanafana o le upumoni. O le mauaina o sea faamautinoaga faaleagaga e mautinoa lelei le aveesea ai o le masalosalo nai lo le faamasinoga sili o le faatalitonuina, ma e avanoa mo tagata uma o e sailia le upumoni e ala i le tatalo faamaoni, suesue ma le maelega, ma le usiusitai i poloaiga a le Alii.

"Ia outou ole atu, ona foaiina mai ai lea ia te outou; ia outou saili, ona outou maua ai lea; ia outou tuitui atu, ona toina ai lea ia te outou" (Mataio 7:7).

**MATAUPU FAAVAE 5: E Ono**

**Manaomia ona Tatou Faatalitali i le Alii.** O nisi taimi e le faamanuiaina ai a tatou taumafaiga a o tatou tauivi

ina ia malamalama i o tatou tofotofoga ma fesili. E ui lava i a tatou taumafaiga silisili, e le mafai lava ona tatou malamalama. E foliga mai ua punitia le lagi. O le taimi la lena e mafai ai loa e lo tatou faalagolago atu i le Atua ona tatou maua le onosai e faatalitali ai ia te Ia. E le o fesili uma o le a taliina i se taimi vave po o lenei foi olaga. E le o tofotofoga uma o le a aveesea a o lei tuukseseseina le tino ma le agaga. Ae afai tatou te alolofa i le Atua i lo isi mea uma, afai tatou te faalagolago i Lona alofa mo i tatou, o le a mafai ona tatou tumau i le faatuatua seja oo mai lena aso e aveesea ai le veli ma manino mai ai mea uma lava.

"Ia e tuuina atu lou ala ia Ieova; ma faatuatua ia te ia; ona faia lava lea e ia.

"E faaalia e ia lau amiontu e pei o le malamalama, ma lou faamasinoga e pei o le aoauli.

"Ia e faalologo i luma o Ieova, ma faamoemoe ia te ia" (Salamo 37:5–7). ■

**FAAMATALAGA**

1. Dieter F. Uchtdorf, "Sau, Auai Faatasi ma i Matou," *Liahona*, Nov. 2013, 23.





Saunia e  
David L. Beck  
Peresitene Aoao  
o Alii Talavou

# O LE FAAOLA MA LE FAAMANATUGA



## O LO'U AAFIAGA I LE FAAMANATUGA

**M**o le umi e mafai ona ou manatua ina ai, sa ta'u mai ia te au e mafaufau ia lesu Keriso i le taimi o le faamanatuga. Ina ua ou faatoa tufaina le faamanatuga ia Tesema talu ai, na oo mai ia te au se lagona o le filemu ma le paia. Sa ou lagonaina le Agaga o faapea mai ia te au sa ou fesoasoani atu i isi e o mai ia Keriso. Ou te faafetai na lava le faatuatua ina o au e le Tama Faalelagi e faatagaina ai au e auauna atu ia te la ma fesoasoani i isi.

Jacob R., 12 tausaga,  
Idaho, ISA

A o e ai ma inu i  
le faamanatuga,  
e te faafouina  
lau feagaiga ia  
manatua pea le  
Faaola.

**O**a mea e te mafaufau i ai pe a e ai i le areto ma inu le vai o le faamanatuga po o le taimi foi e te saunia ai, faamanuia, pe tufa ai le faamanatuga? O le toatele o i tatou e mafaufau loloto i a tatou feagaiga ma le auala o loo tatou ola ai. Tatou te mafaufau i a tatou agasala ma tatalo mo le faamagaloga ma naunau ia faia ia sili atu.

O vaega taua nei o le sauniga o le faamanatuga. E le gata i lea, o loo i ai se isi mea e mafaufau loloto i ai—o se mea e matua loloto lava ma patino ua avea o se vaega o le tatalo o le faamanatuga lava ia. O le manatuaina lea o Iesu Keriso, o le Alo o le Atua, o le Faaola o le lalolagi. Ua folafola atu e i latou e aai i le areto ia “taumamafa i le faamanatuina o le tino o [le] Alo” ma ia “manatua pea o ia” (MF&F 20:77). E faapena foi, o i latou o e feinu i le vai e folafola atu e feinu “i le faamanatuina o le toto o [le] Alo” ma “manatua pea o ia” (MF&F 20:79).


O le filifiliga ina ia manatua le Faaola ma Lana Togiola ma le taulaga o se vaega autu o le sauniga. E pei ona aoao mai e Elder Jeffrey R. Holland o le Korama a Apostolo e Toasefululu, “I le gagana faigofie ma le matagofie o le tatalo o le faamanatuga . . . e foliga mai o le upu aupito taua tatou

te faalogoina o le *manatua*. . . . O le mea o loo faamamafaina i tatalo uma e lua e faapea o nei mea uma ua faia e manatua ai Keriso. I lo tatou auai ai [i le faamanatuga], tatou te molimau atu o le a tatou manatua pea o ia, ina ia i ai pea lona Agaga e faatasi ma i tatou.”<sup>1</sup>

Na faamamafa mai e le Faaola nei vaega e tasi ina ua Ia faavaeina le faamanatuga faatasi ma Ana Apostolo i le taimi o le Paseka i Jerusalema i le po mulimuli o Lana galuega faaletino—le po lea na Ia puapuagatia ai mo i tatou i le Faatoaga o Ketese-mane a o lei toe mafatia ai i luga o le satauro. Mo se faataitaiga, ina ua uma ona tuuina atu ia te i latou le areto e aai ai, sa Ia fetalai atu, “O lo’u tino lenei, ua foaiina atu mo outou: tou te faia le mea nei e fai ma faamanatuga ia te au” (Luka 22:19–20; tagai foi i le Mataio 26:26–28).

I le taimi o le aso muamua o le Faaola i totonu o sa Nifae i le lauelele o Amerika, na Ia aoao atu foi ia te i latou le sauniga o le faamanatuga. Sa Ia toe faatonuina foi i latou ia taumamafa ma feinu i le faamanatuina o Lona tino ma le toto ma ta’u atu ia te i latou e faapea a o latou faia, “o le a avea o se molimau i le Tama ua outou manatua pea au” (3 Nifae 18:7). Ona ia folafola atu lea ia i latou, “Ma afai tou te manatua pea au o le a outou maua lou Agaga e faatasi ma outou” (3 Nifae 18:7, 11).

O se faamanuiaga ofoofogia! I se lalolagi ua tumu i luitau ma faigata ma faaososoga o loo taumafai pea lava pea e taitaisese i tatou, o le a la se isi meaalofa e sili atu ona taua tatou te maua? E ala i le i ai o le Agaga e faatasi ma i tatou, e mafai ona tatou “iloa



### MANATUAINA O LE FAAOLA

Ina ia fesoasoani ia te oe ma lou aiga e manatua le Faaola, mafau-fau e suesue le Sau, *Mulimuli Mai ia te Au* i le ototoga o le lesona “E mafai faapefea ona ou fesoasoani i isi ia maua se aafiaga anoa i le faamanatuga?” i le [lds.org/go/491214](https://www.lds.org/go/491214). E mafai ona faaaoga le vitio o i lena itulau, “la Manatua Pea o ia,” e fai ma punaoa mamana mo aifi faaleaiga.

ai le moni o mea uma lava” (Moronae 10:5). O le a tuuina mai ia i tatou e lena mea le mana ma le poto e ola ai i le auala e finagalo le Alii tatou te ola ai, e fai ai filifiliga sa’o, e auauna ai ma le faamaoni, ma avea ai e faapei o ia.

A o e auai i le faamanatuga i vайасо таитаси, о le a se mea e mafai ona e faia ia manatua ai o ia? O le a se mea e mafai ona e faia ia manatua ai *pea* o ia—i le vайасо атоа, ma lou olaga атоа?

E mafai ona ou valaaulia outou e mafaufau loloto i na fesili ma faia se tautinoga e manatua pea le Faaola? O le a e maofa i le auala o le a ia suia ai lou olaga. ■

### FAAMATALAGA

1. Jeffrey R. Holland, “Tou Te Faia Le Mea Nei ma Faamanatuga ia te Au, *Liahona*, Ian. 1996, 81.



Saunia e Joshua J. Perkey

Mekasini a le Ekalesia



# E FAAPE'I LE AVEA AI MA SE TAGATA FOU FAATO'A LILIU MAI?

*E mafai ona e fesoasoani i tagata fou e ala i le malamalama i mea o loo feagai mai latou.*

**A**fai e te ola ae i le Ekalesia, e avea mea faalelotu ma mea e masani ai. O le a masani i le faiga masani o sauniga, le fale e te auai ai, o ituaga o lavalava e ofu e tagata i le lotu. O mea e pei o le tuuina atu o lauga i sauniga faamanatuga, o le totogiina o sefului ma taulaga anapogi, ma le anapogi faa-tasi i le masina ua na o se vaega o le olaga. O le ola ai i le Upu o le Poto, o le taliaina o valaauga e auauna atu, ma le ola ai i le tulafono o le ola mama o vaega uma ia o mea e te aoaoina e fai.

Ae mo tagata liliu mai, e mafai ona avea ma se fetuunaiga tele le taumafai e faamasani i mea uma. E moni lava, o le mauaina o se molimau e uiga i upumoni o le talalelei o le laasaga muamua lava lea i le avea ai ma tagata auai i le Ekalesia a Keriso. Ae o le mauaina o se molimau e le faapea la e faigofie ai le fesuiaiga ia ola i se olaga o se tagata o le Ekalesia.

## E Ono Mafai ona Matuai Ese Lava Le Ekalesia

Fai la a'u ma se faataitaiga. Sa i ai ni au uo AAG talu ona 13 ou tausaga, ma sa iu lava ina ou auai i le Ekalesia ina ua 19 o'u tausaga. Ae e ui lava i le aoao ai i ni mea se tele e uiga i le aganuu o le Ekalesia i le aluga o na tausaga, ae sa faigata la'u fesuiaiga. Ia te au, o aganuu o le Ekalesia ma faiga masani na matuai ese lava, ia na foliga ai o se mea e ese lava.

Sa ou ola ae i se ekalesia i le tele o auala e fai si le tutusa ma le [ekalesia] ua e iloa pe o le a oo ina e iloa. I le lotu e laei e le faifeau ma le aufaipese ni ofu talaloa e tai tutusa ma ofu faau'u o le aoga maualuga. I taimi o sauniga tapuai—e tai tutusa ma sauniga faamanatuga—e tuuina atu ai e faifeau ni lauga ma faatino uma le tautala. O Aso Sa uma lava matou te toe faia faatasi ai le Tatalo a le Alii ma usuina pea le viiga “Ia Viia Oe o le Atua Le Puna o Manuia.” E papatisoina pepe e ala i le faatulutulu o le vai i luga o o latou ulu, ae o le faamauga e faia pe a 14 tausaga le matua.



E matou te faaaogaina le sua o le vine nai lo le vai mo le faamanatuga, ma e auai tamaiti o a'oga maualuluga i le Aoga Aso Sa faatasi ma tagata matutua i se vasega lea e talanoaina ai mataupu o i ai i lena taimi i le lalolagi.

E oo lava i lo matou falelotu sa ese lava mai fale a le AAG sa ou asiiasi i ai. Sa i ai se matou falesa tele sa mama-nuina i falesa Kerisiano i Europa, faatasi ai ma se tumutumu faamatatao maualuga ma umī, ma tioata felanulanuai. Sa i ai se satauro i le nofoaga o le aufaipese. Sa tu i le pito i luma se logo i totonu o se olo maualuga ma matagofie. Ou te fiafia e ta lena logo pe a maea sauniga lotu. Sa lava le mamafa e mafai ai ona sii i luga se tamaitiiti laitiiti mai le eelele a o alu i luga ma lalo le maea.

Sa ese foi a matou tu ma aga ma talitonuga faaagafesoo-tai. Na aoaoina i matou e le afaina le inuina o le ava malosi pe ulaula. O le i ai o se uo tama po o se uo teine a o talavou sa le afaina lea. O le mea moni, sa aoaoina i matou e mafai ona faia ni sootaga faalefeusuiga a o lei faaipoipo pau lava le mea taua ia e talitonu ua e alofa faamama'i i lena tagata. Matou te le'i talinoa lava i le mauaina o se molimau. O le taimi muamua lava sa ou vaai ai i se sauniga anapogi ma molimau—oka! Sa le mafai ona ou talitonuina le foliga ese o lena mea. Sa leai ma se tasi sa tu faapena i luga ma faasoa mai ona talitonuga i se auala faapena i la'u ekalesia.

## **SA MATUAI FAIGATA LAVA LE ULUAI ONO MASINA TALU ONA UMA LO'U PAPATISOGA. SA TOETOE LAVA A LE MAFAI ONA OU FAIA. NA MATUAI ESE LAVA MEA UMA ...**

O le sau i Le Ekalesia a Iesu Keriso o le Au Paia o Aso e Gata Ai sa le na o le aoaoina o ni aaooga faavae fou, e pei o le muai olaga ma le papatisoga mo e ua maliliu; o se suiga i le aganuu ma ituaiga o olaga ma mea ua faa-moemoeina. O le foiaina o na eseесега sa avea o se auala faigata e savali ai.

Sa matuai faigata lava le uluai ono masina talu ona uma lo'u papatisoga. Sa toetoe lava a le mafai ona ou faia. Na matuai ese lava mea uma, aemaise lava aua sa ou auai i le lotu e aunoa ma lo'u aiga. Sa ou tauivi pea ma ni manatu patino faaleaoaoga faavae, faapea ai foi ma lagona o le vavaeeseina mai lo'u olaga tuai.

O le mea e lelei ai, sa onosai a'u uo i le Ekalesia, agale-lei, ma tumau pea. Sa latou ave au i gaoioiga, valaaulia au i o latou aiga mo le taumafataga o le afiafi ma afiafi faaleaiga, ma tatalo faatasi ma au. Na faia e lena mea se eseесега tele e le na o lo'u auai i le Ekalesia, ae faapea foi ma le tumau

o lo'u toaga ma le mauaina o le malosi pe a faavaivaia la'u molimau. E tele mea ou te nofo aitalafu ai ia i latou mo le fesoasoani mai ia te au ia ou malamalamama.

I tala nei, na faasoa mai ai e ni tagata talavou se toalua o laua lava aafiaga o le auai i le Ekalesia ma le auala na la maua ai le malosi e faia ai. A o e faitau i o la aafiaga, mafaufau i mea e mafai ona e faia e fesoasoani ai i se tagata fou liliu mai po o se tasi ua toe faatoaga mai ina ia maua le malosi e fetunai ai i tulaga faaleagafesootai ma faaleaganuu, ma ia tuputupu ae ai faaleagaga.

### O Tausaga na Faatalitali ai Ina la Papatisoina

A o ou i ai i le aoga maualuga, sa ou filifili ai e auai i le Ekalesia ina ua mavae le feiloaiga ma faifeautalai i vasega Igilisi ma suesuega faatasi ma i latou. Na tali mai ma le le fiafia ou matua ina ua ou ta'u atu ia i laua ou te fia papatiso. La te le'i iloaina le tele o mea e uiga i le Ekalesia, ma sa la popole ina ne'i ou aafia i se mea matautia. Sa



**SA AO ONA OU FAUSIAINA LO'U  
FAATUATUA MA LA'U  
MOLIMAU I LE TATALO, FAITAUINA  
O TUSITUSIGA PAIA,  
MA UPU A PEROFETA O  
ASO NEI—E A'U LAVA IA.**

## MEA E FEAGAI MA TAGATA LILIU MAI

O nisi nei o luitau e feagai ma tagata fou liliu mai. Mata e faapefea ona fesoasoani lau faauoga ia i latou e feagai ai ma o latou luitau?

1. Tauiviga ina ia malamalamama i aoaoga faavae fou.
2. Filifilia o ala eseese o faasalalauga, musika, tifaga, ma tusi.
3. Malamalamama i le gagana o tusitusiga paia.
4. Taulimaina o le le taliaina e aiga ma uo lē lolotu.
5. Ofuina o laei eseese.
6. Tuuto atu o le taimi e auai ai i le lotu ma le seminare.
7. Aoaoina o tu ma aga masani fou i sauniga tapuai.
8. Suia o mausa, gagana, ma le auala e mafaufau ai.
9. Fetuunai i aganuu faaleagafesootai a le AAG.
10. Aoaoina o faaupuga faapitoa a le AAG, e pei o le *talalelei, liliuese*, ma le *toefuataiga*.

la manatu o le a faalavelave le Ekalesia i la'u aoga ma ona o le mau tulafono, o le a le mafai ai ona ou olioli i le olaga. La te le'i faatagaina au ia papatiso mo le lua ma le afa tausaga.

Sa tofotofoina a'u mai lava i le amataga. I le tele o tau-saga a o lei mafai ona ou papatiso, sa ou tatalo pea lava pea mo le malosi ma le faatuatua e tatau ai ina ia talitonu pea. Sa le mafai ona ou auai i le lotu pe faifai mea faatasi ma tagata o le ekalesia po o faifeautalai. Sa ao ona ou fausiaina lo'u faatuatua ma la'u molimau i le tatalo, faitauina o tusitusiga paia, ma upu a perofeta o aso nei—e a'u lava ia. Sa ou misia le tele o polokalama mananaia ma gaoioiga mālie.

Ina ua ou siitia atu i Roma mo le kolisi, na avea lo'u epikopo ma se uo moni, o lē sa lagolagoina a'u i taimi sa matua feīta ai o'u matua. Sa ia aoao a'u e taua le alofa pea i o'u matua e tusa lava po o le a.

Ina ua i'u ina papatisoina a'u, na toatele tagata o le uarota na o mai e lagolagoina a'u. Sa ou auai i le aufaipese ma maua ni uo se tele iina. O la latou faauoga ma le agalelei na ou lagonaina ai le toafimalie.

Pe a tatou faamaoni i aoaoga a Iesu Keriso ma mulimuli i Ana faataitaiga o le alofa ma le popole mo isi, o le a vaaia e tagata faatoa liliu mai ma tagata sailiili tatou te le tau na ona tautatala, tatou te savavali foi i mea tatou te tautatala ai. *O Ottavio Caruso e sau mai Italia, ma o loo auauna atu o se faifeautalai faamisiona i le taimi nei.*

## E Le Fetaui I Ai

Sa ou auai i le Ekalesia ina ua 13 o'u tausaga. Sa i ai ia te a'u se molimau o le talalelei, ae sa i ai so'u lagona atuatuval e le fetaui au i le lotu. Sa iloa e isi tagata uma ia pese ma tala o tusitusiga paia; ou te lei iloaina. Sa i ai i isi tagata uma ni manatuaga o gaoioiga a le Peraimeri po o lesона o afiafi faaleaiga; ae ou te lei faia se mea e tasi o na mea.

Ae e sili atu nai lo lena, na foliga mai sa tutusa mea e fiafia i ai ma manatu i ai tagata uma—o nisi taimi

## O OUTOU O NI TAGATA LELEI MA O A'U O SE TAGATA LELEI. AE E MATUA ESEESE LAVA I TATOU. OU TE LE FETAUI IIINEI.

o ni manatu malolosi tele ia sa le tutusa ma o'u [manatu]—e uiga i mea uma mai i ata tifaga ma faapolokiki e oo atu i le faauigaga o ni mau patino. Ou te vaavaai solo i tagata uma o loo luelue o latou ulu ma mafaufau, “O outou o ni tagata lelei ma o a'u o se tagata lelei. Ae e matua eseese lava i tatou. E le fetaui au iiinei.”

Sa ou tauivi ma na lagona mo le tele o tausaga. Ona ou toe manatua lea ma toe faitau i le tala mai le Luka 19 e uiga ia Sakaio. Ona o ia o se telona, sa le lauiloa ai ma manatu i ai tagata o se tagata agasala. Ae ina ua feafioa'i Iesu i lona nuu, sa a'e Sakaio i se laau ina ia matamata i luga a'e o le tumutumu o tagata. Na te le'i popole i mea na manatu i ai isi e uiga ia te ia. Na avea lenei faatinoga o le a'e i le laau—le vavaeeseina o ia lava mai le tumutumu o tagata—na mafai

ai e ia ona maua se aafiaga matagofie tele ma patino o le Faaola. A o ou faitauina, sa ou iloaina ai o o'u lagona o le avea ma se tagata ese na le'i sau mai ia Keriso. O Iesu sa loto malamalama ma loto faamagalo. Sa ia saili ma le malosi ia i latou o e na faamasinoina ma tuliese—i latou o e na foliga mai na ese.

Na i ai isi taimi na ou oo ai i lagona o se tagata ese. Sa i ai. Ae ua ou aoaoina o mea na ou 'ese ai—o le auala ou te foliga ai, o le auala e vaai mai ai isi ia te au, o mea ou te faame-melo i ai, o le auala ou te manatu ai e uiga i le lalolagi—e le o mafuaaga nei e alu ese ai [ma le Ekalesia]. O mafuaaga nei e manaomia ai i tatou uma e le Ekalesia, faatasi ai ma a tatou taleni eseese uma, o malosiaga, ma manatu. ■

*E alala Elaine Vickers i Iuta, ISA.*



Sa a'e Sakaio i se laau ia matamata ai i luga a'e o le tumutumu o tagata a o feafioa'i Keriso i lona nuu.

## AUAI I LE TALANOAGA

### O Mea e Mafaufau I Ai

- O a ituaiga o suiga ua faafaigata ai i nisi tagata ona auai i le Ekalesia?
- Mata e faapefeea ona fesoasoani lau faauoga i se tasi ia foi mai po o le tumau malosi i le Ekalesia?

### O Mea E Te Ono Faia

- Tusi i lalo se lisi o luitau e masani ona i ai i tagata liliu mai e manumalo ai, ma faatutu ni sini mo le auala e mafai ai ona e fesoasoani ia i latou.
- Valaaulia se tagata faatoa liliu mai po o se uo ua le o toe toaga mai ina ia fesoasoani ia te oe e faia se gaoioiga mo lau vasega po o le korama.
- Faasoa atu ou aafiaga i le lotu, i le fale, po o le initoneti .

# “O le a se mea e tatau ona ou faia pe a tauemuina a’u i le aoga ona o le mulimuli i tulaga faatonuina o le Eklesia?”

**A**fai e tauemuina oe mo le mulimuli i tulaga faatonuina o le Eklesia, e mafai ona e avea o se avanoa e fai ai ma sui o Iesu Keriso. Ia faaaloalo ma agaalofa. Afai e uunaia ai, atonu e te faamatala atu pe aisea e te ola ai i le auala ua e ola ai. Mafaufau e faaaoga le *Mo le Malosi o le Autalavou* e fesoasoani ai e te talanoa ai i ou tulaga faatonuina. Valaaulia le Agaga i lou olaga ina ia mafai ona Ia pa’i atu i loto o lau tupulaga. E mafai ona fesoasoani le Agaga ia te oe e iloa le tala e fai atu.

E mafai foi ona e maua se fautuaga mai ou matua, taitai o le Eklesia, po o se faifeautalai faamisiona. Fesili atu ia i latou pe na faapefea ona latou tali atu i ni tulaga talitutusa faapea.

E i ai taimi atonu e te lagonaina le faaosooosina e finau ma isi e uiga i ou talitonuga. Ae ia manatua, “o le e i ai le agaga o le finauga ua le mai ia [Keriso] o ia” (3 Nifae 11:29).

I nisi taimi, atonu e te lagonaina le uunaiga faamalosi ia faatoiloina ma tu’u le mulimuli i tulaga faatonuina o le Eklesia. Ia malolosi. O le tu mausali o le a lē gata ina manuia ai lou olaga i le filemu, ae e mafai ona faamanuiaina ai foi olaga o lau tupulaga. O au faataitaiga e mafai ona uunaia ai i latou e faia filifiliga amiontonu.

Vaai atu i le faataitaiga a le Faaola mo le malosi. Sa tauemuina le Faaola mo le tu atu mo le upumoni (tagai Isaia 53). Na te silafia lelei ou lagona. Sa ia faatinoina le Togiola mo *oe* ma oo i tofotofoga lava e tasi o loo e feagai ai. O loo faatasoi Ia ma oe. Suesue atili e uiga i Lona soifuaga ina ia mafai ona e faapei o Ia i nei tulaga.



**Pipiimau i le Ai Uamea**  
Pe a faifai mai tagata ia te au i la’u aoga, ou te mafaufau i le faaaliga lea sa maua e Liae e uiga i le fale tele ma le ateatea: “Sa tumu i tagata, o e matutua ma e iti, o tane atoa ma fafine; ma o o latou ituaiga ofu sa matua lelei lava; ma sa latou peiseai o faatauemua tusitusi mai o latou tamatamailima i e na o mai ma aai i le fua” (1 Nifae 8:27). O le a ou pei o Liae. O le a ou le faamaamuluina lava lenei ai uamea lea e tau atu i le ola e faavavau.

*Pierre S., 18 tausaga, Haiti*



**Faasoa Atu le Talalelei**

A o ma faamaeaina ma se uo le galuega faatino o le tulaga faatauina o le mama mo

le Alualu i Luma o le Tagata Lava Ia, sa ma faitauina le Tusi a Mamona i le aoga i le taimi o malologa. Na amata ona faifai mai lo ma faiaoga ma a ma uo ia i maua. E i ai taimi sa ou manao ai e taofia le faitauina, ae na le mafai ona ou tuua a’u tusitusiga paia i le fale. Sa faaaauau pea ona ma faitau i le aoga, ma na iu lava na le toe ulagia i maua. Na amata ona sagisagi fiafia mai se tasi o a ma uo i le talalelei ma i le Alualu i Luma o le Tagata Lava Ia. Na ma tuu atu ia te ia le tamaitusi ma se fusi tolu, ma e talu mai lena taimi o loo ma ta’u atu pea ia te ia le talalelei. Na oo foi ina sagisagi fiafia mai lona tuagane i le talalelei. O loo la taufai faitauina uma le Tusi a Mamona.

*Kimberly A., 16 tausaga, Pasila*





### Avea ma se Faataitaiga

I la'u aoga, e le toatele ni tamaiti aoga e masani i le talalelei. Ou te manatu o le mea sili e mafai ona e faia o le faaali atu lea i tagata o le auala e mafai ai e le ola i le talalelei ona aafia ai oe mo le lelei. E ala i le agalelei ma le faaaloalo e tusa lava po o a a latou tala e fai atu ia te oe, ia e faia lava se faataitaiga mata-gofie, ma o le a i ai ia i latou se faaaloalo sili mo oe ma ou talitonuga. O le manatuaina o au faataitaiga, e ono naunau ai na lava tagata e aoao atili e uiga i le talalelei i se taimi mulimuli ane!

*Kelsey P., 14 tausaga, Florida, ISA*

### Faasoa Atu Lau Molimau

O le taimi lava e te iloa ai faamanu-iaga ia e mulimuli mai i le ola ai i tulaga faatonuina, e te le tau lagonaina le maasiasi pe a tauemuina. E mafai ona e aoao atu tulaga faatonuina ma faasoa atu se molimau o le ola ai i na mea. E mafai ona aoao lau tupulaga ma faatumulia i le Agaga ona ua e faasoa atu se molimau o le talalelei.

*Emmanuel A., 16 tausaga, Kana*



### Manatua Pe O Ai Oe

Mo mea e tutupu i le aoga, e fai mai tamaiti o la'u vasega ia te au e oo lava i au uo e fai ia ofu e le talafeagai ma le silafaga a le Atua. Latou te fai mai, "E tatau ona e foliga aulelei. E tatau ona e foliga ese." O nisi taimi latou te fai mai faapea e tatau ona ou faagaloina o'u talitonuga ina ia mafai ona ou fetau lelei i lenei lalolagi. Ae o la'u

tali lava i taimi uma o le leai. Ou te iloa o le avea ai ma a'u moni lava, o le faamaoni lea ma tulaga ese mai le lalolagi. E le afaina pe afai latou te le fafia mai ia te au mo le tagata ua ou avea ai. E le o faatatau i mea e ta'u mai e isi; e faatatau i le mulimuli i auala o le Tama Faalelagi.

*Jazzy C., 19 tausaga, Filipina*



### Avea ma se Faifeautalai

Sa ou maua le tele o aafiaga e faatatau i le ola ai i tulaga faato-nuina o le talalelei i le aoga. Sa ou aoaoina o se taimi sili lea ona lelei mo i tatou e faamalolosia ai a tatou molimau ma auai ai i le galuega faafaifeautalai. Soo se taimi lava ou te oo ai i se tulaga faapenei ma tausisia le maualuga o o'u tulaga faatonuina, ou te lagona le fafia ia te au lava mo le faatinoina e pei ona finagalo le Atua ia ou faia. Aua lava nei tuu atu i se tasi se mafuaaga e masalosalo ai po o ai oe ma mea e te talitonu ai.

*Hiram D., 18 tausaga, Pasila*



### FAFAGA LAU MOLIMAU

"Ia maua le lototele e tumau mausali ai mo le upumoni ma le amiontonu. Ona o sitaili a le lalolagi i aso nei ua se ese mai i tulaga faatauaina ma mataupu faavae ua tuuina mai e le Alii ia i tatou, o le a valaauina moni lava oe e puipuia mea na e te talitonu i ai. O le a faigata ona e tetee atu i tauemuga a i latou o e luitauina lou faatuatua, sei vagana ai o loo mauaa ma le mausali lau molimau.... O lau molimau, pe a fafaileleina pea lava pea, o le a e saogalemu ai."

*Peresitene Thomas S. Monson, "Ia Outou Lototetele," Liahona, Me 2009, 89.*

## FESILI O LE A SOSOO MAI

**"Ou te lagona lou le agavaa e avea ma se peresitene o le vasega o le Maea Meite. E mafai faapefea ona avea a'u ma se taitai lelei atu?"**

Auina mai lau tali ma se atapue sili ona marino, pe a manaomia, a o lei oo i le aso 15 Januari, 2015, i le liahona.lds.org (kiliki "Auina Mai Lau Galuega"), e ala i le imeli i le liahona@ldschurch.org, po o le meli (tagai i le tuatusi i le itulau e 3).

O le faamatalaga ma le faatagaga o loo i lalo e tatau ona aofia mai i lau i-meli po o le tusi: (1) igoa atoa, (2) aso fanau, (3) uarota po o le paranesi, (4) siteki po o le itu, (5) lau faatagaga tusitusia, ma, afai e itiiti ifo i le 18 ou tausaga, o le faatagaga tusitusia a ou matua (e talia foi le imeli) e lolomiina ai lau tali ma lou ata.

E ono faapupuuina tali mo le uumi po o le manino.

# LEAI NI AGELU E MANAOMIAINA

*I lena taeao o le Kerisimasi i se falemai i Kuatemala, sa le mafai ona matou valaau atu i ni agelu ia pepese. Ae sa mafai ona matou valaau ia i matou lava.*

**Saunia e Jeniann Jensen Nielsen**

**O** mea faapapa, na felanulanuai ai le malama o le vaaiga o le fanau mai o Keriso, ma taumafataga na faaaliai ai ni meataumafa faaMekisiko [tamales]—o le Kerisimasi lena i Kuatemala. I le avea ai o se faifeatalai faamisiona sa ou iloa ai le eseese tele o tu ma aga masani mai i o'u lava tu ma aga masani i le Iunaite Setete. Sa ou ma'i manatu i le aiga ma faapea o le a faanoanoa la'u Kerisimasi.

Na fai mai la'u soa, o Sister Anaya, o le a ma maua le olioli i le Kerisimasi e ala i le auauna atu i isi. Sa ia fautua mai faapea e ma te faaaluina le taeao e usuina ai ni pese i le falemai, ma sa ma valaauliaina isi faifeatalai e auai mai ma maua.

A o matou latalata atu i le faitotoa, sa ou matauina ai tagata o loo faatalitali i le laina e fia vaai i e pele ia i matou. Sa faanoanoa o latou foliga, o a latou seevae sulu i vae ua pefupefua, ma o latou ofu ua matafi. Sa matou faatalitali ma i latou. Ina ua mulimuli ane faatagaina i matou e ulufale atu i le fale, sa matou savavali atu i faapaologa vaaapiapi i fola sima lanu meamata ua matafi ese. O manogi o vailaau ma faama'i na lofituina ai a'u.

I se malamalama itiiti sa mafai ona ou iloa atu ai ni gasegase i luga o moega i se potu tele ma sina ea itiiti po o se taimi paganoa mo na o i latou lava. Latou te taooto ai iina, o nisi o i ai fusiga, o nisi o loo tui se fagu IV, o nisi o loo faapipii i ai ni masini e fesoasoani ia i latou ia mafai ona mānava. O nisi e oi lemu. O isi ua momoe. Sa ou mafaufau pe aisea ua matou o mai ai. O le toatele o la matou vaega toalaiti o faifeatalai na tutu i le faitotoa, e le iloa le mea e fai.

Ae sa le faapena Sister Anaya. Sa ia alu atu i moega taitasi, faafeiloai i latou na gasegase, ma fesili atu ia i latou pe o a mai, ma faamanuia atu ia i latou se Kerisimasi fiafia. O lona lototele na faamanatu mai ai ia i matou uma le mafuaga na matou o mai ai, ma sa amata loa ona matou usuina pese o le Kerisimasi, faamālū i le amataga ae faasolo malosi a o matou faaauau pea. O nisi o gasegase na ataata, o nisi na o le taooto ai iina ma sa foliga e le'i iloa le mea o tupu, ma o nisi na hamuina a'o usuina ia pese.


O Sister Anaya, a o pese mai se tusipesi i lona lima, na ia faalatalata atu i se fafine sa fusifusia atoa [lona tino] i ni fusiga. Na amata ona tagi lemu le fafine, ma sa milimili e la'u soa lona lauulu. Ma ona loimata na faapea mai le fafine, "O outou o ni agelu. O outou o ni agelu."

O le a ou le faagaloina lava le tali a Sister Anaya. "Leai, e te le'o faafogofoga i ni agelu," sa ia tali atu ai. "O loo e faafogofoga i Le Au Paia o Aso e Gata Ai."

Ina ua soifua mai Iesu Keriso, sa faasilasila mai e se agelu Lona soifua mai ma sa vivii atu 'au mai le lagi e toatele i le Atua (tagai i le Luka 2:8–14). Ou te mafaufau pea i na agelu i Kerisimasi uma.

Ae ou te mafaufau foi ia Sister Anaya. Ou te manatua lona uunaia o i matou e usu ni pese i le falemai, ma le auala na matou maua ai le olioli e ala i le faasalalauina atu o le olioli. Ou te manatua lona milimiliina o le lauulu o lena fafine ma'i. Ma ou te manatua ai ou te le tau manaomia le avea ma se agelu e auauna atu ai i isi. E mafai ona ou auauna atu ia te i latou o se Au Paia o Aso e Gata Ai. ■

*E alala le tusitala i Itua, ISA.*



# IA FAI SE AVANOA

“O i tatou taitoatasī o ni tausi fale talimalo o lē e filifili pe o i ai se potu mo lesu!”

Elder Neal A. Maxwell (1926–2004) o le Korama a Apostolo e Toasefululuā,  
“Ia Faamanatu Lenei Mea i o Outou Loto, Liahona, Ian. 1993, 83.





Elder  
**Mervyn B. Arnold**  
O Le Fitugafulu

# O Fea o O'u | Ai?

## O Le Auala e lloa ai ma Atiina Ae Au Meaalofa Faaleagaga ma Taleni

*Ua tuuina atu e le Tama  
Faalelagi ia te oe ni meaalofa  
faaleagaga ma taleni e  
fesoasoani ia te oe e avea ai  
ma tagata ua la finagalo e  
avea ai oe.*

**I**tusitusiga paia, tatou te maua ai le tele o fesili ua mafua ai ona tatou toe mafaufau i o tatou olaga. O se tasi o fesili muamua e fesiligia i le Tusi Paia na tuusao ia Atamu ina ua maea ona ia ai i le fua faasaina. Ou te valaaulia outou e mafaufau loloto i auala e mafai ai ona faaaoga lenei fesili i o outou olaga:

“Ona lalafi ai lea o Atamu ma lana ava ai luma o Ieova le Atua i laau o le faatoaga.

“Ona valaaau atu lea o Ieova le Atua ia Atamu, ua faapea atu ia te ia: *O fea o i ai oe?* (Kenese 3:8–9; faaopoopo le faamamafa).

E silafia e le Alii mea uma, ina ia mafai ona tatou mautinoa na Ia silafia le mea na lalafi ai Atamu ma Eva. Afai la na Ia silafia le mea sa la i ai, o le a la le mea na fesili moni ai le Alii?

O lenei fesili atonu na uunaia tele ai Atamu ma Eva e mafaufau e uiga i mea na tutupu i o laua olaga. E mafai ona tatou fesili ia i tatou lava i ni fesili faapea. Mo se faataitaiga: O fea o tatou i ai i la tatou malaga i le ala o le feagaiga i le ola e faavavau? O a meaalofa ma taleni na tuuina mai e lo tatou Tama Faalelagi ia i tatou i le muai olaga e fesoasoani ai ia i tatou i luga o lenei ala? O a isi meaalofa ma taleni e tatau ona tatou mauaina a o tatou taumafai e avea ma tagata e finagalo le Alii ia tatou avea ai?

Na saunoa mai Peresitene Iosefa F. Samita (1838–1918), “O tagata, i le avea ai o se agaga, sa pele ma fanau mai i ni matua faalelagi, ma tausia ina ia matua i le maota e faavavau o le Tama, a o le'i oo ina o mai i le fogaeleele i la le tino [faaletino].”<sup>1</sup> O le tusi lesona o *Mataupu Faavae o le Tala-lelei* ua aoao mai i tatou e faapea “Ua silafia e le Tama i le Lagi i tatou ma mea na tatou faia ae tatou te lei o mai iinei. Ua Ia filifilia le taimi ma le nofoaga mo i tatou taitoatasi e fananau mai i ai, ina ia mafai ona tatou aoaoina lesona tatou te manaomiaina patino ma *faia le mea sili ona lelei i a tatou lava taleni patino ma uiga lelei.*”<sup>2</sup>

Na tuu oe e le Tama Faalelagi i le nofoaga sili ona lelei e faaaoga ai au meaalofa faaleagaga ma ati ae ai au taleni. Po o fea lava o e nofo ai ma po o a tulaga o le olaga o loo e i ai, e mafai ona e faia le filifiliga ina ia faamanuiaina, e ui lava i ou luitau. Aua lava le fiu. Taumafai pea. Aua le faavaivai. Ia manatua, o le mea e te faia i mea o loo ia te oe e fausia ai lou ituiga tagata.

O le faataitaiga a Atamu ma Eva e mafai ona tatou maua ai le tele o le faamoemoe. Ina ua uma ona la solia le poloaiga e aua nei aai i le fua faasaina, sa tutuli ese i laua i fafo mai le faatoaga matagofie, sa fetuuina le eleele, na tutupu mai laau tuitui ma laau talatala, ma sa ao ona laua galulu e galueaiina le eleele e tausai ai i laua lava. Sa le'i fiu i laua. Sa galulue i laua, e pei ona poloaiina ai i laua e le Alii (tagai Mose 5:1). Sa faia e lo la atalii o Kaino se filifiliga leaga tele, ae sa laua faaauau pea ona ola amiontonu ma aoao pea le la fanau.

### O Le Mea na Maua e le Uso o Lo'u Tama o Peni

E i ai se uso o lo'u tama o le sa faaauau pea ona saili e faaleleia atili ma



faateleina ia meaalofa ma taleni na ia mauaina mai le Tama Faalelagi. Sei ou faasoa atu se tasi o tala mai lona olaga lea na fesoasoani ai ia te au ia iloa le auala e ati ae ai ma faalauteleina meaalofa ma taleni faaleagaga.

I se tasi aso a o faigaluega le uso o lou tama o Peni i se vili kopa [copper mine], sa ia matauina ai se fasi uamea ua pi'o o taatiatia i autafa o le auala mo nofoaafi. Na ia talosaga atu i lona pule pe mafai ona ave ma ia. Na fai mai lana pule, "Peni, e le toe aoga lena fasi uamea tuai. Ua maumau lou taimi e pik'i ai fua i luga."

Na ataata le uso o lou tama o Peni ma faapea atu, "E tele atu se mea ua ou vaaia nai lo na o se fasi uamea tuai."

Faatasi ai ma le faatagaga a lona pule, na ia aveina ai i le aiga. I lana fale faigaluega na ia faavevelaina le uamea seia oo ina matuai vevela lava. Faatasi ai ma se galuega tele, na mafai ai ona ia mamanuina ma gagauina seia oo ina sa'o.

Ina ua maalili, sa ia tusia ai se mamanu o se naifi tele i luga. Faatasi ai ma se uelo afi mumu, sa ia tipi ai le uamea i le mamanu o se naifi. Ona amata lea e le uso o lou tama o Peni

ona tata ese pito talatala, ma galue ai i lea itula ma lea itula i le tipiina, oloina, polesi, ma faamamaina lena fasi uamea tuai.

Sa ia galue i lea aso ma lea aso i le mea na taua e lana pule o se fasi uamea le aoga. Na amata lemu lava ona tino mai le naifi ma avea ai o se faatufugaga matagofie ma illa.

Na pau lava le mea sa misi o se au. Na alu atu le uso o lou tama o Peni i le togavao ma maua mai ai se oti e i ai ni seu. I lana fale faigaluega na ia faamamaina ai, tipi, ma polesi le seu 'oti. Ina

## O A NI AU MEAALOFA?

**O**nisi nei o auala e mafai ona e iloa ai meaalofa ua ia te oe:

- Ole atu i le Tama Faalelagi po o a na [meaalofa], ma ole atu ia te la e faamanuia oe i nisi foi meaalofa.
- Fesili atu i tagata e silafia lelei oe. O nisi taimi e mafai ona manino atu le vaai a isi i au meaalofa nai lo oe.
- Auai i gaoioiga fou po o le aoaoina o tomai fou e iloa ai au taleni ma meaalofa faaleagaga.
- Afai e i ai sau faamanuiaga faapeteri-aka, suesue i ai e iloa ai meaalofa ua ta'ua ma po o a foi ni ou gafatia o i ai i ni vaega faapitoo.



## OIA IA TE OE SE TASI O NEI MEAALOFA?

"Se'i ou ta'u la ni nai meaalofa e le laulioa i taimi uma pe ta'uta'ua foi ae matua taua lava. O nisi o nei meaalofa atonu o ni meaalofa

o ia te oe—o ni meaalofa e le laulioa tele ae moni lava ma taua.

"Sei o tatou iloiloina la nisi o nei meaalofa e le laulioa: o le meaalofa o le ole atu; o le meaalofa o le faalogologo; o le meaalofa o le lagonaina ma le faaaogaina o le leo itiiti ma le filemu; o le meaalofa o le mafai ona tagi; o le meaalofa o le aloese mai finauga; o le meaalofa o le loto gatasi; o le meaalofa o le aloese i le tautu i upu; o le meaalofa o le sailia o le mea amiotonu; o le meaalofa o le faamasino atu; o le meaalofa o le vaai atu i le Atua mo le taitaiga; o le meaalofa o le avea ma soo; o le meaalofa o le manatu popole mo isi; o le meaalofa o le mafai ona mafaufau loloto; o le meaalofa o le faia o tatalo; o le meaalofa o le tuuina atu o se molimau malosi; ma le meaalofa o le mauaina o le Agaga Paia."

Elder Marvin J. Ashton (1915–94) o le Korama a Apostolo e Toasefululu, "E Tele Meaalofa," *Liahona*, Ian. 1988, 19.

ua uma ona ia faia, sa lamolemole ma matagofie. Ma le faaeteete sa ia faapipii ai le au i le naifi. O le mea na avea muamua ma se fasi uamea tuai, elea, ma pi'o ua avea nei ma se naifi matagofie lea na manumalo i nisi o taui.

O oe ma au e pei lava o lena fasi uamea tuai. E manaomia foi ona toe mamanuina, faamamaina, ma polesi i tatou ia ausia ai lo tatou gafatia atoatoa. O le iloaina, faamalosia, ma le faateleina o a tatou taleni ma meaalofa o ni vaega ia o lena faagasologa.

Na malamalamala le uso o lou tama o Peni o le tele o lo tatou gafatia e le mafai ona vaaia i le pito i luga ma e tatau ona iloa ma atiina ae. Na aoaoina i tatou e le Alii ia "outou saili ma le faamaoni meaalofa silisili ona lelei" (MF&F 46:8) ma "ina ia mafai e tagata taitoatasina ona



faalelei atili ana taleni, ina ia mafai e tagata taitoatasi ona maua ni isi taleni, ioe, e sautuaselau lava” (MF&F 82:18). Ae aisea e tatau ai ona tatou faia lea mea? E mafai ona tatou faaaogaina a tatou taleni ma meaalofa e auaua atu ai i isi, e pei ona faamatala mai e le fuaiupu e sosoo ai: “E saili ai e tagata taitoatasi le lelei o lē la te tuaoi, ma faia mea uma ma le manatu tasi i le mamalu o le Atua” (MF&F 82:19). O le tuuina atu o auauanaga e mamanuina ai i tatou i le ola ai i se olaga sili atu faaKeriso.

### Sailia o a Tatou Taleni

Na aoao mai e Elder Richard G. Scott o le Korama a Apostolo e Toasefululua le auala e mafai ai e tofotofoga ona mamanuina i tatou: “E masani ona saputu le o’o mai o luitau eseese ia i tatou i le taimi e tasi, i le taimi tonu lava e foliga mai ai ua matua lelei ma filemu mea uma i o tatou olaga. Afai o na tofotofoga e le o ni taunuuga o sou le usiusitai, o ni faamaoniga la ua lagona e le Alii ua e saunia e te alualu atili i luma (tagai Faataoto 3:11–12). O le mea lea Na te tuu mai ai ia te oe ni aafiaga e uuna’ia ai le alualu i luma, *malamalama, ma le agaalofa* [o ni meaalofa taua tele se lual] e *faaleleia atili ai oe mo lou manuia e faavavaau*. Ina ia avatu oe mai le mea o loo e i ai nei i le mea ua Ia finagalo e te i ai, e manaomia ai se taumafaiga malosi tele, ma o lena mea e masani lava ona o mai faatasi ma le mafatia ma le tiga.”<sup>3</sup>

### Faaleleia Atili a Tatou Taleni

O le faateleina o a tatou taleni e manaomia ai le galue. E lei leva atu, sa fai mai ai Elder Scott i lo’u toalua,

“Devonna, e tatau ona e valiina ni ata.”

Sa lei vali ata lava ia Sister Arnold i lona olaga. Sa ao ona ia galue i ai. Sa ia ave ni lesona, sa vali i lea aso ma lea aso, ma i le mavae ai o se taimi tele ma se taumafaiga tele na ia iloa ai vali ma le matagofie. O loo ia te au se tasi o ana ata vali matagofie o se vaaiga o se vaitafe o loo tautau i luga o puipui o lo’u ofisa.

Ioe, o le mauaina o ni taleni e manaomia ai le galue, ae o le a tele lava lo tatou olioli pe a tatou faalogo atu o fetalai mai le Alii ia i tatou, “Ua lelei ia. O au meaalofa ma taleni o le a faateleina ona o lou faamaoni” (tagai i le Mataio 25:14–30).

### O Au Meaalofa Faaleagaga

Na maua e lo’u toalua se taleni mo le valiina o ata. O a ni au meaalofa ma taleni? Ou te iloa na tuuina atu e lo tatou Tama Faalelagi nisi o [meaalofa] ia te outou. E faapefea ona ou iloa? “E tele meaalofa, ma e tuu atu e le Agaga o le Atua i tagata taitoatasi se meaalofa” (MF&F 46:11). O loo avanoa meaalofa ma mana o le Atua mo i tatou. O lo tatou aia tatau ma le tiute-tauave le taliaina o a tatou meaalofa faaleagaga, faateleina o a tatou taleni, ma faasoa atu.

Ua lisiina e tuisusiga paia nisi o meaalofa e mafai ona tatou sailia (tagai, mo se faataitaiga, MF&F 46), ae o loo i ai moni le faitau selau o meaalofa ma taleni. Suesue i le Tusi a Mamona, ae maise lava le 3 Nifae 11–26, ma o le a outou iloa ai le tele o meaalofa ma taleni o loo avanoa mo i tatou taitoatasi. Mo se faataitaiga, i le 3 Nifae 11 tatou te faitau ai e uiga i tagata o loo faalogologo i le siufogaga

o le Tama Faalelagi, ae sa le malamalama i ai i le taimi muamua:

“Ma sa latou toe faalogoina le leo i le taimi lona tolu, ma sa latou tatala atu o latou taliga e faalogo i ai; ma sa faasasaga atu latou mata i le mea na sau ai lea leo. . . .

“Ma sa oo ina ua latou malamalama sa latou toe tetepa ae o latou mata faasaga i le lagi; ma faauta, sa latou vaaia se Tagata [Iesu Keriso] ua afio ifo mai le lagi” (fuaiupu 5, 8).

O le manino o le faalogo ma le manino o le vaai ua na o ni faataitaiga se lua o meaalofa ma taleni faaleagaga e mafai ona outou mauaina ma faateleina pe afai tou te naunau e *saili atu ma galueaitina* i latou.

Ou te valaaulia outou taitoatasi e faia e pei ona sa faia e le uso o lou tama o Peni: ia vaai i le mea silisili i mea uma a o tatou sailia meaalofa ma taleni faaleagaga ma faaaoga i latou e faamanuia ai i latou o siomia ai i tatou. Ou te iloa o loo i ai i lo tatou Tama Faalelagi le tele o meaalofa ma taleni ua Ia finagalo e tuuina mai i o tatou luga, ae “e faalagolago i lo tatou ole atu mo i latou. O faamanuiaga e manaomia ai ni galuega po o se taumafaiga i la tatou vaega” (Bible Dictionary, “Tatalo”). Tau ina ia tatou iloa, galulue mo, ma faateleina meaalofa ma taleni na tuuina mai e le Atua lea na fananau faatasi mai ma i tatou, ma tau ina ia mafai ona tatou maua isi meaalofa o la’u tatalo faamaualalo lea. ■

### FAAMATALAGA

1. *Aoaoga a Peresitene o le Ekalesia: Iosefa F. Samita* (1998), 346.

2. *Mataupu Faavae o le Talalelei* (2009), 10; faaopoopo le faamamafa.

3. Richard G. Scott, “Faalagolago i le Alii, *Liahona*, Ian. 1996, 19–20; faaopoopo le faamamafa.



Saunia e Elder  
Dallin H. Oaks

O Le Korama  
a Aposetolo e  
Toasifululua

## O AUALA E SAUNIA AI MO LE AFIO MAI FAALUA

“O le olaga lenei o le taimi lea  
mo tagata e saunia ai e feiloai  
ma le Atua” (Alema 34:32). Ua  
tatou saunia ea?

Ae faapefea pe afai o taeao le aso  
e afio mai ai o Ia? Afai tatou te iloa o  
taeo tatou te feiloai ai ma le Alii—e  
ala i lo tatou oti faafusei, po o Lona  
afio faafusei mai—o le a se mea  
tatou te faia i le aso? O a ni mea sese  
o le a tatou ta’uta’u atu? O a ni ami-  
oga masani o le a tatou taofia? O a ni  
o tatou toatuga o le a faaleleia? O a ni  
faamagaloga o le a tatou tuuina atu?  
O a ni molimau o le a tatou faia?

Afai o le a tatou faia na mea i lena  
taimi, aisea e le fai ai loa i le taimi nei?  
Aisea e le sailia ai le filemu a o mafai  
ona maua?

O le amioleaga sa masani ona  
faasa ma uifiufi e pei o se ma’isua, ua  
faatagaina nei ma faaagiagia solo e  
pei o se fu’a. O faavae ma olo sili

ona taua mo le puipuiga o malo, ua  
fesiligaina pe osofa’ia foi. Ua lafo-  
a’ia e malo o latou tupuaga faalelotu.  
Ua faatuatuana’i tiutetauave o faa-  
ipoipoga ma aiga, fai mai ua fai ma  
faalavelave i le faamalieina o le loto.  
O tifaga ma mekasini ma televise ia e  
mamanuina ai o tatou uiga, ua tumu  
i tala ma ata e faaali mai ai fanau a  
le Atua ua pei o ni manu feai, po o  
le faaalia mai ai foi o tagata lelei ua  
pei o ni tagata faatauvaa o loo tuliu-  
limatagauina nisi mea e sili atu nai  
lo le fiafia o le tagata lava ia. Ma ua  
toatele naua i tatou ua taliaina nei  
mea o ni faafiafiaga.

O le lelei, o le mea moni, ma le  
matagofie, ua suia nei i le lē lelei, o  
le “po o le a lava,” ma le faamaualuga  
e leai se aoga. E le o se mea e ofo  
ai, ua anoanoai tagata ua saisaitia i  
ponokalafi, o le tatuiina o vaega o le  
tino e pei o ni tagata faapaupau, sailia  
ma le manatu faapito e le tagata lava  
ia o mea e faamalie ai lona loto, o  
amioga le faamaoni, o ofu faatosina,  
o gagana masoā, ma feusuaiga mataga  
faatautala.

O nei mea uma ua inosia i le sila-  
faga a lo tatou Tama Faalelagi, o le e  
alofa i Ana fanau uma, ma faasaina  
amioga uma e taofia ai soo se tasi  
mai le toe foi atu i Lona afioaga.

O le a le tulaga o i ai a tatou  
lava sauniuniga faaletagata lava  
ia mo le ola e faavavau? O le  
nuu o le Atua o tagata lava  
ia o le feagaiga mai lava i le  
amataga, e aofia ai folafolaga paia  
sa tatou osia i le vai o le papatisoga, i  
le mauaina o le perisitua paia, ma i  
totonu o malumalu o le Atua. Pe o  
tatou ea o ni fai folafolaga e le o faa-  
taunuina a tatou folafolaga, ma ē e  
talitonu e le o ola i o tatou talitonuga?


Pe o tatou mulimuli ea i le poloaiga  
a le Alii, “Ia outou tutu ai i nofoaga  
paia, ma aua le masi’iese, seja oo mai  
le aso o le Alii; aua faauta, e vave lava  
ona oo mai”? (MF&F 87:8).

Ua siomia i tatou i luitau i soo se  
itu (tagai 2 Korinito 4:8–9). Ae faatasi  
ai ma le faatuatua i le Atua, tatou  
te talitonuina ai faamanuaga ua Ia  
folafola mai ia i latou e tausia Ana  
poloaiga. Ua i ai lo tatou faatuatua i  
le lumana, ma o loo tatou sauniuni  
mo lena lumana.

“O le mea lea,” ua fetalai mai ai le  
Faaola, “ia faamaoni, ma tatalo i taimi  
uma, ma teuteu ma faamumu a oulu  
lamepa, ma ia i ai le suau ia te oulu,  
ina ia mafai ona oulu saunia i le afio  
mai o le Faatoafaiaivā—

“Aua faauta, e moni, e moni, Ou te  
fai atu ia te oulu, e vave ona Ou alu  
atu” (MF&F 33:17–18). ■

*Mai se saunoaga i le konafesi aoao  
ia Aperila 2004.*



# O LA'U MEAALOFA O LE KERISIMASI

O le a se mea o le a ou avatu i le Faaola i lenei tausaga?

Saunia e Dustin Ward

**O**lo'u nofoaga masani i le vasega o le seminare a le tausaga iva sa i le laina pito i tua, lea sa mafai ai ona ou talanoa ma tausua ai ma a'u uo. Na pau le mea na ou lesitala ai mo le seminare ona sa i ai se avanoa i lau faatulagaga o mataupu. Na faia le seminare i le taimi o le aso aoga i le mea sa ou nofo ai, ma sa fautuaina e se faufautua o le aoga ia ou avea talu ai o a'u o se Au Paia o Aso e Gata Ai. Sa ou iloaina le igoa o le faiaoga, ae sa pau lena o mea uma sa ou aoaoina mai le vasega.

Ona lē aoga lea o la'u uo i se tasi o aso, o lea sa ou oo ai i se faafitauli: sa leai se tasi ou te tausua i ai. O le a faapeflea nei la ona ou faaaluina le taimi? Ma le le to'a, sa ou faia ai le isi filifili a tasi—sa ou faalogo. O le taimi muamua lea faatoa ou gauai atu ai i le faiaoga.

A o ou toe tepa i tua, ou te le manatua se upu na ia fai maia i lena aso, ae ou te manatua le faafafiaina. Na toe foi mai la'u uo i le aso na sosoo ai, ae nai lo le tausua solo, sa ou faalogo ma sa toe gauai atu i le lesona.

Na iu lava ina ou siitia ese mai le pito i tua o le potu ma nofo i le laina pito i luma, lea sa mafai ona ou gauai atili atu ai. Sa leai se vasega na uma ou te le'i lagona ai se nau-nau malosi i le lesona po o i tamaiti aoga na faasoaa mai a latou molimau.

Sa ou fafia tele i le seminare lea na ou toe lesitala ai i le tausaga na sosoo ai. Sa papatisoina a'u i le valu o ou tausaga ae ou te le'i alu moni lava i le lotu. Ae sa suia se mea i se tasi o aso ia Tesema a o lei faia le malologa o le Kerisimasi. Na valaaulia i matou e le fai-aoga e o atu i le pito i luma o le potu ma ta'u atu po o le a se meaalofa o le a matou tuuina atu ia Keriso i lena tausaga.

"E leai se tasi o le a faia lenei mea," sa ou mafaufau ai. Ae o le mea na ou te'i ai, sa taitasi ma savavali atu tamaiti aoga i luma o le

vasega. O nisi na maligi loimata, o isi na faa-soa mai ni sini sa latou faatutuina, ma o nisi sa faamatalaina ni tala. Sa ou maofa ai.

Sa alu le taimi. Sa na o a'u lava le tagata e lei alu. Sa faafuasei ona ou tu i luga. Sa ou matua leiloaina lava po o le se tala e fai atu. I se leo gatete, sa ou fai atu ai, "O lenei tausaga mo le aso soifua o Keriso, o le a amata ona ou toe alu i le lotu."

Mai lena lava aso, sa amata ai ona ou alu i le lotu e avea ma a'u meaalofa i le Faaola. O le vaega na ese ai, o au le tagata na mauaina le meaalofa. O le toe foi i le lotu na suia ai lo'u olaga, ma na amata uma lava i le aso na ou tuu ai le talanoa umi ae faalogo ma faataga le Agaga e pa'i mai i lo'u loto.

O loo fetalai mai pea le Agaga ia te au. Pau lava le mea e ao ona ou faia o le tu e faalogo—ona mulimuli ai lea. ■

*E alala le tusitala  
i Iuta, ISA.*



# SAUNIA E AGAI I LUMA




NODOKA T.



JOSH W.



GRACE S.



BRIAN R.



AÏOLAH MA EVALINE V.



JOHN C.

*Siitia mai le Peraimeri i Alii  
Talavou po o Tamaitai Talavou?  
Siaki manatu nei mai le au  
12-tausaga le matutua e toafitu  
o e o loo faia lena suiga.*

**Saunia e Richard M. Romney, Mekasini a le Ekalesia  
ma Mickey Shimomiya, Tokyo, Japoni**

**U**a toeitiiti atoa lou 12. Ua tumu le olaga i suiga. I le lotu, o loo e siitia mai le Peraimeri i Alii Talavou po o Tamaitai Talavou. O lona uiga o le faatutuina o sini, tuuina atu o auaunaga, saunia mo le malumalu, aoao atili e uiga i le talalelei. Ae aua le atuuatuvale! Fai mai isi o loo o'o foi i lea lava mea e tasi e ese le manaia.

## Faatasia le Lua

O Aïolah V. o Farani o se Ofagapi e 12-tausaga le matua. E faapena foi lona uso o Evaline, lea e toe tasi le masina atoa lona 13. "Ua ou fiafia o loo i ai lo'u uso iinei e fesoasoani mai ia te au e siitia mai le Peraimeri i Tamaitai Talavou," o le tala lea a Aïolah.

O se tasi o a latou mea e fiafia i ai o le Alualu i Luma o le Tagata Lava Ia, ae a la faitau e uiga i se sini se tasi, la te toē. "Aoao e ta se mea fafafaili," fai mai ai le tusi.

"Ua autausaga o la tata," fai mai ai Evaline. Ae sa latou talanoa ma lo la tina. Sa ia fesoasoani ia i laua ia iloa e mafai ona la faaogaina ia musika e faataunu ai se isi sini: se auaunaga.

Ua sauni nei Aïolah ma Evaline e tātā i sauniga faamanatuga ma po o taleni, fai ni konaseti mo tamaiti ma tagata matutua, ma tātā mo faifeautalai pe a latou pepese.

"E manaia le Alualu i Luma o le Tagata Lava Ia," fai mai ai Evaline. "E mafai ai ona e faia le mea e te fiafia i ai ma faia ai foi ni mea fou."



## Fai ni fesili

Sa saunia Brian R. o Arisona, ISA, e sefululua tausaga le matua, e tufa le faamanatuga mo le taimi muamua. Na te lei manao e faia se mea sese, o lea na ia fesili ai i isi e umia le Perisitua Arona i lana uarota e faamalamalama atu ni mea ia te ia.

"Oka so latou lelei," sa ia fai mai ai. "Sa latou tau mai le mea ou te tu ai, le mea ou te alu i ai, ma le auala e tufa atu ai fata."

Ae o le mea e sili atu ona taua, sa latou faamanatu atu ia te ia migao. "E manaomia ona tatou manatuaaina le Faaola a o tatou tu-faina atu le faamanatuga," o le tala lea a Brian. "Afafai tatou te faaaloalo, o le a fesoasoani i isi ia manatua foi o Ia."

Na aoaoina e Brian e fiafia isi e fesoasoani ia te ia ia malamalama i ona tiute ma aoao e faia faalelei. "Tau o le fesili," o lana tala lea. "O le siitia mai le Peraimeri i Alii Talavou e faigofie atu nai lo mea e te mafaufauina."



## Fai Ni Uo Fou

"Sa ou popole ina ua talosagaina au e le fesoasoani ia ou alu i le tolauapiga a Tamaitai Talavou a le siteki mo le taimi muamua," o le tala lea a Nodoka T. o Okinawa, Iapani. "Sa ou filifili e tatalo. Ina ua uma la'u tatalo sa ou lagona le toafilemu, o lea sa ou filifili ai e alu.

"Mai le aso muamua, sa mafaina ou faia ni uo fou. Sa matua lelei lava tamaitai talavou ma agalelei ia te au; e lei pine ae mou atu lo'u fefe. Ma sa ou aoao e faamama le vai, faia nonoa, faia fusiga, faatino ia mānava laveai, ma saili ia laau aina!"

## Lagonaina le Taliaina

"O lo'u aso muamua i Tamaitai Talavou o lo'u aso fanau lea," o le tala lea a Grace S. o Arisona, ISA. "Sa latou faia e pei o se mea telē ia i latou, ae sa tumau pea lo latou agalelei. Sa latou faia ni mea na ou lagona ai le taliaina."

Sa talileleia foi o ia e lona faufautua. "Sa ia faamatala mai ia i matou ia mea na ia faia a o i ai o ia i Tamaitai Talavou," na fai mai ai Grace. "Ma na faamalamalama mai le tamaitusi o le Alualu i Luma o le Tagata Lava Ia faatasi ma i matou taitoatasi, ina ia mautinoa matou te malamalama i ai."

## Aoaoina, Aoao Atu, ma Faasoa Atu

I le avea ai ma se tiakono fou, na talosagaina ai Josh W. o Iuta, ISA, e aoao atu se lesona e uiga i le avea ai ma se soo o Keriso. “Sa ou mauaina ni mau e uiga i le taimi na fagogota ai Peteru ma isi. Sa latou taumafai i le isi itu o le vaa ae sa lei maua se i'a,” o le tala lea a Josh. “Ona fetalai atu lea o le Faaola ia i latou e fagogota i le isi itu, ma sa latou maua ai le tele o i'a (tagai i le Luka 5:5–11 ma le Ioane 21:6–11). I la'u lesona la, sa matou faiataua ai le mea lena. Ona matou talanoaina lea o le auala e faapena ai mo i tatou. Pe a tatou o na o i tatou lava, o le a mafai ona tatou oo i faafitauli. Ae a tatou faalogo i le Alii, o le a Ia fesoasoani mai ia i tatou.”

Fai mai Josh o le aoaoina, aoao atu, ma le faasoa atu e taua i Alii Talavou. “I le Peraimeri na tatou aoao ai le tele o mea ma sa tele foi ni gaoioiga,”

o lana tala lea. “O lenei la ua tatou aoaoina ni mea se tele *ma* faasoa atu. O lona uiga o le *faia* o le tele o mea i mea tatou te aoaoina.” Mo se faataitaiga, a maea se lesona o le perisitua, e asiiasi atu Josh i se uo ua umi se taimi e lei toe sau i le lotu. “E faigaluega ona matua i Aso Sa, o lea e le o mai ai. Ae sa ou fai atu ia te ia e mafai ona ma o mai faatasi.”

O loo aoaoina e Josh le faamoe-moega o Alii Talavou ma Tamaitai Talavou. “O loo faaali mai ai ia i tatou le auala e avea atili ai e faapei o le Faaola,” o lana tala lea. Ua ia iloa o le valaau e “o mai ia Keriso” o lona uiga o le agai i luga o se ala e amata i le papatisoga ma le faamauga, ma faauau ai pea e agai atu i le malumalu, ma taitai atu ai i le ola e faavavau.

“Ua ou saunia e agai i luma,” o lana tala lea. ■



## GALULUE FAATASI I LE TIUTE I LE ATUA

E tele lava ina galulue faatasi ia John C. E sefululua tausaga le matua ma lona tama i galuega faatino. Mo se faataitaiga, sa la su'iina ni pine i luga o palanikeke o le a la faaaogaina pe a la o e tolauapi. O pine e mai i tolauapiga eseese ma gaoioiga na la auai ai i British Columbia, Kanata, i le nofoaga o loo latou nonofo ai.

“O Tamā o se fesoasoani sili,” o le tala lea a John. “E le mafai ona ou mafaufauina le faiga o galuega faatino a le Ekalesia e aunoa ma ia.”

Ina ua atoa le 12 o John, sa la iloiloina faatasi le tamaitusi o le Tiute i le Atua. E lei pine ae la oo i le vaega o aitema o le “Malamalamā i Aoaoga Faavae” i le vaega o le Tiakono. “Sa faamalamalamā mai e Tamā ia te au le uiga o ki o le perisitua ma le pule,” o le tala lea a John. Ma sa fesoasoani ai lena mea ia John e faataunu se tasi o mea e manaomia.

Fai mai John, “Pe a e faia le Tiute i le Atua, ia faaaofia ai lou tama. Ua tele se fesoasoaniga a lo'u tama ia te au.”





Saunia e  
Elder D. Todd  
Christofferson

O Le Korama  
a Aposetolo e  
Toasefululua

*O uso o le Korama a  
Aposetolo e Toasefululua o ni molimau  
faapitoa a Iesu  
Keriso.*

# Pe moni ea na maliu ma toetu mai Iesu?



Ioē.

Ou te tu o se molimau,  
o lesu le Nasareta  
o le Togiola toetu.



O la o le Foafoa  
o le lalolagi.



E moni lava  
Ana vasega.



O le a toe afio  
mai o la.



E moni lava Lona alofa  
tunoa, ua faatagaina  
ai tagata uma ina  
ia salamo ma toe  
faamamaina.



O loo i ai se toetu  
mo tagata uma.

# Tatou Te Manatua ma Tapuai i Lo Tatou Faaola, o Iesu Keriso

Saunia e Erin Sanderson  
ma Jean Bingham

Taimi ua leva na fetalai atu ai le Tama Faalelagi i Ana perofeta e uiga i se meaalofa ofoofogia o le ia auina mai i le lalolagi atoa. O lena meaalofa o Lona lava Alo, o Iesu Keriso, o le a afio mai i le lalolagi e avea ma o tatou Faaola. O le a faaali mai e Iesu ia i tatou le ala e ola ai ina ia mafai ona tatou toe foi atu i le Tama Faalelagi. Na taulai atu ma le olioli tele ia perofeta i le taimi o le a soifua mai ai Iesu.

Ina ua ta'u atu e agelu i leoleo mamoe na lata ane i Peteleema o le pepe faapitoa, le Alo o le Atua ua fanau mai, sa latou lagonaina le olioli tele. Na latou faananati atu e vaai ma tapuai ia te Ia.

I laueleele o Amerika, na iloa e sa Nifae ua soifua mai o Ia ina ua malamalama pea le lag i le po atoa e ui na goto le la. Na latou lagonaina foi le olioli tele ma faafetai i le Tama Faalelagi mo le meaalofa o Lona Alo.

I o tatou aso tatou te manatuaina ma faamanatu le soifua mai o Iesu Keriso i le taimi o le Kerisimasi.

Tatou te faaalia lo tatou olioli ma le



**MAU**  
• Ioane 14:6

agaga faafetai mo le meaalofa a lo tatou Faaola e ala i le mulimuli i Lana faataitaiga o le tuuina atu o le alofa i isi i le tele o auala e mafai ona tatou faia ai. ■





*E alala tusitala i Iuta, ISA.*

## MANATU MO TALANOAGA FAALEAIGA

Talanoa e uiga i le tele o auala na faaalia ai e Iesu Keriso le alofa. Ia filifili o se aiga nisi o auala e faaali atu ai le alofa i isi ia Tesema atoa o se auala e manatua ma mulimuli ai i faataitaiga a lesu Keriso.

## MEAALOFA O LE ALOFA

Oti ese le pusa o meaalofa i luga o laina soloatoa. Tusi sau oe lava gaoioiga o le meaalofa i le avanoa. Gagau i luga o laina motumotu; ona faapipii lea o le faavaa i lalo. Faapu le pito i luga o meaalofa taitasi ma faapipii i ai se manoia. Tautau ia meaalofa i le mea e mafai ona e iloa atu ai. I nai aso taitasi, tatala se "meaalofa" ma faia le gaoioiga o loo i totonu. la manatua, e mafai ona e tuuina atu nei meaalofa i le tausaga atoa!



*E mafai ona e lolomiina nisi kopi o lenei gaoioiga i le liahona.lds.org.*



# Yancy

Saunia e  
Elder Brent H. Nielson  
O Le Fitugafulu



*"Ma o lenei ou te manao ina ia outou lotomaualalalo, ma augofie ma agamalu" (Alema 7:23).*

**S**a matou mananao ma nai ou tei se solofanua. Pe tusa ma le 9 po o le 10 o o'u tausaga, na faatau ai e lo'u tama se solofanua fafine lanu uliuli aulelei. Sa matou faaigoaina ia Yancy. Sa matou fiafia lava e maua lenei solofanua, ae sa le'i aoaoina o ia ia mafai ona tietie ai se tagata. Sa matou laiti tele e faia uma le galuega faigata o le aoaoina o se solofanua, o lea na talosaga atu ai lou tama i se uo na silafia le tele o mea e uiga i solofanua e fesoasoani e aoao Yancy.

E masani ona matou o atu i le laufanua e vaai Yancy. Sa lēmaonosaia lo matou faatalitali mo le aso e mafai ai ona matou tietie ia te ia. Ae e tusa lava po o a taumafaiga malosi a se tasi, e leai se tasi na mafai ona aoaoina Yancy. Sa loto maaa tele o ia. Sa le'i mafai lava ona matou tietie ia te ia.

I se tasi aso sa taumafai se tasi o uo a lo'u tama e tietie ai i se savali solo. A o agai atu Yancy ma lana tagata tietie i le auala, na puna i luga Yancy ma kiki ese le tagata tietie ma amata ona tamoe i le aai. Sa lēmataofiofia le tamoe ma'ema'eā a Yancy lea na lavea ai lona vae i se paipa vai tineimu. Sa ou tuliloaina

Yancy ma maua atu o loo taatiatia ma le tiga i luga o le auala.

Sa ou faanoanoa. Sa matou alolofa ia Yancy. Pe ana fai e usiusitai i le faiaoga, semanu e avea ma se solofanua fiafia i se olaga matagofie. Ae sa le fia faalogo Yancy pe mulimuli i lona matai. Nai lo lena, ua manu'a nei o ia ma taatiatia i le ogatotonu o le auala.

O le tala ia Yancy na aoao ai au i faamanuiaga e oo mai pe a tatou mulimuli i le Matai, lo tatou Faaola o Iesu Keriso. Pe a tatou agalelei ma agamalu ma lotomaualalo, e mafai ona tatou fiafia a o tatou tuu atu i le Faaola e taitai i tatou. ■

# O LA TATOU ITULAU



*I le tausaga ua tea, na matou o atu ai ma lo'u aiga faatasi ai ma lo matou uarota i le malumalu i Suitiselani mo aso e fa. I le taeao o le Aso Toonai, ae matou te le'i toe foi ane i Italia, sa oso ae se nuanua.*

Saria C., 10 tausaga, Italia




*Na matou faia ni gafa o aiga mo se gaoioiga a le Peraimeri.*

Uarota a Las Heras,  
Atenitina



*I le tausaga na te'a nei sa faatoa fai ai lava la matou polokalama muamua o le faamanatuga a le Peraimeri. Sa pe le eletise i le vaiaso ua tuanai i le taimi o la matou faataitaiga, ae sa matou pepese pea ma fai a matou vaega.*

Paranesi a Vientiane, Lao



*O la'u uluai Tusi a Mamona lenei. O lea la ua mafai ona ou faitauina nisi o upu, ua mafai ona ou faitaua tusitusiga paia.*

Anna L.,  
5 tausaga, Pasila



O UO MAI LE SALAFA O LE LALOLAGI

# O A'u o Minna mai Suetena



*O se kukama  
telē lenei sa  
ou pikii na mai  
i la matou  
togalaau.*

Hallå,  
Vänner!\*

\* "Talofa, uo!" i le Faasuetena

Mai se faatalanoaga sau-nia e Amie Jane Leavitt

**M**ata e te manao e nofo i totonu o se fale-aoga? O Minna ma lona aiga e nonofo i se nuu maotua i saute o Suetena. O lo latou fale sa avea muamua ma se faleaoga i le tele o tausaga ua mavae. Sa ia fai mai o le vaega sili ona lelei o le i ai o se potu tele i le fale mo le toatele o tagata. Ia Tesema, e valaaulia ai e le aiga o Minna ia tuaoi, o uo, ma aiga i lo latou fale mo se “pesepesega” faapitoa. E tusa ma le 80 tagata e o mai e pepese faatasi i pese o le Kerisimasi. Ona latou aai fafia lea i tau-mafataga mama a o lei toe foi atu tagata uma i fafo i le tau malulu o Scandinavian. ■

*E alala le tusitala i Iuta, ISA.*





*Ou te fiafia e tuu puna i luga o le tapoleni osooso. Ou te fiafia foi e tata le piano ma le fagufagu.*

*I la'u aoga e na o a'u le tagata o le Ekalesia, o lea ou te taumafai ai e faasoa atu le talalelei i au uo. E masani lava ona ou aumaia nisi o au uo mai le aoga i o'u aso o gaoioiga a le Peraimeri. O lona uiga ua avea a'u ma se faifeautalai i le taimi nei, e pei lava o o'u uso.*




*O se tasi o mea ou te fiafia e fai faatasi ma lo'u aiga o le tietie atu i matū i le laumua o Suetena o Stockholm. Ou te fiafia e asiiasi atu i o'u matua matutua ma isi tagata o le aiga o loo nonofo ai iina.*

*E fiafia lo'u aiga e a'au faatasi. I le taumafanafana, matou te o ai i se vaituloto e lata ane i lo matou fale. I le taumalulu, matou te o ai i se fale o loo i ai i totonu le tele o vaitaele ma vaifaasee.*



## OU TE FIA VAAI I LE MALUMALU

*O le Malumalu o Stockholm Suetena e lata ane i le fale o matua o lo'u tama. O lenei malumalu e i ai sona nofoaga faapitoa i lo'u loto. I se tasi taimi na ma savalivali faataamilo ai ma lo'u tama i le lotoa. Sa ma talanoa e uiga i le malumalu ma pe faapefea ona ou maua le avanoa e alu ai i totonu i se aso.*



## SAUNI E O!

*Ua faatumulua le atopau a Minna i nisi o ana mea e fiafia i ai. O fea o nei mea o le a e teuina i lau atopau?*

*E mafai ona e faia  
lenei tala ma lou  
aiga, uo, po o vasega  
o le Peraimeri. Faitau  
le Luka 2:1–16 ina ia  
fesoasoani e saunia  
ai oe.*

# O Le Kerisimasi Muamua

Saunia e Jenn Wilks

## TAGATA:

Maria  
Iosefa  
Pule o le Faletalimalo  
Leoleo Mamoe 1  
Leoleo Mamoe 2  
Agelu



**TEUGA:**  
la faafraigofie ia  
toniga: se ofu  
talaloa mo Iosefa,  
o se sikafu mo  
Maria, ma tootoo  
mo leoleo mamoe.

## FESOASOANIGA:

o se palanikeke e ufi ai ni  
nofoa se lua mo le fale  
o manu  
ni aluga laiti e fai  
ma faatusa o  
mamoe  
o se pepe mea-  
taalo po o se  
palanikeke ua  
taai e fai ma sui  
o le pepe o lesu



**Pese:** "Ina Ua Alu Iosefa i Petele-ema," fuaiupu muamua (*Tusipese a Tamaiti*, 22).

**Maria:** Talosia e mafai ona vave maua se mea ta te nonofo ai. Ua umi tele le ta faigamalaga.

**Iosefa:** O loo i ai se fale talimalo o loo i luma atu. Faatali atu iinei ma malolo se'i o'u saili atu pe o i ai se avanoa mo i taua.

[*Ua fesoasoani Iosefa e faanofo i lalo Maria ona tuitui lea o le "faitotoa." Tali mai le Pule o le faletalimalo.*]

**Pule o le faletalimalo:** O le a le mea e te manao ai?

**Iosefa:** O loo o'u sailia se nofoaga e malolo ai. E mamao le mea na ma o mai ai ma lo'u toalua, ma e ma te manaomia se nofoaga e momoe ai.

**Pule o le faletalimalo:** Ou te faamalie atu, ae ua tumu le faletalimalo.

**Iosefa:** Faamolemole, e le mafai lava ona e faia se mea e fesoasoani ai ia i maua? E le toe umi ae fanau si o'u toalua.

**Pule o le faletalimalo:** Ou te matea e mafai ona lua momoe i le fale o manu. Pau lava lena o le mea o loo totoe.

**Iosefa:** Faafetai lava. Mo le agalelei tele.



#### MANATU:

Tuu atu i le aofia e usuina le pese faatasi ai ma tagata o le tala.



#### Maria:

Oka, ua ou fiafia lava ua ta maua se nofoaga mo le po.

[*Ua la savavali i le fale o manu. Ua nonofo Maria ma Iosefa i lalo, ma ua faaiu ai lena vaega.*]

**Pese:** "Ina Ua Alu Iosefa i Petele-ema," fuaiupu lua ma le tolu *Tusipese a Tamaiti*, 22).

[*O loo leoleo e leoleo mamoe a latou mamoe. Ua oo mai le agelu, ma ua faapa'ū'u leoleo mamoe i o latou tulivae.*]

**Leoleo mamoe 1:** O ai oe?

**Leoleo mamoe 2:** Faamolemole aua nei fasia i matou.

**Agelu:** Aua le fefefe. Ou te aumai le tala fiafia! O le po nei na soifua mai ai le Alo o le Atua i Peteleema. O le a outou maua le pepe o taoto i se faatanoa vao.

**Leoleo mamoe 1:** Ia tatou o atu nei loa ma vaai i lenei tamaitiiti.

**Agelu:** O le viiga i le Atua i mea aupitoaluga, ma le manuia i le lalolagi, o le finagalo alofa i tagata.

**Pese:** "O Fetu na Pupula" (*Tusipese a Tamaiti*, 24).

[*Ua o atu leoleo mamoe i le faletalimalo ma tu'itu'i le "faitotoa." Ua tali atu le Pule o le faletalimalo.*]

**Leoleo mamoe 2:** Ua matou o mai e vaai i le pepe o Keriso.

**Leoleo mamoe 1:** Na ta'u mai e se agelu o le a taoto o Ia i se faatanoa vao.

**Leoleo mamoe 2:** E te silafia le mea o i ai o Ia?

**Pule o le faletalimalo:** Sa fanau mai se tamaitiiti i lo'u fale o manu i le po nei. O le a ou faaali atu le auala.

[*Ua mulimuli atu leoleo mamoe i le pule o le faletalimalo i le fale o manu, le mea o loo nonofo ai Iosefa ma Maria i autafa o se faatanoa vao ma le pepe o Iesu i totonu.*]

**Leoleo mamoe 1:** E moni! O

loo i ai moni lava se pepe o loo taoto i se faatanoa vao, e pei lava ona faamatala mai e le agelu.

**Leoleo mamoe 2:** O le Faaola moni lava lenei, o Keriso le Alii.

[*Ua tootutuli leoleo mamoe ma le pule o le faletalimalo faataamilo i le faatanoa vao.*]

**Pese:** "Po Filemu" (*Viiga, nu. 116*). ■

*E alala le tusitala i Inta, ISA.*



#### MANATU:

Tuu se fetu pepa lapoa i luga o se laau ma tuu i luga a'e o le fale o manu.



# Vaai i Totonu!



Saunia e Sophia C., 9 tausaga, Pasila

Ao lumanai le Kerisimasi na faatau mai e ou matua se atigipusa na tumu i ni kopi o le Tusi a Mamona e tuuina atu i tagata. O iina na ou maua ai se manatu e ave nisi i le aoga ma

foai atu o ni meaalofa i o'u faiaoga e toatolu.

Ina ua ou taunu atu i le potu musika, sa ou vaaia lou faiaoga ma mafaufau, "Alu loa Sophia. Tuu atu se tasi ia te ia!" Sa ou savali lemu

atu i lo'u faiaoga. Ae ou te le'i maua le lototele e avatu ia te ia le tusi.

Sa ou alu i se tulimanu o le potu ma tatalo ai ma le filemu tele. "Tama Faalelagi, ou te ole atu i Lau Afio e fesoasoani mai ia te au e tuu atu lenei tusi i lo'u faiaoga." Ina ua uma la'u tatalo, sa ou maua se lagona malosi e tatau ona ou tuu atu le tusi ia te ia. Na faafuasei lava ona ou maua le lototele.

Sa ou alu atu ia te ia. Sa ia tilotilo mai ia te au, ma ou tuu atu ia te ia le Tusi a Mamona ma faapea atu, "Faiaoga, ou te alofa ia te oe mai le ta'ele o lo'u loto, ma ou te manao e tuu atu ia te oe lenei Tusi a Mamona!"

Sa ia tago i ai ma vaai i le faavaa. "Vaai i totonu!" na ou fai atu ai. Sa ia vaaia ni nai upu na ou tuisaina.

Sa ia fusi a'u ma fai mai, "Oka, Sophia, faafetai atu mo le aumaia o lenei [tusi] ia te au!"

Ina ua uma ona ou nofo i lalo, sa ia fai mai i le vasega, "Vaai i le mea na aumai e Sophia ia te au. O le a ou faitauina i le taimi o aso malolo!"

Ina ua ou taunu i le fale, sa ou tamoe atu i lo'u tina ma faapea atu, "Mate mai la! Sa ou avatu i lo'u faiaoga se Tusi a Mamona."


Sa ataata o ia ma fai mai, "Lelei tele! O oe o se faataitaiga maoae ia te au, Sophia."

Sa tonu o le a ma tatalo e faafetai atu i le Tama Faalelagi mo le tuuina mai ia te au o le lototele e avatu ai le Tusi a Mamona i lo'u faiaoga. ■

# Tavita ma Koliata

1 Samuelu 17

**F**aapipii le itulau lenei i se pepa malo. Ona ot i ese lea o faatusa ma faapipii i ni fasilaau fai po o ni taga pepa. E mafai ona e faaaogaina e fesoasoani ai i le faatinoina o au tala e te fiafia i ai o le Feagaiga Tuai. ■



# O Sina Vaega o le Kerisimasi

*Sa afifi uma meaalofa ma tuu i lalo o le laau.*

*Pe sa i ai?*

**Saunia e Kate Strongin**

E faavae i se tala moni

*"Ia maua se Kerisimasi sili ona fafia! Faasalalau le fafia i soo se mea!"* (Children's Songbook, 51).

**S**a toeitiiti lava oo mai le Kerisimasi. Sa fafia lava Amalie. E le toe umi ae mafai ona ia tatalaina ia meaalofa o loo i lalo o le laau!

I le afiafi faaleaiga sa oo ai le faasologa ia Tinā na te faia ai le lesona.

"Aisea tatou te avatu ai meaalofa i le Kerisimasi?" O le fesili lea a Tinā.

"Ona o le aso soifua lea o Iesu!" O le tala lea a Amalie.

"Pe le tatau ea la ona tatou avatu se meaalofa ia te Ia?" Na fai atu ai Tinā.

Na fesoasoani Tamā i le tuagane o Amalie o Noa e faitau se mau. Sa fai mai pe a tatou auauna atu i isi tagata, ua tatou auauna atu lena i le Atua (tagai Mosaea 2:17).

"Pe o le auauna atu i isi o le tuuina atu lea o se meaalofa ia Iesu?" Na fai atu ai Tinā.

Na lue le ulu o Noa.

"O le a se isi mea?"

"O le tausia o poloaiga," o le tala lea a Amalie.

"Ia agalelei," o le tala lea a Noa.

"Lelei tele ia manatu!" Na fai atu ai Tinā. "Sei o tatou taaalo i se taaloga. O le a ou fai atu se meaalofa na tuuina atu e se tasi ia Iesu. Ta'u mai ia te au pe e te iloa po o ai. Se'i tatou amata! O lenei tagata na tuuina atu ia kata o le Kerisimasi i le nofoaga autu mo le tausiga."

Sa sii le lima o Noa. "O Amalie na faia le mea lena!"



# i Aso Uma

“O lenei tagata na alu i le asiasiga a faiaoga o aiga.”

“O Papa lena,” o le tala lea a Amalie.

E lei umi ae na latou ta’ua le tele o meaalofa ua uma ona latou avatu i le Faaola.

“E mafai ona tatou tuuina atu ni meaalofa i aso uma,” o le tala lea a Tina.

O le taeao na sosoo ai ma ua oo i le taimi e tapena ai le fale. “Oi e leai,” o le tomumu lea a Amalie. Ona ia manatua lea. O le auauna atu i isi o se meaalofa! Afai na te

fesoasoani ia Tinā, e tutusa lava ma le fesoasoani atu ia Iesu. Sa ia maua se fasi ieie ma solo ai luga o fata seja oo ina iila.

O le aso na sosoo ai sa maua e Amalie se tupe.

“O lau sefuluai e valu sene,” o le tala lea a Tinā.

Na toe manatua e Amalie. O le sefuluai o se poloaiga, o lea la o le totogiina o le sefuluai o se meaalofa. Sa ia tuuina le valu sene i totonu o lana fagu sefuluai.

Mulimuli ane i lena vaiaso sa

fesoasoani Amalie e pik i luga ia aluga. Na tau’ai ese e lona tuagane pepe mai le nofoa. “O se isi meaalofa mo Iesu,” o lana tala lea.

I le Po e sosoo ma le Kerisimasi, na ta’u atu ai e Tinā ma Tamā ia Amalie ua la mitamita lava ia te ia. “Sa e tuuina atu ni meaalofa ia Iesu i le vaiaso atoa,” o le tala lea a Tamā. “Ua pei lena mea o le mauaina o sina Kerisimasi itiiti i aso uma.” ■

*E alala le tusitala i Iuta, ISA.*





Saunia e Elder  
Melvin J. Ballard  
(1873–1939)

O Le Korama a  
Aposetolo e  
Toasefululua


## OU TE ILOA O LOO SOIFUA O IA

*O le a ou tuuina atu mea uma ua avea ai a'u, o mea uma ua ou faamoemoe o le a avea ai, ia lagona ai mea sa ou lagonaina muamua!*

**O**u te fiafia lava e mafaufau i le tau na totogiina e lo tatou Tama o i le Lagi e tuuina mai ai ia i tatou le meaalofa o Lona Alo Pele, lena Alo agavaa a lo tatou Tama, o le na alofa tele i le lalolagi sa Ia foai mai ai Lona ola e togiola ai le lalolagi, e laveai ai i tatou ma fafaga i tatou faaleagaga a o tatou savavali i lenei olaga, ma saunia i tatou e o atu ma mau faatasi ma Ia i lalolagi e faavavau. . . .

Ou te manatua se aafiaga sa ou oo i ai . . . , na molimau mai i lo'u agaga i le moni o le maliu o [le Faaola], o Lona Faasatauroga, ma Lona Toetu, lea o le a le galo lava ia te au. . . .

. . . Sa ou oo i se tasi o afiafi i miti o le po i lena fale paia, le malumalu. Ina ua mavae se vaitau o le tatalo ma le olioli na logoina au e tatau ona ou maua le avanoa e ulufale atu ai i se tasi o ona potu, e feiloai ai ma se peresona mamalu, ma, a o ou ulu atu i le faitotoa, sa ou vaaia, a o nofo i luga



o se tulaga maualuga, se tagata silisili ona mamalu faatoa ou vaai lava i ai ma ou te lei mafaufauina foi e i ai i lalolagi uma e faavavau.

A o ou latalata atu ina ia faailoa atu a'u, sa tulai o Ia ma laa e agai mai ia te a'u ma aao sa faaloaloa mai, ma Ia atata a o Ia fetalai lemu mai i lo'u igoa. Afai ou te ola seia miliona o'u tausaga o le a le galo lava ia te a'u lena foliga fiafia. Sa Ia opo atu a'u i Ona aao ma sogi mai ia te a'u, ona fusimau lea o a'u i Lona fatafata, ma faamanuia ia te au, seia oo ina liu suavai su o o'u ivi! Ina ua maea ona Ia faia, sa ou faapa'u i Ona aao, ma, a o ou mulumulu i [Ona aao] i ou loimata ma sogi i ai, sa ou vaaia tulaga fao i aao o le Togiola o le lalolagi. O le lagona sa ia te a'u a

o ou i ai i luma o Ia o le ua i ai mea uma i Ona aao, le mauaina o Lona alofa, Lana faamafanafanaga, ma Lana faamanuia o se aafiaga ana faapea e mafai ona ou mauaina na mea sa ou muai tofo i ai, o le a ou tuuina atu mea uma o ia te au, o mea uma ua ou faamoemoe o le a avea ai, ia ou toe lagona ai mea sa ou lagonaina i lena taimi!

. . . Ou te le o vaai ia Iesu i le taimi nei i luga o le satauro. Ou te le o vaaia le tuia o Lona muaulu i laau talatala po o Ona aao o pu pu i fao, ae ua ou vaai ia te Ia o ataata, ma aao o faaloaloa mai, ma fetalai mai ia i tatou uma: “O Mai ia te A'u!” ■

*Ua faalaugatasia mataitusi tetele.*

*Mai le Bryant S. Hinckley, Sermons and Missionary Services of Melvin Joseph Ballard (1949), 147–57, e pei ona toe lolomiina i le “Classic Discourses from the General Authorities: The Sacramental Covenant,” New Era, Jan. 1976, 7–11.*

# MALAMALAMAAGA



## O a ni auala ua avea ai Iesu Keriso ma Malamalama o le Lalolagi?

"O [Iesu Keriso] o le Malamalama o Ierusalem, na fanau mai ia Maria, o Lona tina faaletino, ma Lona Tama, o le Atua Silisiliise. . . . O la o le Malamalama o le Togiola lea na faataunuina i le Faatoaga o Ketesemane, faapea foi Kolokota, o le na tauaveina i Ona luga agasala a le lalolagi, ina ia maua ai e tagata uma le faaolataga e faavavau. O la o le Malamalama o le tuugamau tuufua, o le Alii toetu ua i ai se tino mamalu o aano ma ivi, o le na motusia noanoaga o le oti, manumalo ai e faavavau i le tuugamau. . . . O la o lo'u Malamalama, o lo'u Togiola, o lo'u Faaoela-ma lo outou foi."

# E I Ai Foi i Lenei Lomiga

## MO TALAVOU MATUTUA

### O Le Tali I FESILI FAIGATA UMA

Ua fautuaina i tatou e Peresitene Uchtdorf ia muamua masalosalo i o tatou masalosologa ae tatou te lei masalosalo i lo tatou faatuatua. E mafai la faapefea ona e masalosalo muamua i ou masalosologa ma agai i luma i le faatuatua?



i. 44

## MO LE AUTALAVOU



i. 48

### O LE FAAOLA MA LE FAAMANATUGA

O a mea e tatau ona e mafaufau moni lava i ai a o sauniaina, faamanuaina, tufaina, po o le ai ma le inu i le faamanatuga?

## MO TAMAITI

### O Le Kerisimasi Muamua

O le faia o le tala o le Kerisimasi ina ia pei o se mea moni e ala i le faatinoina o lenei tala o le soifua mai o lesu!



i. 74